





5. 8. 431



JOANNIS
BRUNATII
DE
RE NUMMARIA
PATAVINORUM.

*Jam tempus est quedam ex nostra, ut
ita dicam, Moneta proferri.*

Senec. de Benefic. lib. III. c. 35.



VENETIIS, MDCCXLIV.
Typis JO. BAPTISTÆ PASQUALI.
SUPERIORUM PERMISSU.



M. FOSCARENO

EQUITI, DIVIQUE MARCI
PROCURATORI

Jo. BRUNATIUS
F.



Lbrum de re Numma-
ria Patavinorum Ti-
bi censebam, MARCE
EQUES AC PROCURA-
TOR ; ea quando seculi feli-
citas est , ut litteras & ea-

iv EPISTOLA.

rum cultores ames : alteras ex usu teneas, alteros ex liberalitate juves; utrisque ex officio præfideas. Tu celeberrimo Patavinorum Gymnasio præfectus es, & principem Reip. Bibliothecam curas; ipse bibliothecam domi sic habes, ut colas: ea libros & plurimos & pulcherrimos & optimos. Namque tibi mens omnium capax; eloquentia vero iis efferendis egregia est.

Equidem laudes tuas arcto, Vir Præstans. Ita quippe sum. Nec ampullas affecto, resque nec aliorum jacto nec meas. Id enim ex
ipso

EPISTOLA. v

ipso hoc constat opusculo
quod in promptu est. At Ip-
se jam fereris omnium & lin-
guis & scriptis; ultraque mon-
tes & maria favore morta-
lium studiisque personas. A-
junt te FOSCARENUM Veneta
nobilitate Patricium, deinde
Senatorem, præterea Equi-
tem, ad hæc D. Marci Pro-
curatorem, vivente pari fasti-
gio Patre, quo memorabilius
id etiam sit; Oratorem diu
apud Reges apud Pontifices
apud Cæsares, iis auctum ti-
tulis & meritis & factis, eo
tamen esse notabilior, quod
græca latinis admisceas, quod
philosophica politicis addas,

quod oratores poetis, historicos utrisque jungas; idem vetustis ævi monumentis impalleas, & membranarum voluminibus inhies; omnia Reipublicæ tempora nexumque rerum seriemque gestorum sic ab origine teneas edisseras ornes, ea regnis ac Rebuspublicis aliis hinc præferas inde conferas, ut nunquam aut ingenio arescas, aut memoria subsistas, aut facundia non placeas.

Urbi quidem tuæ florentissimæ, congratulandum esse mihi scio, quæ TE SCRIPTOREM RERUM SUARUM ET ORATOREM nacta sit, eum homi-

EPISTOLA. vij

nem qui magnitudinem suam stilo atque oratione æquare possis. Etsi enim ut Romani quondam, & nunc VENETI Tui facere malint, quam dicere, resque suas laudari posse ab aliis optent, quam ipsi alienas laudare, non minima tamen bene gestæ rei pars est, ut præclare quis gesserit, ita & esse aliquem qui præclare dicat. Laterent siquidem res majorum nostrorum, nullaque ad posteros nostros præsentium rerum memoria pervenire posset, nisi prodita essent divina quædam ingenia, qualia apud priscos multa, apud nos TUUM, quæ & suarum & superiorum ætatum gesta litteris complecterentur.

viii EPISTOLA:

Hæc ineunte quintodecimo jam seculo Vergerius e MSS. meis. Ut inde parata tibi, MARCE Vir, hoc est, famæ tuæ, doctrinæ tuæ, scriptis tuis eruditorum suffragia vix ambigas. Vale.

P R Æ F A T I O .

COMmentariolum de re numaria Patavinorum, quod in manibus est, hanc habet causam . Diu versor in his tabulariis & urbium quæ proximæ sunt , id agens ut hæc Italiæ portio fama nobilis & opum ac virorum ferax obscuris maxime seculis inclareat , & inde barbarica temporum iuvetur eruditio , quæ dudum litteratos ævi sollicitat . Itaque vetustis annorum chartis ac pergamenis incubo, privatis itemque publicis. Ibi vero nihil tam frequens ac pecuniaria res. Ubique numos & denarios ubique solidos habes ; aut parvos aut grossos ; hinc libras & marcas , hinc ducatus ac florenos : adde Byzantios

tios & imperiales , adde marabotinos, alios. Hæc properantem retardant , & retardando fatigant . Ac mihi vix erat quies ab eiusmodi scabie ; tandemque putavi commodius ut ex iis maturius emergere-rem ; atque ita stomachum eo velut eruditionis indigestæ fastidio solverem . Præterea si non oscitanter hæc agas, id quoque comperies, eum , qui res has antiquitatis invaserit , de pecuniaria fore sollicitiorem ; quippe quæ reliquarum nexus ac vinculum est . Age bella sive paces ; age testamenta , nuptias, emptiones, emphyteuses , acta causarum , iura feudorum, vectigalia , decimas, ac præbendas ; age litteras & artes , quæ solemnior est archivorum materies : ea fere pecunia coeunt : ut proinde quantum promovendis hominum negotiis valet pecuniaria res, tan-

P R Æ F A T I O. xj

tantum valeat iis intime perſcrutandis exacta rei pecuniariæ tractatio.

At non ſic agimus hæc, ut eam lucem rudibus ævi moribus ingerant. Aliqua indico, pauca conficio, reliqua iacent; idque fit monumentorum conditione, vel operis. Et monumenta, ſi numerum ſpectes, innumerabilia ſunt, quæ numos hos & monetas offerant ac nomine vocent. At rem vix ultra provehunt. Idque ſtomachere magis, ut in ea nimietate ieunium ſentias. Hæc ab anno DCCCCL. ad MCCXX. Deinde major eſt adhuc membranarum ſatietas; &, ſi vis, alia rerum momenta conferunt. At nondum ſatis hæc erant; & erant communia Diſſertationibus aliis, (quæ fortasſe ſunt ad manus) ex quibus Antiquitatum mediæ ævi Patavinarum non inſolens opus exiſteret. Ex. grat. ſic anno
mil.

millesimo ducent. septuagesimo quinto. indictione tertia, mense decembris apud Patavinos statutum est, ut in rochera S. Victoris continue stare debeat unus capitaneus miles vel pedes ab omnibus armis: & sex custodes. Et quilibet custos habeat pro suo salario libras tres & dimidiam pro quolibet mense. Quorum salarium debet solvere dominus Episcopus Feltrensis & commune Feltri. Rursus anno millesimo ducentesimo septuagesimo quinto. Statutum est, ut syndicus communis qui mittitur ad denunciandum electionem alicuius doctoris, habeat solidos decem pro persona & equo, & non possit habere solutionem nisi pro tribus equis. Statutum quoque est ante millesimum ducentesimum trigesimum sextum, ut nullus sartor accipere debeat de sua arte ultra modum inferius comprehensum. Modus autem est iste. Pro gonella ab homine solidos duos, pro paludello ab homine solidos decem & octo, pro pelle & guarnacia ab homine solidos tres. &c.

Hæc

P R Æ F A T I O . xiiij

Hæc nonnihil ad res Patavinorum nummarias. Sed nec satis ea sunt, & in Exercitationes de re militari, de re litteraria, de re vestiaria Patavinorum melius inferas. Ita de pluribus aliis: ut hæc propterea vel omittenda prorsus, aut alio reservanda fuerint. Ubi vero nodus inquisitionum est, monumenta cesserunt. Quid non egi hic, ut uni saltem ex tot numis, quos edo, precium certo statuerem? Quo nempe firmato reliquos iisdem supputationibus agerem. Dixi quid esset marcha ad ducatum, quid ducatus ad libram, quid libra ad solidum, quid solidus ad denarium; denariumque medium notavi, quartum quintumque denarii. Sed quid tandem quinta hæc denarii pars? aut quæ libra denariorum? Num semper ex argenteis? At habebamus

&

& æreos . Horum quis ortus apud nos , aut sectio , quis modus aut lex , aut quibus expendenda momentis ? hæreo , chartæ faceffunt , antiquitas filet . Itaque frustratis eo calculo progredi nefas , ac tantum coniecturæ superfunt .

Institi pariter , ut haberem nummos ad normam diplomatis Henriciani , quod est capite II. Jam illud a Muratorio defendi , sed eo modo quo fuerat impugnatum , nempe leviter , & quasi dissimulando . Plura , quibus exaggerari poterat res , omisi , ne superflua congererem . Sed parum interest verum falsumve teneas , cum nonnisi ducentos ac viginti post annos h. e. MCCLXXI. *denariorum Paduanorum parvorum* nomen inaudias ; & quos anno M. circiter ac CCC. vides , ipsi decreto repugnent . Hinc ei non admodum
blan-

611

P R Æ F A T I O. xv

blandior ; atque in eo recensendo plus Veronensi quam Patavinæ monetæ consulo.

Ex his habes causam Dissertationis, & modum. Ordo sic erit. Primum tractabo numos in urbem receptos ; dein numos in urbe signatos.

Haud dubito prodituras exinde chartas his refricandis idoneas. at vellem perficiendis. Ea quippe vel apud auctores æquævos implicationiora sunt. Et Oresmius anno MCCC. circiter LXXX. tractaturus hæc in opere *De mutatione monetarum*, quod est Tom. XXVI. Biblioth. PP. sic demum professus est. *Magnum, inquit, scandalum est & vile principi, quod moneta regni sui nunquam in eodem statu permanet ; sed de die in diem variatur : & quandoque in uno loco plus quam in alio pro eodem tempore. Item sæpissime ignoratur his*
du-

xvj PRÆFATIO.

durantibus temporibus vel mutationibus, quantum valeat hoc numisma vel illud. Et sic rei quæ debet esse certissima, nulla est certitudo, seu potius incerta & inordinata confusio in vituperium principatus.



DE



D E
RE NUMMARIA
PATAVINORUM
CAPUT I.

*De Veneta pecunia usui Patavinorum
Seculo X. atque XI.*



Ntiquior est mentio Nummo-
rum quos aliunde Patavini
sumpserunt, quam quos ipsi
constarunt. Anno nongente-
simo quinquagesimo, Lotha-
rii nonodecimo sub die de men-
se madio indictione boctava - Kavasino de Ci-
vem Patavensis Teudiverge conjugii solidos
numeros centum pollicitus est. Hacta in ci-
vem Patavensis. Anno nongentesimo sexa-
gesimo.

2 DE RE NUMMARIA

gesimo octavo, domni *Hotori Deo propicio Imperatore septimo* & item *Hotto filio ejus imperii primo sub die de mense Julio indictio-
ne undecima*; venditor *Stephanus* ab em-
ptore *Martino*, pro *argento* & *alia specie*
valente solidos sexsainta recepit. *Acto in Ci-
vitate Patavensis*. Anno quoque ab *Incar-
nacione domini nostri Ihesu Christi* pos mile-
simo quariesimo quarto quarta die intrrante
mense feburario indicione terciadecima, quod
est a Nativitate millesimo quadragesimo
quinto, tunc inseramus ad illa parte contra
quam exinde litem intulerimus multa denari
obtinio unciasvinti, arienti poderas quadrin-
ta. Pariter id *Actum in sar civitate Patavit*.
Hæc remotiora penes nos inquilinæ mo-
numenta pecuniæ. Quas innui membranz
tres autographæ sunt, ac de sacrario tem-
pli maximi prodeunt. Eas Viri Canonici
describendas cesserunt. Præter has etiam
plurimas obtulerunt. Eruditionis arcanæ
thesauros aperuerunt. Nobilitatem san-
guinis æqua magnanimitate pensarunt.

Hinc si quæras unde Patavina gens hos
nummos haberet, alius alias invehat mo-
netas. Veneta certe non aberat. Effero
chartam, quam mihi velatæ S. Stephani
Matronæ cum toto tabulario domum mi-
serunt. Hoc antea Petrianæ Virgines, &
Agathenses, & aliæ præstiterant. Factum
lau-

PATAVINORUM. 3

laudabile posteris silendum non erat. Hæc autem archetypa est, annumque refert millesimum quinquagesimum tertium. Sic habet „ in Christi nomine. Placuit atque „ convenit inter domna Gepa Abatissa de „ monasterio Sancti Stefani martir Cristi „ foris civitate Patavi pro ponte Sancto „ Stefano, nec non & inter Dominico filius quondam Christiano, ut in Dei nomine debeant dare, sicut a presenti dedit ipsa domna Gepa Abatissa ad laborandum libellario nomine usque ad annos „ viinti & novem expletos, oc est pecia „ una de terra aratoria ad vinea plantandum in lo e fundo ubi dicitur Porcila iure de suprascripto suo monasterio. „ Querit ei de omnes partes fosa. sico „ eque alie sunt coerentes. Ea ratione „ uti amodo ipse Dominicus & suos heredes (&c.) Pena vero inter se posuerunt, ut quis ex ipsis non compleverint omnia qualiter superius leitur, vel „ si tollere aut relaxare voluerint ante „ suprascriptos viinti & novem annis expletis, compona pars partem fidem servandi, pena argentum solidos viinti & novem de Veneciarum monete. & post „ pena composita unc libellum in sua manead firmitate. Anno vero Dominus Henricus Secundo Dei gratia Imperator ob-

4 DE RE NUMMARIA

„ gustus, anno imperii eius Deo propicio
 „ ic in Italia septimo, quarto die mense
 „ december, indictione sexta. Actum infra
 „ claustrum a de scripto monasterio feliciter.
 „ + Ego Gepa Atisa que hanc cartula li-
 „ bello a me fata mm. ss. Ego Lanita. E-
 „ go Alburga manus mea scripsit. Ego An-
 „ gelberga manus meas scripsit. Ego Bur-
 „ ga manus meas scripsit. Signum + + + +
 „ manibus Arustigello, & Laurencio, &
 „ Johannes, & Dominico, & Martino de
 „ fornale rogati testes. Ego Ugo notarius
 „ & iudex scriptor uisus cartule libello
 „ postredita coplevi & dedit. „ Ergo tum
solidi Veneciarum monete Patavinis aderant,
 ac vulgo iactati minute quoque rei nempe
 sanctioni libellaticæ pares erant.

Adde litteras Henrici Quarti Regis an-
 no regni sui XXIII. *Dominice incarnationis*
millesimo LXXVIII. quas etiam Muratorius
 e manuscriptis *Estensis* in *Italicas* intulit
Antiquitates Dissertat. XIX. *Stabilimus*, ait
 Henricus Rex in gratiam Patavini Præsu-
 lis Odelrici, *quidquid eadem Ecclesia babe-*
re videtur. Nominatim septem libras monete
Venetiarum, quas in nostro adventu in Re-
gnum Italicum Saccenses ex Præcepto Patris
nostri dicunt se nobis debere. Saccus agri
 Patavini portio est ad orientem conter-
 mina mari; caput Populorum Plebs. Hos
 hic

PATAVINORUM. 5

hic habes septem Venetis libris Italico Regi devinctos. Ajunt autem eas sibi pendendas ex Præcepto Patris Henrici. Quale Præceptum hoc? Dicam. Vetus exemplar annorum plus quingentorum Canonici tenent. Ibi chronologia deest; quam tamen haud ægre suppleas. In eo memorantur Henrici duo Tertius, itemque Quartus Italiæ Reges. Tertius excessit octobri mense, MLVI. Quartus extitit Rex aprilii; MLIV. Stat eo triennio Diplomatis epocha. Signare placet annum MLV. mensemque novembrem, quo legimus apud Muratorium Dissertat. XLV. datum Diploma Mantuanis, actamque similem causam. Forte sibi populus populo fuit incitamento vel usui.

„ In nomine sancte & individue Trinitatis. Henricus divina favente clementia Romanorum Imperator Augustus. Si miseris & pauperibus secundum quod scriptum est, subvenite misero, manum misericordie pro- ut Imperialem decet clementiam porrigimus, videlicet ut a violentis obpressionibus, * & hic & in futuro premium nos recepturos sperare debemus. Quapropter notum sit omnibus sancte Dei Ecclesie nostrisque Fidelibus tam futuris quam presentibus, qualiter Homines in Valle que vocatur Saccus habitantes clementiam nostram audierunt de iniuste

6 DE RE NUMMARIA

„ servitutis oppressione in quam Pataviensis E-
 „ piscopus violenter eos compulerat miserabi-
 „ liter conquerentes. Verum nos pro remedio
 „ anime nostre, & ob interventum dilectis-
 „ sime Conjugis nostre Imperatricis Agnetis,
 „ & propter incrementum Filii nostri Hen-
 „ rici Quarti Regis precipimus & confirma-
 „ mus, ut quicquid Pataviensis Episcopus
 „ per violentiam illis abstulit, aut cartas ab
 „ eisdem fieri compulit, integre ipsis resti-
 „ tuatur: & ut deinceps ab injusta servitu-
 „ te sint soluti sancimus; hocque nomen ab
 „ Imperiali auctoritate nostra stabilitum ob-
 „ tineant ut in omni succedenti tempore Ere-
 „ manni dicantur; & ea consuetudine qua
 „ nunc ceteri Eremanni in comitatu Tarvi-
 „ siano utantur. Preterea cum nos in re-
 „ gnum Italicum venerimus, sicut anti-
 „ quis temporibus soliti fuerant, septem
 „ libras ut impendant, & decimas per unum
 „ quemque annum precipimus. Insuper vero
 „ nec Episcopus, nec aliqua magna vel parva
 „ nostri Regni persona predictos homines mole-
 „ stare inquietare sine legali iudicio presumat.
 „ Statuimus quia partibus autem Ecclesie se-
 „ cundum iusticiam faventes, ut predictis ho-
 „ minibus non liceat ipsam Eremanniam suam
 „ vendere aut Archiepiscopo, aut Episcopo,
 „ aut Patriarche, aut Duci, Marchioni, Co-
 „ miti, Vicecomiti, neque aliquibus se Potencio-
 „ ribus

PATAVINORUM. 7

„ribus vendant, nisi quod secundum eandem
 „consuetudinem debitum Eremannicæ predi-
 „ctæ Pataviensis Ecclesiæ iustitiam suam per-
 „solvere velint. Si quis vero contra hanc no-
 „stram Imperialem confirmationem a predi-
 „ctis Eremannis aliquid exegerit aut nostrum
 „Præceptum infringere temptaverit. C. libras
 „auri optimi componat, medietatem Kamere
 „Imperiali, & medietatem ipsis hominibus.
 „Quod ut verius credatur hanc cartam inde
 „conscripserit manu propria ut infra videtur
 „corroborantes sigilli nostri impressione iussi-
 „mus insigniri.

Hoc erat præceptum Patris Henrici, quod
 Henrico Filio Saccenses ingesserant. Alte-
 rum itaque alteri jungas. Ait Henricus Rex
 III. ad Saccenses, *septem libras ut impendant* :
 Henricus Rex IV. eas asserit *septem libras*
monete Venetiarum. Venetas ergo libras se-
 ptem Saccenses Italico Regi solvebant an-
 no MLV. Rursus ait Henricus Rex III. id
 eos facere ex antiqua consuetudine tempo-
 rum. *Sicut antiquis temporibus soliti fue-
 rant*. Nos antiqua hæc tempora metiamur
 annis saltem centenis. Iam res anno non-
 gesimo quinquagesimo resedit, quo Ve-
 netos nummos accersebamus Urbi Patavio.

8 DE RE NUMMARIA

C A P U T II.

*De Veronense Pecunia apud Patavinos
Seculo XI.*

Sequitur Moneta Veronensis. Apud nos primum celebratur illo Diplomate quod Imperator Henricus Episcopo Bernardo cunctæque Civitati novo munere cohonestandis expedit anno MXLIX. Tritum est apud Sigonium, Ugellium, Ursatum, Muratorium, atque alios. Nondum tamen omni labe caret. Ei vulgando pergamena duplex e chartophylacio Canoniorum præsto est. Recentior anno *millesimo trecentesimo undecimo indictione nona die prima Decembris* manu *Virgilii notarii*. Vetusior autographo par annos exhibet undecimi seculi postremos. Ex hoc Virgilius, ex Virgilio ceteri deinde sumpserunt. Singula spectanti res patuit. Attentos enim oculos adhibere satis erat.

„ IN NOMINE SANCTAE ET IN-
„ DIVIDUAE TRINITATIS HEIN-
„ RICUS divina favente clementia Ro-
„ manorum Imperator AUGUSTUS. Si
„ sacris & venerabilibus locis proficua do-
„ na concedimus, animæ nostræ profutu-
„ rum nullo modo ambigimus. Quapro-
pter


PATAVINORUM. 9

„ pter omnibus Christi nostrique Fide-
 „ bus, tam futuris quam & presentibus
 „ notum fieri volumus, qualiter nos ob
 „ interventum nostri thori Regnique con-
 „ fortis scilicet AGNETIS Imperatricis
 „ Augustæ, nec non ob devotum servi-
 „ cium & petitionem BERENNARDI
 „ PATAVIENSIS Episcopi, licentiam
 „ & potestatem monetam faciendi in Ci-
 „ vitate PATAVIENSI secundum pon-
 „ dus VERONENSIS monetæ sibi suæ-
 „ que Ecclesiæ perpetualiter concedimus
 „ atque permittimus. Et ut certior au-
 „ thoritas hujus nostræ concessionis vi-
 „ deatur, in una superficie denariorum
 „ nostri nominis & imaginis impressio-
 „ nem, in altera vero eiusdem Civitatis
 „ figuram imprimi iussimus. Et quoniam
 „ secundum Imperialem auctoritatem no-
 „ strorum antecessorum regum vel im-
 „ peratorum pro animæ nostræ remedio
 „ sanctæ Dei Ecclesiæ prælibatum donum
 „ conditione stabili tradimus, volumus
 „ firmiterque precipimus ut nulla major
 „ minorve persona Ecclesiam Dei suum-
 „ que provisorum BERENHARDUM vi-
 „ delicet Episcopum eiusque successores
 „ hoc nostræ benignitatis dono destituere
 „ aut molestare presumat. Quod ut ve-
 „ rius credatur ab omnibus, & per suc-
 „ ceden-

10 DE RE NUMMARIA

„cedentis temporis eum ab omnibus di-
 „ligentius observetur : hoc nostræ dona-
 „tionis Præceptum manu propria corro-
 „borantes. Sigilli nostri impressione in-
 „ferius iussimus insigniri.

„Signum Domni
 „Heinrici Tercii
 „Regis invictissi-
 „mi Secundi Ro-
 „manorum Impe-
 „ratoris Augusti.
 „Herimannus Co-
 „loniensis Archie-



„piscopus atq; Archicancellarius Recogno-
 „vi. Data XVI. Kal. maj. Anno dominicæ in-
 „carnationis M. XLVIIII. indiēt. II. Anno
 „autem domni Heinrici tercii Regis Impe-
 „ratoris secundi ordinationis eius XX. re-
 „gni quidem X. Imperii autem III. in no-
 „mine Domini. Actum Goslare fel. Amen.

Monumentum hoc Muratorius an *cer-
 tum sincerumque* sit hæret. Primum quia
 non Episcopum, sed Civitatis Principem
 moneta deceret ; deinde quia Episcopus in
 nummis non Civitatem signaret nec Cæsa-
 rem , sed S. Prosdocimum genti Patro-
 num ; tertio quia repugnat Episcopi mo-
 netam esse , typum Civitatis : eiusdem
 quippe sit nummus oportet ac imago num-
 mi . Nos contra . Vidimus anno MLV.

Præ-

PATAVINORUM. II

Præfulem Patavinum Saccensibus insultare subactis. hoc quidem præpotentis est rerumque domini. Saccenses autem non Patavinum nec Tarvisinum Comites adeunt, sed Cæsarem pulsan; ut vi proximum. Rursus hoc anno MLV. mense novembri, ex Muratorio Dissertat. XLV. *Mantuani Cives* eundem postularunt Augustum *suas misérias & diuturnas oppressiones conquerentes*. Idemque *predictos Cives videlicet Eremannos in Mantua civitate habitantes* integros esse iubet. Jam si quæramus a quo Mantuani Cives & Eremanni crudelia passi forent, ipse reponet Muratorius, a Bonifacio *Gemite* Mantuano. Liceat hoc idem de Saccensibus Eremannis: ut eos premeret qui Comes iis ac Præses erat, hoc est; ut Patavinæ ditionis arctaret populos qui Patavinorum Reipublicæ præerat. Nec silendum est *Præceptum*, ut alia mittam, quod Ursatus interpolatum dedit, ipse apud Canonicos evolvi duabus autographis chartis, altera pendente sigillo, altera infixio, utraque Cancellarii manu firmatis, quo quidem *Heinricus* anno *M. nonagesimo primo indictione XIII. VI. Kalendas Julias Urbem Pataviensem* Episcopo Miloni cessit, omnemque *Arimaniam eiusdem Civitatis omnemque districtum cum placitis*; ut ea, inquit Augustus, *iuxta constitutionem Antecessorum nostro-*

12 DE RE NUMMARIA

nostrorum confirmaremus. Antecessorum statuta latent. Ex hoc tamen agnoscimus Antistites Patavinos iis seculis ea in Urbe sub Imperii munimine dominos. Ex quibus ipse Bernardus impetravit monetæ ius. In nummis autem signabat imaginem Civitatis, in qua Princeps erat; ac Cæsaris imaginem sub quo Princeps. Hoc ergo diplomate moneta Veronensis apud Patavinos laudata est; Anno deinceps MLXVII. privatis quoque rationibus adhibita est. Habe chartam e S. Stephani gynecæo.

„ In Christi nomine. Placuit adque con-
 „ venit inter domna Gepa abatiplam de
 „ monasterio S. Stefano martire Chri-
 „ sti, quod est constructum foris civitate
 „ Padua, nec non & inter Pagano qui di-
 „ citur de Berengarda ut in Dei nomine
 „ debeat dare sicut a presenti dedit ipsa
 „ domna Gepa abatiplam eidem Pagano, ac
 „ ficto censo redendum libellario nomine
 „ usque at annis viginti & novem exple-
 „ tis. — Ita ut per iam dicto Pagano -
 „ melioventur, nam non pegioventur. &
 „ persolvere ex inde debet per omni anno
 „ in festa S. Justina que venit de mense
 „ octuber a ficto soldos octo de moneta
 „ Veronensi, & in festo S. Stephani (&c.)
 „ Unde duo libelli uno tinore scripti sunt.
 „ Hanni ab incarnatione Domini nostri
 Jhesu

PATAVINORUM. 13

„ Jhesu Christi millesimo sexagesimo se-
 „ ptimo, octavo Kalendas augustus, in-
 „ dictione quinta. Actum in superscripto
 „ monasterio feliciter. Signum „ &c. ex
 autographis. Tunc & Aquileiam fama pec-
 uniarum Veronensis impleverat, urgente Con-
 rado Cæsare, qui nummos in nova eius
 Urbis officina cudendos *Veronensis moneta*
denariis equiparari vult, anno d. i. *MXCVIII*
indictione XI. XIII. idus Septembris. Edi-
 dit ex authenticis Bernardus de Rubeis.

Ac mihi potiora Vincentiarum tabularia
 Joh. Checotius aperuit, alia quorum Ma-
 billonio, alia Bollando, alia Muratorio re-
 stiterant: isque sic in me Veicetiorum
 devinxit animos, ut hominem ignotum
 omnibus amoris ac liberalitatis officiis au-
 xerint. Ibi Veronenses nummos hoc ævo
 solos animadverti. Princeps eorum mentio
 est S. Felicis autographo. *In nomine Domini*
Dei eterni. Anno ab incarnatione Domini no-
stri Jhesu Christi millesimo XXV. primo die
de mensis september indictione octava. Con-
stat nos Tiso & Elica iugalibus que profesa-
sum ego ipsa Elica ex natione mea lege vive-
re Longobardorum set nunc pro ipso viro
meo lege vivere saliba: ipso namque iugale
& mundoaldo meo mihi consenciente & sub-
tus confirmante; & iusta legem meam una
tum noticia de propinquieribus parentibus
meis

14 DE RE NUMMARIA

meis cuius supra Elicæ i sunt Vilano & Ari-
prando germani mei, in eorum presenciam &
testium certa facio professione & manifestacio-
ne quod nulla me pati violencia ad quempiam
omine nec ab ipso iugale & mundo aldo meo ni-
si mea bona & spontanea voluntate accepisse-
mus nos comuniter sicuti & in presenciam te-
stium accepimus nos ad te VVarnerius qui est
abitator in Castro Pedaola inter argentum
& alia re valaente liberas quarainta de Vero-
na finitum precium sicut inter nobis convenit
pro masaricias trex cum omnia suarum perti-
nencia iuris nostri qua nos abere visi sumus in
Comitato Vicentino in loco & fundo Marostica
a locus a dicitur planicia & in costa de
Molvena secundum quod sunt rete per ipsi
masarj. Prima masaricia in iam dicta costa,
que fuit donicata de VValcauso; & est reta,
& laborata per Martino xoto libero omine.
Secunda est reta & laborata per Jobanes li-
bero omo. tertia in loco Planica que est recta
& laborata per Viviano masario libero omo,
& sunt predictes masaricias — Ad illam par-
tem contra quam exinde lite intollerimus nullta
que est pena auro obtimo uncias decem & ar-
gengenti ponderas viginti & quod repecierim-
us — & bergamina cum atramentario de
terra levavi. pagina Ugo notarius tradidit &
scribere rogavi in qua subtus confirmans te-
stibusque obtulit ad roborandum. Actum in
colo

PATAVINORUM. 15

*colo ranpone feliciter. Signum †† manu su-
prascriptorum Tiso & Elica, qui ad iugale
sua consensi ut supra. Signum manu †††††
Conrado, & Fulco, VViperto..... dal co-
lo, & Alberto, & Gausilino de planicia te-
stestes. Quidem ego Ugo notarius sacri pala-
cii hanc vendicionis cartulam scripsi, posstra-
dita complevi. Ergo si vel Aquilejensem,
vel & Vincentinam Civitates anno M. cir-
citer & XX. nummi Veronenses invaserant,
cur non & Patavinam? Quæ alteri finiti-
ma est, utrique interjacet.*



C A P U T III.

*De Lucense pecunia Patavii, deque
Bizantiis ac Marabotinis
Seculo XI. ac XII.*

Nunc de lucense. Muratorius Antiqui-
tates Estenses cumulat syngrapha qua-
dam, cujus archetypum tabulario Muti-
nensi creditum est. „ Anno ab incarnatio-
„ ne D. N. J. C. millesimo nonagesimo
„ quinto, sexto die aprilis, indictione ter-
„ tia. Tibi Ugo germano meo ego Fulco
„ filius Alberti Marchionis qui Azo Mar-
„ chia dicitur, qui professus sum ex na-
„ na-

16 DE RE NUMMARIA

„ tione mea lege vivere Longobardorum ,
 „ sicut ipse genitor meus vivere vilus est .
 „ Propterea dixi ; manifestum est mihi qui
 „ supra Fulco , eo quod tu qui supra Ugo
 „ odie in me emisisti cartulam vendicionis
 „ sub dupla deffensione pro accepto precio
 „ librarum mille Lucensis monete nomi-
 „ native de cunctis Curtibus , Castris ,
 „ Ecclesiis , & Capellis , Casis , & Mas-
 „ sariciis , & omnibus territoriis , que mi-
 „ hi evenerunt per cartulas a Marchione
 „ Azone nostro genitore factas — Actum
 „ in loco Adeste feliciter — „ Ut Adeste
 sic pecunia Lucensis ibi reposita nostras
 erat . Ea nec secuto deinde seculo defuit .
 Anno quippe *millesimo centesimo trigesimo*
sexto . die quartodecimo mensis augusti , indi-
cione quattadecima — Domnus Placitus dei
gratia venerabilis Abbas Monasterii S. Petri
iusta urbem Mutinam investivit Domnum
Gerogium Abbatem S. Michaelis de loco Can-
diana de hoc — eo pacto ut predictus Georgius
Abbas & eius successores — annualiter persol-
vant quadraginta solidos denariorum Lucen-
sium bonos & expendibiles quales pro tempo-
re cucurrerint . E Canonicorum scriniis .
Ut etiam millesimo centesimo septuagesimo
tercio . die sabati , quarto Kal. madii , in-
dicione sexta — convenit ut annum censum
quadraginta solidorum Lucensium predicta
Can-

PATAVINORUM. 17

Candianensis Ecclesie Ecclesie S. Petri persolvat. Præterea nusquam mihi lecta est. Quare parcius a nostris admissam reor.

Idem de numis habe quos a loco monetæ vocabant Byzantios. Hi semel occurrunt. „ Anno millesimo centesimo nonagesimo quarto. mense Julii. indicione duodecima. Testis Adam dixit. „ Ego eram cum Abbate Odelrico, „ & dominus Johannes Padue Episcopus „ erat ibi. Et multociens fuit ante dominum Papam, quando memoratus Episcopus Padue placitabat cum predicto Abbate O. & dicebat Johannes Episcopus, quod ipse erat Dominus illius monasterii, & omnem dominationes ad eum pertinebat. Et Abbas dicebat, „ Non. Et ad finem dominus Papa, sicut audivit dicere, dixit eidem Episcopo — Nos talem sententiam damus, quod volumus, ut amodo habeas omnem rationem quam nos inde habemus. Interrogatus; quid inde habebat dominus Papa. Respondit; sicut audivi, „ Bisantium unum per annum. „ Scilicet e Carrariense cœnobio. Charta Canonicorum est. Ex ea aliaque gemina didici Odelricum hunc Abbatem Carrariæ datum circiter anno millesimo centesimo sexagesimo, delisse sub Episcopo Gerardo.

B

Ge-

18 DE RE NUMMARIA

Gerardus ipse creatur anno millesimo centesimo sexagesimo quinto, *a sancta Maria de mense martio . hora diei circa tertiam .* Sic e variis tabulis ac tabulariis. Non iis modo vulgandis immoror aut explicandis; quod & longius irem, nec hoc instat, tantum indicabo chartulam, quæ Canonici autentica est. *In nomine domini Dei . Anno nativitatis ejus M.C.LXVI. die V. Junii. indictione IIII. X. Gerardus dei gratia Paduanus Episcopus . &c.* Ughellus autem Gerardi pontificium quadriennio retardat. Idque facit more quodam suo. Quippe ei solemne est omnia nostrorum Præsulum invertere. Res erat nec parvi pretii nec exiguæ moræ Dyptica restituere florentis Ecclesiæ. Id egi. Singulos horum maxime temporum Antistites ordine suo locavi. Quantum monumenta chartarum valent, omnia nunc apte constant. Ea autem, quæ dicta sunt, litem Johannis & Odelrici coercent intra millesim. centes. sexagesimum, millesimumque C. sexag. quintum. Tunc Rom. Pontifex Episcopo resignavit Bizantium, quem Monachi Carriarienses hucusque solverant. At quando cæpit ea pensionis indictio? Hæc quidem obvia interrogatio est. Adde ex Libro *Censuum Rom. Ecclesiæ*, quem *Cynthius Cælestini Papæ III. Camerarius* anno M.C.XC.II.

con-

PATAVINORUM. 19

confecit, Muratorius Differt. LXIX. vulgavit. Unde sic habes.

In Episcopatu Paduano Ecclesia S. Mariae de Pratalia IV. Marabutinos. Ecclesia S. Crucis de monte Sion duos Marabutinos. Monasterium de Ispida unum Marabutinum; numos hos quotannis Romam mittebant. Hinc ergo rursus est quaestio, num quos ea Patavinorum Sacraria seu Byzantios, seu Marabutinos ævo duodecimo dabant, undecimo quoque darent. Causa quaerendi est, quod pensiones publicæ stabiles sunt, nec privatis similes; at sacræ sunt etiam firmiores. Quare centenaria earum præscriptio non frustra præsumitur. Id autem nec repugnat ex parte numorum quibus ea fieret solutio. Nam duo millia Bisanacios auri vides anno Mllesimo septuagesimo nono, pridie nonas decembris, indictione tertia. Sic Marabotinorum mentio est anno MLXXVI. quorum septeni unciam conflarent, Chartas Differtat. XXVIII. Muratorius exhibet. Hi ergo pensionibus ea quoque ætate solvendis faciles erant. Rursus id non repugnat ex parte Cænobiorum quæ pensiones ipsas solverent. Nam Carrariense vel anno 1068. nomen habet.

Anno ab incarnatione D. N. J. X. millesimo sexagesimo octavo. sexto die mensis augusti, indictione sexta. Monasterio beatissimi S. Steffa-

20 DE RE NUMMARIA

*ni, qui est constructio in loco & fundo Car-
raria. —* Tabulas obtulit Ubertinus Papa-
fava Marchio; easque reliquumque tabu-
larium in lares meos intulit. Alceterium
Prataliæ nostri conditum putant anno
MLXXX. Nec iis defunt inde quædam me-
moriolæ, quas in eo chartophylacio vidi,
non quidem authenticæ, sed nec impro-
babiles. Hoc autem ex autographis est
*millesimo centesimo septimo decimo indicione
decima &c.* in eo memoratur *Abas de Pra-
dalla*; notarius *Ugo* chartulam fecit. Hic
sumus adhuc non procul ab ævo quod ver-
samus undecimo. Sequitur Ispidæ mona-
sterium, quod est aliis vestigalibus addi-
tum. Ex eo Cynthii libello revocatur ad
hoc sæculum; nec a superiore deiicitur.
Ei quidem pauciores ætates adscribere po-
tes: at etiam plures. Hoc autem ipse fa-
ciam. Ex adverso quippe nihil est. Ulti-
ma ex eo codice est *Ecclesia S. Crucis de
monte Sion*. In eam præjudicaverunt, qui
nomina hæc locorum, velut mons Sion &
alia transmarinis æqua vocabulis, apud
nos orta denique putant, ex quo Cruce-
signatorum gens Asiæ Palestinæque spolia
ac titulos in occidentem transtulit. Au-
di Maffeiū Veron. Ill. parte III. cap. I.
latine sic redditum. „Nec silendum, in-
„quit, quæ proxima Veronæ pars insidet
„mon-

PATAVINORUM. 21

„ monti ferre quædam nomina locorum
 „ quæ Jerosolymis adiacent. Ea sunt Val-
 „ donica quæ vallis Dominica; Calvarium
 „ qui S. Rochi mons est; & clausa modo
 „ mænibus hinc Nazaret, inde Bethle-
 „ hem. Dictus & Oliveti mons ubi cœ-
 „ nobium Trinitatis est. Hæc nostri in-
 „ duxere Cives ab Jerosolymiticis bellis in
 „ patriam reduces. Has sedes iis admo-
 „ dum similes videbant, ipsas eodem voca-
 „ bulo notabant. „ Hæc ille non sine ali-
 „ qua veri specie. Sed mihi ex autographis
 „ Canonicorum charta est quæ negotium ex-
 „ pedit. Totam describere placuit, ut cer-
 „ tum sit legentibus inde iudicium. Quæ la-
 „ cunis hiant vetustas eluit. Usitatas quo-
 „ que tabellionum nœnias omisi. Cætera sic
 „ habent.

„ In nomine domini Dei & Salvatori
 „ nostri Jhesu Xpisti. Enricus Secundo
 „ dei gracia Imperator Abgustus. Anno
 „ imperii eius Deo propicio ic in Italia an-
 „ no quarto; septimo die mens
 „ indictione tertia. Ecclesie & Canonice
 „ Sancte Marie Patavensis Ecclesie, que
 „ est constructa invitate Patavi E-
 „ go Vito presbytero qui profeso sum ex
 „ nationem meam leiem vivere romana,
 „ offeror & donator ipsius Ecclesie Sancte
 „ Marie presens presentibus dixit. Quisquis

B 3 „(&c.)

22 DE RE NUMMARIA

„ (&c.) Ideoque ego iam dicto Vito pres-
 „ birero dono & ofero in eadem Canonice
 „ Sancte Marie it est pecia una de terra
 „ aratoria quam abere viso sum in-
 „ fra comitato Patavensis & infra fine de
 „ civitate Patavi & in loco & fundo Me-
 „ zana ; & est pecia ipsa de terra arato-
 „ ria uno latere iure ipsius Sancte
 „ Marie abente , & de alio latere ingre-
 „ so nostris consortes sabente ,
 „ & de alio capite via plubica percurren-
 „ te (&c.) Hanc enim cartulam ofersionis
 „ me painam Johannes notarius tradidit
 „ & scribere rogavit , in qua subter con-
 „ firma testibusque obtulit at roboran-
 „ dam. Actum in Monte Oliveto felici-
 „ ter ; Signum ††† manibus Bonoomo ,
 „ & Amedeo , & Bernardo romani testes .
 „ Signum †† manibus Paulo , & Zorzo
 „ testes. Ego Johannes notarius scriptor
 „ uius cartule ofersionis postradicta con-
 „ plevit . „ Jam constat eos Crucesigna-
 „ torum redditus ævo tantum duodecimo fa-
 „ ctos. Hæc autem charta non dubium quin
 „ anno ML. respondeat. Ea ergo non ex-
 „ pectavit ovantes ab oriente milites , ut
 „ *Oliveto Monti* nomen imponerent / Hinc
 „ antelati systhematis excisa compages. Ex-
 „ emplo hoc reliqua apud nos loca Palesti-
 „ nis aucta vocabulis alios aliosque sibi quam
 „ qui

qui putantur auctores adstruent. Age nunc *Ecclesia S. Crucis de monte Sion*, quæ causa differendi fuit. At ea ex dictis confecta res. Ajo itaque, ut *Olivet* apud nostros ea ætate *Mons* erat, haberi potuisse *Montem* quoque *Sion* eique additam *S. Crucis* ædem, quæ Carrariensi Prataliensi atque Ispidensi juncta cœnobiis eos aut Bizantios aut Marabotinos annuam Romæ pensionem, sicut ævo duodecimo, sic & undecimo persolveret. Ac demum jovit huc omnes concessisse pecunias, quarum temporibus iis apud nos rara mentio levisque suspicio est, & tamen aliqua est. Inde Veronensem retractamus ac Venetam; quæ, quoniam loco, frequentia potiores erant.



CAPUT IV.

*De nummis Veronensibus ac Venetis
ab 1080. ad 1128.*

NUmos Verona Venetiisque Patavium transtuli. Dehinc anno mill. septuag. nono cœvos exhibui. Nunc utrosque jungam, simul eorum velut ætates exequar. Ætas prima est ab anno millesimo octua-

24 DE RE NUMMARIA

gesimo ad millesimum cent. vigesimum octavum: quo spatio tabulas pecunia Veronense triginta plus habeo, Veneta tres. Omnes e Canonorum scriniis. Harum prima notatur. *Mill. cent. viges. quarto. Data vigo novo Saccentium finibus. Altera M.C.XXVI. Tertia mill. cent. XX. octavo scriptae Patavii.* Moneta Veronensium est anno millesimo octuagesimo nono. Actum infra (S. Stephani) monasterio. Secunda *M.C.XX. quarto. XIII. dies mad. indicione secunda. In clauistro Canonice beate Marie de Padua. Demum millesimo cent. vigesimo quinto, mensis Julii die decima, indicione tertia — Patavii in clauistro S. Marie.* Prima ex archetypo S. Stephani, altera ex authentico, tertia ex autographo Prataliensis archivj. Reliquas exerere non est opus. Itaque pecunia Veronensis erat frequentior usui Patavinorum. De pondere sic habet. Primum Venetos ex argento fuisse numos. Innu chartam *M.C.XXVI. X. die octubris indicione quarta.* Nunc addo in ea laudari *solidos quatuor & medium denarii monete Venecie de qualicumque moneta albulorum cucurrerit per hanc patriam.* Legis albulos, intelligis argenteos. His quadrupli Veronenses erant: ex altera quam censui pagina Canonorum; summa cujus est. Dadolus venetas libras viginti septem foeneratus erat Natigerio.

Hic

PATAVINORUM. 25

Hic contra fecit ei syngrapham quasi mas-
fariciam venderet ; ut, si Natigerius da-
tam pecuniam cum fœnore solveret, ei
Dadulus chartam remitteret. Sin autem,
sibi retineret. Fœnus erat denariorum sex
in mensem pro singulis libris. Hæc iulio
mense. Tum septembri. Dadulus eodem
fœnore libras Veronenses quatuor & soli-
dos tres Natigerio dedit, ut is æque red-
deret aut libras quatuor & solidos tres
Veronensium, vel sedecim libras Venetia-
rum. Nunc ex autographo.

„ Testes Lemizo de Gafarello. Arenge-
„ rio. Albericus de Maraldo. Johannes
„ de Pivota. Merze menuda. M.C.XXIII.
„ quartox die intrante mense Julii. indi-
„ cione secunda. Fecit Natigerius da vi-
„ go novo cartula vendicionis sub dupla
„ defensione in manu Dadolo de Pre Litar-
„ do nominative de masaricia una de ter-
„ ra iuris suis que iacet in villa vigo novo
„ & in eis finibus iusta, que est recta per
„ predicto Natigerio cum capulo & pascu-
„ lo, & cum omni iure a predicta masari-
„ cia pertinentibus (&c.). Hec cartula
„ vendicionis pignus sit posita per pre-
„ cium libras. XXVII. Veneciarum mo-
„ nete. terminum de hinc ad ano novum
„ proxime venientem. Promissionis fecit
„ inter se uni alteri, quod si prædicto
„ Na-

26 DE RE NUMMARIA

„ Natigerius vel suos heredes fecit sanacionem de suprascripti denarii libre
 „ XXVII. Veneciarum cum proficuo per
 „ libras in mensem denariorum sex a Dadolo,
 „ vel a suos heredes de hinc a festa
 „ de ano novo proxime veniente vel ad
 „ anno expletos, reddere debet Dadolo
 „ vel a suos heredes ista cartule rasa & incisa
 „ sub pena duplo. Et si predicto Natigero
 „ vel suos heredes non fecit sanacionem de
 „ suprascripti denarii libras XXVII. Veneciarum
 „ cum proficuo per libras in mense denariorum
 „ sex a Dadolo vel a suos heredes de hinc ac
 „ statutum terminum qualiter legitur, deinde in
 „ antea ista cartula vendicionis firma & stabile
 „ permaneat sub pena dupli.....abere debet
 „ launichild capello. Et pacti sunt quod
 „ denarii dispendibiles sub estimacione boni
 „ viri acipere debet quando sanacionem facit.
 „ Ego Johannes notarius rogatus scripsi. Et
 „ postea alia vice in media mense septembris
 „ dedit Dadolo libras. IIII. Veronenses & solidos
 „ III. a Natigero. de hinc a sex menses expletis
 „ cum proficuo per libras in mense denariorum
 „ sex: & ipse Natigerius investivit Dadolo de
 „ omnibus iuriis suis immobilibus quam ab...
 „ Et si in capite de sex menses predicto
 „ Natigero vel suos
 „ he-

PATAVINORUM. 27

„ heredes fecit sanacionem de libras IIII.
 „ & solidos III. Veronenses, vel sede-
 „ cim libras Veneciarum, cum proficuo
 „ per libras in mense denarii VI. acci-
 „ pere debet Dadolo sine proficua. Sic
 „ pacti sunt. „ Exscripsi schedam barba-
 rie scatentem ac tricis, dii boni! quo tæ-
 dio. Sed hæc horum studiorum infelici-
 tas, quam compensat ex abdito ducta ve-
 ritas. In ea exigî vides aut libras IIII.
 & solidos III. Veronenses, aut sedecim
 libras Veneciarum. Si libris Veronensi-
 bus addas solidos tres, erunt quadruplæ
 Venetis.

Aquilejense monumentum est e tabu-
 lario Forijulii, quo Bergomensis Episco-
 pus *argenteos denarios bonos Mediolanenses*
solum quinque aut de Venetia solum decem
quotannis remittere iussus est. Illud vul-
 gavit pag. 474. Bernardus de Rubeis, an-
 noque nongentesimo septuag. secundo lo-
 cavit ac dixit autographum. Lege itaque
 autographorum puto scripsisse notarium
non pro singulis locis & vocabulis, ut in edi-
 to est, *sed per singulis locis: non persolvere*
ei inde debet, sed persolvere exinde debet:
non dari ipsi denarium, sed dati ipsi dena-
rium: non per juramentum inter se posue-
runt, sed penam vero inter se posuerunt:
non ejusdem Ottoni filio & similiter Impera-
 tor,

28 DE RE NUMMARIA

tor, sed & item Ottoni filio ejus similiter Imperator: non mense Julii in die quintadecima, sed indicione quintadecima: non Rambaldus Comes suus, sed Rambaldus Comes subscripsi. Quæ quidem & alia virum maioribus inhiantem præterire decuit. Mihi dum minutiora persequor, hæc etiam momento sunt.

Igitur anno nongentesimo septuag. secundo denarii quinque Mediolanenses erant Veneti decem. Rursus anno milles. cent. vigesimo quarto Veronenses libræ quatuor erant Venetæ sexdecim. Quare, nisi quid ævo mutatum est, ut Mediolanenses nummi dupli Venetis, sic Veronenses dupli Mediolanensibus erant. Hi quippe dupli Venetis, ii fere quadrupli. Princeps ergo Veronensium pondus est, deinde Mediolanensium, denique Venetorum.

Nunc ipsa nummorum spectanda vis ex archetypis Canonice chartis „ mille- „ simo nonogesimo sexto. nono Kal. apri- „ lis, indicione quarta. Constat me An- „ drea filius quondam Dominico de El- „ na, qui professu sum ex natione mea „ lege vivere romana, accepisse sicuti & „ in presencia testium accepi a te Alber- „ to clerico filius cuiusdam Johannis de „ Raimberto inter argentum & alia re „ valente solidos decem denariorum Ve-

PATAVINORUM. 29

„ ronsium finitum precium sicut inter
 „ nobis convenit pro pecia una de ter-
 „ ra aratoria cum vite super se abente,
 „ quod sunt ordines quinque iuris mei
 „ quam abere & possidere visu sum in co-
 „ mitatu Patavino foris civitate Padua,
 „ in loco qui vocatur Martinese. coeret
 „ &c. Actum in monasterio sancte Justi-
 „ ne „ — Terra bene culta frugumque
 ferax & ordines quinque vitium solidis
 decem Veronensibus empta sunt, ac pro-
 inde quadraginta ferme Venetis. Anno
 quoque millesimo C. sexto, secundo die in-
 trante mense septembris, indictione quartade-
 cima — quinque ordines de vinea prostant in
 comitatu Patavino rursus ad locum qui voca-
 tur martinise. Vel iidem vel proximi su-
 perioribus erant ut ex lectione chartarum
 patet. Pretium inter argentum & aliam rem
 valentem solidos inde viginti Veronensis mo-
 nete numerant. Actum in suburbio civita-
 tis Padue. Veronenses antea denos, hic
 autem videnos adhibent in ordines vinea-
 rum quinos. Aut hos auctos, aut eos im-
 minutos intelligas. Illud pronius. Anno
 deinde „ ab incarnatione D. N. J. X. mil-
 „ lesimo. C. octavo, duodecimo calen-
 „ das mensis aprilis, indictione quintade-
 „ cima. Constat me Dominicus filius quon-
 „ dam Fusco qui professus sum lege vi-
 „ ve-

30 DE RE NUMMARIA

„ vere Langobardorum, accepisse sicuti &
 „ in presencia testium accepi ad te Inri-
 „ cus, qui dicitur Judex, inter argentum
 „ & aliam rem valentem libras quinque &
 „ solidos septem denarios Veronensis mo-
 „ nete finito precio sicut inter nobis con-
 „ venit, pro omnibus cunctis casis & re-
 „ bus immobilibus iuris mei, qui supra
 „ Dominico, de quantum ego abere &
 „ possidere visus sum & mihi pertinet in-
 „ fra fine Sacifica & in villa que dici-
 „ tur Silba boluni tam infra ipsa villa
 „ quamque & deforis & in eis finibus.
 „ — Actum in villa Silbaboluni. Signum
 „ manus &c. Ego Johannes notarius scri-
 „ ptor hujus cartule vendicionis postra-
 „ dita complevi. „

Anno millesimo C. octavo, die XXI.
 mense martio prima fluebat indictio? Cur
 hæc quintadecima est? Alia mihi charta
 est. Anno *Millesimo C. octavo undecimo die*
intraute mensis genuarii, indictione quintade-
cima — Johannes notarius. Alia quoque *Mil-*
lesimo . C. octavo septimo die intraute mense
mad. indictione prima — Johannes notarius.
 Omnes eodem Johanne notario ductæ pa-
 rem stylum præferunt. Indictiones autem
 dispares sunt. Nec annus aut communis
 aut Pisanus aut Florentinus, aut alii;
 nec indictiones undecumque cæptæ repu-
 gnant.

PATAVINORUM. 31

gnantiam tollunt. Ergo chartas pseudigraphas? Ita Germonius. Alii parcius existimant. Hæc autem quam recolo non parvas res versat. Actum *de omnibus & cunctis casis & rebus immobilibus intra villam ac deforis*. Omnia quæ Dominicus eo loco possidet emptori precio finito cessit. Quanti vero? Quinque libris & solidis septem Veronensibus, hoc est, viginti circiter Venetis. Age nunc domos terras & vineas estima, pretium quo tum constabant expendas, pretium quo nunc constarent inquiras; hinc quæ numorum seu Veronensium seu Venetorum vis apud Patavinos esset ex parte cognosces.



C A P U T V.

*De iisdem ab 1128. ad 1173. rursus
a 1173. ad 1221.*

ALtera pecuniis iis ætas statuitur apud nos ab anno millesimo centesimo vigesimo octavo, ad millesimum centesimum septuagesimum tertium. Quo spatio Veronensis ubique tenet, Veneta nusquam est. Cur sic refrixerit ignoro, nec coniecturas agam. Cavacio quoque parcam, qui
Ve-

32 DE RE NUMMARIA

Veronensem per hos annos abigit, Venetæ soli dat locum. *Velut*, inquit, *ex tabulis late constat*. Jam longe contrarium constat ex tabulis. Sed auctores hos persequi nihil est. Claudatur hæc ætas monumentorum copia cæteris impar, annorum vertigine par.

Tertia succedit ab anno millesimo centesimo septuagesimo tertio ad milles. ducentesium vigesimum primum. Tunc moneta Venetorum postliminio rediit, agentibus chartis duabus autentica e Cœnobio S. Augustini, autographa e parthenone S. Petri.

„ Anno domini M.C.LXXIII. indictione
 „ VI. die II. exeunte marcio. Constat me
 „ quondam Gumbertum de Aldino accep-
 „ pisse a te Ugolino de Aldegerio, octua-
 „ ginta quinque libras denariorum Veneto-
 „ rum finito precio—pro pecia una de terra
 „ aratoria iuris mei que jacet in confinio
 „ Padue in loco ubi dicitur contra. Cohe-
 „ ret — Actum in Padua.

Vides hic octuaginta quinque denario-
 rum Venetorum libras. In altera leges.
 XX. denariorum Venetorum solidos.

„ Anno M.C.LXXIII. Indic. VII. die
 „ XI. exeunte octubri. Aquilina Dei gra-
 „ tia monasterii S. Petri Abbatissa per con-
 „ sensum & voluntatem sororum suarum
 inve-

PATAVINORUM. 33

„ investivit Otonellum de tribus petiis de
 „ terra, quarum una est — dando pro re-
 „ novatione solidos XX. denatorum Ve-
 „ netorum. „

Hinc autem nova pecuniæ Veronenfis
 & Venetæ facies. Aut crevit hæc, aut il-
 la decrevit; aut hæc progrediens ea di-
 grediens ultimo concurrerunt. Id ut ordi-
 ne peragam, rursus earum scrutabor usum,
 pondus, ac vim. Quoad usum sic habe.
 Charta mihi autographa est e tabulario
 Canonicorum scripta *M.C.LXXXVII. indict.*
V. die ultimo exeunte octobris. Ea solvendos
 refert *denarios VI. Veronensium vel Veneto-*
rum concurrentium. Idque statutum *Padue.*
 Rursus ibidem membranæ sunt anno 1192.
 1194. 1213. 1221. vel aliis, in quibus ea-
 dem est pactio *denariorum Venetorum vel*
Veronensium melius & plus concurrentium
tempore solutionis. Ex iis probatur anceps
 utriusque pecuniæ fors, alternante vel con-
 suetudine populi vel sanctione Principis.

Additur anno, „ *M.C.LXXXVIII. ind.*
 „ XII. die VI. exeunte septembris — red-
 „ dendo, *inquit*, annuatim duos denarios
 „ Veneciarum, vel Verone, vel alterius
 „ monete sicut currerit tantundem va-
 „ lentis.

Hic locus in ea urbe novæ pecuniæ fit.
 Idque cumulatius e chartario Prataliense.

C „M.C.

34 DE RE NUMMARIA

„ M.C.LXXXVIII. indictione VII. die
 „ III. exeunte Januario. Reddere autem
 „ debet — XXV. libras Veronensium aut
 „ Venetorum tempore solutionis melius
 „ communiter in Padua currentium, vel
 „ alterius currentis monete, que non sit
 „ melior predictarum ultra XXIII. dena-
 „ rios per libram. „

Una ex iis monetis erat *Imperialium*, de qua postmodum. Ceteræ silentur. Eæ autem duæ pariter ibant, annumque mill. ducent. vigesim. primum semper æquato pede tenebant. Habe chartam e tabulario Sancti Petri.

„ In nomine Domini Dei eterni. An-
 „ no nativitatis eiusdem millesimo ducen-
 „ tesimo vigesimo primo, indictione no-
 „ na, die sextodecimo marcii — Domina
 „ Maria Dei gratia monasterii S. Petri Ab-
 „ batissa — ad libellum ad renovandum per
 „ unumquemque vigesimum nonum an-
 „ num, dando pro qualibet renovatione
 „ predictæ Abbatisse vel eius succetrici so-
 „ lidos quatuor denariorum Venetorum,
 „ vel Veronensium plus curencium, ad ne-
 „ mus de salicibus plantandum investivit
 „ pascalem — Actum in Padua in predicto
 „ monasterio. Testes (&c.) Ego Asinellus
 „ sacri palatii notarius interfui, & eorum
 „ iussu hoc scripsi. „

PATAVINORUM. 34

Is usus apud nos utriusque monetæ. De pondere sic erat ex archetypis Canoniorum.

„ M.CC.III. indictione VI. die III.
„ intrante novembris. Padue in episcopali
„ camera — promiserunt solvere — VI. li-
„ bras denariorum Veneciarum, videlicet
„ XL. solidos ad forum S. Justine. & XL.
„ ad mercatum S. Prosdocimi. & XL. ad
„ forum S. Viti. eâ ratione &c. „

Legimus hic, ut in aliis, & libras & soli-
dos & denarios. Libra constabat solidis,
solidi denariis. Ex hac charta libram soli-
di viginti pendebant. Item e chartario S.
Stephani.

„ M.C. octuagesimo septimo indictione
„ V. die X. exeunte madio. Debet dare
„ tres libras; scilicet XX. solidos per totum
„ madium. & XL. solidos ad Kalendas au-
„ gusti. Actum in Padua. „

Solidi duodecim nummis erant.

„ Anno a nativitate Domini. millesimo
„ centesimo LXXXI. indictione XIII. die
„ tercio exeunte Januario. Cum lis & con-
„ troversia esset inter domnum Albertum
„ Abbatem S. Marie de Pratalia pro ec-
„ clesiis quas habet in Carturio, videlicet
„ S. Petri & S. Nicholai; & Archipresbite-
„ rum Albertum de Carturio super multis
„ capitulis, „ inter alia statutum est. „ Et

36 DE RE NUMMARIA

„ persolvere debent Capelle prenominate
 „ omni anno predicto Archipresbitero &
 „ plebi pro obedientia Episcopi tres so-
 „ lidos & dimidium, scilicet. XXI. num-
 „ mum in temporalibus madii. & XXI. in
 „ temporalibus nativitatis. “ ex archivio
 Prataliæ.

Dixi nummos, ut voces archetypi red-
 derem; non enim alios a denariis. Lege
 chartas duas, alteram,

„ Millesimo centesimo LXXVIII. indi-
 „ ctione XII. XVII. Kalendas Januarii —
 „ Odolricus filius quondam Rebellori de-
 „ narios Veronenses libras C. & V. ab Ai-
 „ cardino filio quondam Stephani de Millo
 „ se accepisse “ professus est „ pro manso uno
 „ de terra — in comitatu Vicentino in villa
 „ Lugo & in eius finibus. “ Alteram „ mil-
 „ lesimo centesimo octuagesimo indicione
 „ terciadecima, die VI. intrante aprili —
 „ Cum domina Wilibirc Dei gratia Mo-
 „ nasterii S. Stephani de Padua venerabi-
 „ lis Abbatissa profiteretur se mandasse
 „ Aicardino de Vicentia filio quondam
 „ Stephani de Millo ut mansum unum in
 „ Lugo — emeret — centum & V. libris de
 „ nummis. „

Eadem utrinque emptio est. Utrobique
 pretium par. Uno loco qui denarii vocan-
 tur, alio nummi sunt. Hoc eos unum at-
 que

PATAVINORUM. 37

que idem fuisse probat. Id & Ducangius in Glossario. Pariter il *menutorum* vocabulo stabant, ex archivo Canoniorum : *millesimo ducentesimo, octavo decimo ; indictione sexta, die quinto intrante madio — Dedit denarios decem & octo Venetorum menutorum, quia consueverat solvere dictos denarios.* Muratorius ad chartam 958. quæ refert *argentum denarios bonos libras sexaginta habentes ducenti quadraginta denarii libra*, dubitavit num tunc libram constituerent,, aut decem solidi qui e denariis „ XXIII. singuli constabant, aut ex solidis viginti quorum singuli denarios XII. „ æquabant. „ Dissertat. XXVIII. Tom. II. Momenta chartarum, quæ dedimus, alteri sententiæ pondus addunt, priorem elevant.

Supereft ipsa nummorum vis. Vidi terræ campos qui valerent libras Veronenses duas, & qui valerent quinque Venetas libras ; item qui libris octo constarent, qui novem, sexdecim, viginti, vigintiquinque. Chartas ad annos 1174. 1175. 1185. 1187. 1190. 1207. de tabulariis Canoniorum, S. Stephani, S. Agathæ, S. Justinæ legitimas habeo ; plurimas fileo. Sed ex autographis apud Canonicos. Anno Mill. C. nonag secundo. indictione X. die II. intrante octubre. Speronella multiplex opum

38 DE RE NUMMARIA

ac maritorum femina testamentum fecit.
Reliquit libras L. denariorum pro mille mis-
sis cantandis. hoc primum.

„ Mill. C. nonagesimo II. indictione X.
 „ die octavo exeunte aprili — Dominus
 „ Gous investivit Pasqualem de Malfa-
 „ to de Savonaria de XV. campis de ter-
 „ ra cum decima iacentibus in confinio Sa-
 „ vonarie. “ Debit autem „ dictus Pas-
 „ quale de Malfato prefato domino Goho
 „ pro predicto feudo retinere equum unum
 „ bonum & utilem valentem usque ad pre-
 „ cium XXV. librarum, cum bona sella
 „ & reatu bono. „

„ Rursus anno „ Mill. C. nonagesimo nono
 „ indictione secunda, die primo novem-
 „ bris Padue — Gerardus Dei gratia Epi-
 „ scopus — investivit Henrighetum — de
 „ molendino uno posito in Tercola — “
 „ Debit autem Henrighetus — „ tenere an-
 „ nuatim mazale. I. domino Episcopo. &
 „ pro pastura illius — de predicto surgo
 „ quinque modia, & IIII. staria. & pro
 „ empcone unius temporalis debet tenere
 „ in se XVI. solidos quos solitus erat sol-
 „ vere pro afficto dicti molendini, & X.
 „ solidos quos Johannes de Alexio solvere
 „ tenetur. „

„ Anno præterea „ M. CC. XI. indictione
 „ XIII. die VIII. intrante aprilis. We-

ra

PATAVINORUM. 39

„ ra de Maria Rubea de Abano confessus
 „ fuit se emisse & tradidisse vacam unam
 „ cum uno manzo & unam vitulam pro
 „ XIII. libris, & solidis V. denariorum
 „ Venetorum ab Otolino del Peta de Ser-
 „ medaula. Unde ipse vera promisit ei-
 „ dem Otonelo XIII. libras, & solidos
 „ V. denariorum Venetorum.

Quo pariter anno *Mill. ducentesimo un-*
decimo, indictione XIII. die XII. exeunte
decembris — Dominus Ato de Pagano Pote-
 stas Padue — penam pro vite & arbore fru-
 ctifera incisa vel extirpata solidos XX. consti-
 tuit. Hæc ea ætate rerum pretia numorum-
 que vis. Cantandæ Missæ stipendium soli-
 dus unus est; arborem vitemque frugife-
 ram viginti solidis æstimant; equum mili-
 tarem XXV. libris, bovem tauro vitu-
 loque sociam XIII. libris & quinque soli-
 dis, aprum solidis viginti sex emunt. Nec
 incuriosum est quod,

Anno domini mill.cent. LXXXVIII. indi-
 ctione sexta, die XIII. intrante novembris,
 erat certamen inter dominum Ubertinum Pa-
 due Canonicum — & Richeldam de Bajamon-
 te matrem Rainerii Rubei super hoc, quod jam
 dictus Ubertinus petebat ab ea VI. libras IIII.
 solidis minus, quod dicebat ipsam quemdam
 fregisse libellum: petebat etiam X. solidos pro
 pasto vindemie quem ipsa noluit dare sibi

40 DE RE NUMMARIA

a fervientibus sicuti debebat, (&c.) Quid hic autem Vindemiæ pastus? Id quoque notandum est. Anno Domini M.CC. quinto indictione octava. die VIII. exeunte Januario pariter actum contra Barosum & Pome fratres & alios, ut ipsi tempore vindemiarum procurare deberent scutiferos & equitaturas Paduanorum Canoniconum, quando Canonicis Padue dant pastum vindemie: firmatumque, ut qui debent dare pastum vindemie duobus dominis, dent etiam pastum vindemie duobus scutiferis suis & quattuor equis; & qui debent dare pastum vindemie uni domino, dent etiam pastum vindemie uni suo scutifero & duobus equis. Anno deinde M.CC.VIII. indictione XI. die penultimo januarii occasione alterius querelæ contra Petrum de Galzegnano, definitum est quid esset ea procuratio exhibenda famulatio Canoniconum; nempe ut darent fenum & annonam equis Canoniconum & eorum fervientum, quando sunt in Galzegnano in vindemia & pasto vindemie, quando dant ipsis Canonicis & fervientibus pastum vindemie. Tunc ergo vindemie pastus erat convivium tempore vindemiæ paratum Canonicis. Hos autem sui comites ac scutiferi stipabant; iis etiam extruendæ dapes. Aderat equorum cohors; & his annonam fœnumque præstabant. Charta quam tractamus, post vocem *sibi*, quæ Canonicum

PATAVINORUM. 41

arguit, exhibet hiatum; mox aliud vocabulum *servientibus*. Ergo famuli plures erant; atque adeo ex altera quoque charta, Domini plures. His autem suisque scutiferis & omnium equis dandum solemne prandium quanti valebat? Decem solidis. Quæ dixi communia sunt utrique monetæ. Nam

„ Anno Domini M.C. LXXVIII. in
 „ dictione XII. die XIII. exeunte octu-
 „ bris. In presencia testium quorum no-
 „ mina dicentur inferius. Presbiter Al-
 „ drevandus Sancti Bartholomei, Henri-
 „ getus de Corozana, Saketus & Ugoli-
 „ nus de Berengarda masarii Sancti Bar-
 „ tholomei pro hedificatione ipsius Eccle-
 „ sie, & per parabolam domini Gerardi
 „ Dei gratia Paduani Episcopi, & per
 „ parabolam tocius vicinitatis, ut ipsi di-
 „ cebant, investiverunt dominum Balcum
 „ Paduanum Canonicum de pecia una de
 „ terra que iacet in cultura Sancte Ma-
 „ rie de Terradura. cui coeret ab uno
 „ latere Octo Judex, ab alio Wido pla-
 „ nus, ab uno capite via publica. ab alio
 „ — Et hoc fecerunt ipsi pro XXV. so-
 „ lidis denariorum Veronensium vel Ve-
 „ netorum quos ipsi fuerunt confessi se
 „ accepisse ab eo. Testes interfuerunt Ro-
 „ bertus serviens presbyteri Allexii. Pe-
 „ trus

42 DE RE NUMMARIA

„ trus bonus filius Vicentine. Actum in
 „ Padua in camera predicti domini Albi. „
 (Nam qui supra Balcus, is erat Blancus
 in aliis passim laudatus autographis; hic
 autem dicitur Albus eodem sensu). „ Ego
 „ magister Albertinus sacri palatii notarius
 „ interfui & eorum jussu scripsi. “ Notanda
 sunt. *Hoc fecerunt pro XXV. solidis denario-*
rum Veronensium, vel Venetorum quos ipsi fue-
runt confessi se accepisse. Solidos Veronen-
 ses, ac Venetos pariter habent, ut utrin-
 que mistos eademque prorsus incude ca-
 lentes: ut ex iis omnibus eorum constet
 par usus, idem pondus, æqua vis.



C A P U T VI.

*De Pluribus Pecuniis Seculo XIII.
 Patavium accitis.*

POST hæc auctæ mihi documentorum stru-
 es; addita sequioris æræ tabularia: simul
 editi Scriptores horum secutorumque tem-
 porum memorabilia ferunt. Ibi pecunia
 Veronensis ad summum decies, Veneta
 semper est: alias aliæ nostrorum tabulæ
 produnt. De quibus aliqua quæ Doctis su-
 peraverunt adnoto.

Pri-

PATAVINORUM. 43

Primum memorabitur a me *Statutorum* codex, quem præfert suis tabulariis commune Patavinorum. Membranaceus est magnique precii magnæque molis, & habet quadringentos & quadraginta circiter annos. Hinc exscribebam populi Patavini decretum, quo *monetis Venetis grossis* & *grossis Veronensibus* ac *Tridentinis* anno *millesimo ducentesimo septuagesimo quarto* dant locum. Post etiam *denariis parvis* utique *Veronensibus* ac *Venetis*. Quibus exceptis omnes aliæ monetæ forbanniantur, inquit, *de Padua & Paduano districtu*. Pariter addunt; *Et denarii Veneti grossi accipiantur & expendantur pro denariis viginti octo parvis pro uno, secundum quod expenduntur Venetiis*. Ipsum vero decretum nos hoc passim capite distrahet. Nam si, dum Venetos & Veronenses ac Tridentinos admittunt, alios faceßere iubent, hos ergo pariter habuere numos, in quos hoc anno statuerent. Uti- que habuerant, ex eodem codice lib. III. rubric. XIV. *Potestate domino Laurentio Teopolo. millesimo ducentesimo sexagesimo quinto. Statuimus quod aurifices & quilibet alii non debeant laborare aurum quod sit deterius auro de Tarinis, & argentum quod sit deterius argento de sterlinis*. Ergo Tarinos ergo & sterlinos habuerant. Et quidem tarinos ex auro sterlinos ex argento novimus

44 DE RE NUMMARIA

ex aliis memoriis apud Muratorium, & Cangium. Vide *statutum mss. aurificum Parisiense* quod ex Cangio habes. *Nul orseure ne peut ouvrir a Paris d'argent, que il ne soit aussi bons, comme esterlins, ou meilleurs.* Eadem apud Patavinos erat de sterlinis exceptio. Rursus ante decretum hoc nummos habebant & *imperialium*, de quibus anno MCLXXVIII. die XV. iunii mentio est apud villam que vocatur Solecino. Sub pena, inquiunt nostri, *centum librarum imperialium*. Charta prostat inter antiquitat. *Estenses*. Et melius ex libello Rodolfini de concadalbero qui res Elicæ de Baone curabat anno M.C.XC. Quæ lacunis hiant ætate putrent. Autographa vero chartula est e Canonorum scriniis. *Ego Rodolfinus de concadalbaro — dedi decem libras pro una pelle pro domina mea Elica — Similiter ipsamet dedi a tres soldos imperialium similiter imperialium in subtellaribus sue camerario. & similiter in alia vice dedi ipsamet VIII. imperialium alia parte dedi Banzolino V. solidos Venetorum — uno pelicione domine mee Elice VII. libras & XV. imperialium.* Quater imperialium repetita solutio pecuniam vulgo tritam præfert. Alexander autem PP. quartus an. MCCLVI. Fratribus ordinis minorum Paduanis id annuit, ut de usuris rapinis & aliis — usque ad dn-

PATAVINORUM. 45

ducentas libras imperialium recipere valerent. Dat. Anagnie III. Kal. augusti; pontificatus anno secundo. Quod quidem ex archetypo est. ipsum totumque chartarium habui ex cœnobio quod est ad oraculum D. Antonii. Imperiales erant fere sextupli Venetis h. e. imperiales quingentæ quinquag. reddebant duo mille libras & octingentas & octuag. septem Venetas, ex archetypo Canoniorum.

„ Millesimo ducentesimo vicesimo secun-
 „ do indictione decima die undecimo ex-
 „ cunte februario. Padue in episcopali ca-
 „ mera. Dominus Albertus prior de mon-
 „ te Montissilicis confessus fuit se accepis-
 „ se a domino Jordano dei gratia Paduano
 „ episcopo duo millia & octingentas &
 „ octuaginta septem libras & dimidiam
 „ denariorum venetorum in denariis Ve-
 „ netis parvis & crassis, tracta ratione pro
 „ quingentis & quinquaginta libris impe-
 „ rialibus. „ Hæc ante decretum quod
 erat anno MCCLXXIV. Quid postea? Pa-
 tavinos haud dicto stetisse comperio. Nam
 lib. I. rubric. III. quæ pariter e volumine
statutorum est, non eo quidem vetustio-
 re, sed novo, quod anno MCCCCXX.
 conditum, quod membranaceum, quod
 etiam publicis inest cancellis, hæc adno-
 tant. *Potestate domno Guidone de Robertis*
M.CC.LXXVI. Quilibet de consilio teneatur
 &c.

46 DE RE NUMMARIA

&c. Et qui contraherit solvat pro banno pro qualibet vice unum aquilinum. Ita S. C. biennio rescissum est. At quid aquilini dictos ab aquilæ signo facile coniciet. Erant viginti bagatinis milles. ducent. nonagesimo secundo indictione quarta die quinto mensis augusti — duodecim libras & octo solidos aquilinarum argenti. viginti bagathos pro uno computatis. & quadraginta libras tres solidos & decem denariorum bagatinorum. Bagatini scilicet alii ex parvis alii erant ex grossis, & millesimo ducentesimo nonagesimo tercio indictione sexta die XXIII. ianuarii Padue; memorant decem milia quinquaginta sex, quatuor solidos, & quinque denarios bagatinorum parvorum. Sed aquilini licet argentei tamen anno MCCXCI. sextupli quartoque plus erant imperialibus ipsis, quos vidimus antea pene sextuplos Venetis. Sex imperialibus & quarto pro aquilino quolibet computatis, ita ex syngrapha quæ primigenia est apud Canonicos, ut aliæ quoque tres. Hanc damus ex integro.

„ milles. ducentesimo nonagesimo primo
 „ indict. quarta, die XV. mensis octobris.
 „ Gaddinus Sclate de Florencia de Pul-
 „ cum, & Rimbertainorum, & Justus Fo-
 „ rensis de Pistorio de Clarentum socie-
 „ tibus procuratores & nuncii speciales a
 „ venerabile patre domino Bernardo dei

„ Gra-

PATAVINORUM. 47

„ gratia Paduano episcopo executore & ge-
 „ nerali collectore decime pro negotio regni
 „ Sicilie concessæ in Lombardie partibus “
 „ acceperunt „ mille septingentas quadraginta
 „ quinque libras, decem & septem solidos
 „ & medium denariorum imperialium Me-
 „ diolanensium; centum quadraginta sex
 „ florenos auri boni & recti ponderis, tri-
 „ ginta duas libras tres solidos & octo de-
 „ narios Turonensium grossorum argenti,
 „ triginta duas libras tresdecim solidos &
 „ quinque denarios Venetorum grossorum
 „ argenti, & triginta novem libras decem
 „ solidos quatuor denarios & medium aquil-
 „ inorum grossorum argenti, sex imperia-
 „ libus & quarto pro aquilino quolibet
 „ computatis, & quingentas libras ianuino-
 „ rum de pecunia per dictum dominum epi-
 „ scopum recepta in predictis partibus oc-
 „ casione decime predictæ. Actum Janue
 „ in clauistro S. Marie de vineis. „ Tres
 „ adhuc subolefcunt numorum species flore-
 „ ni, Turonenses, ac ianuini, præter aquil-
 „ linos, imperiales, ac Venetos. Habebant
 „ etiam quos vocabant *rogatos*. & *milles. duc.*
nonagesimo quarto, indict. septima die secun-
do mense januario. Franchenus &c. recepit
ab episcopo Bernardo sexdecim libras & tres
solidos venetorum grossorum boni argenti, &
viginti rogatos parvos de pecunia per eun-
dem

48 DE RE NUMMARIA

dem dominum episcopum collecta. Actum in Padua. Pariter in eo tabulario. Præterea vidi numos Astenſes, item Ducatos, & alios hoc ævo Patavinorum manibus actos. Ut inde colligas, nihil illud valuisse decretum, quo pecuniis his omnibus anno MCCLXXIV. renunciatum est.

Eam modo decreti formam retento. Venetos grossos, Veronenses, Tridentinos amant. Parvos etiam, sed Veronenses ac Venetos. De Tridentinis silent. Hos ergo materia deteriores arguas, quos proinde reiicerent. aut aliis de causis. Aiunt de Venetis grossis, ut *expendantur pro denariis viginti octo parvis pro uno, secundum quod expenduntur Venetiis.* Ergo quid est quod Dandulus anno MCXCIII. laudat *argenteam monetam vulgariter dictam grossi Veneziani vel matapanj valoris viginti sex parvulorum?* Tom. XII. rer. Italic. pag. 316. Vel notarii, vel mendum scriptoris est, vel mutatum monetæ pondus aut æstimatio: idque vero similis est. Adde chartulam ex hoc Olivetanorum cœnobio utique autographam velut & alias antea appellatas anno *milles. ducent. sexag. quinto indict. octava die primo aprilis. Be-
lengarda filia olim Zamboni di Florenza, qui fuit de turrigla recepit a dompno Paduano priore quondam de Venda & mo-
do*

PATAVINORUM. 49

do S. Benedicti libras tres denariorum Venetorum grossorum a XXVII. & libras tres & solidos sexdecim denariorum Veronensium grossorum a viginti, & solidos duodecim denariorum grossorum a vigintiquinque, & libras viginti denariorum Venetorum parvorum. Et in alia parte solidos novem denariorum grossorum.....decim quos &c. Actum fuit hoc in Padua in auditu ante canipam S. Benedicti. Quo loco si legas aut Venetorum grossos a XXVII. parvulis, aut Veronensium grossos a viginti parvulis, aut grossos alios a vigintiquinque parvulis, hæc duo habes. Primum est grossorum varias fuisse species & modos. Alterum est Venetos grossos ævo sic mutatos, ut anno MCXCIII. vigintisex parvos, MCCLXV. viginti septem, MCCLXXIII. viginti octo valerent. At nec hæc liquent, & infra monumentum est, unde vel ante MCCXXXVI. grossis his octo ac viginti parvulos adstruas. Deinde aliter apud principem, aliter apud privatos extimari poterant; ut in iis fieri solet. Certum est eos anno MCCXC. ac deinceps communi calculo tenuisse denarios triginta duos. MCCLXXX. primo indictione quarta die vigesimo primo mense januarii Padue. Pro libris ducentis & quinquaginta denariorum parvorum in denarius Venetis grossis computa-

D

tis

50 DE RE NUMMARIA

tis ad valorem denariorum triginta duorum parvorum pro quolibet grosso . Quod authenticum e cænobio D. Antonii.

Millesimo ducentesimo nonagesimo septimo indict. decima die nono intrante mense februario. Precio librarum duorum milium & centum denariorum parvorum in denariis Venetiis grossis computatis ad valorem denariorum triginta duorum pro quolibet grosso . Quod autographum ex eodem chartario. Millesimo trecentesimo sexto indictione quarta die vigesimo septimo mensis augusti. Padue. Libras mille & septuaginta quinque denariorum Venetorum parvorum in denariis Venetis grossis pleni & completi de bono & puro argento, pro quolibet grosso bene valente denarios triginta duos parvorum . Quod authenticum ex codice Marchionis Ubertini Papafavæ. Millesimo trecent. decimo octavo indictione prima die septimo augusti Padue. Pro solidis quadraginta duobus denariorum Venecialium grossorum completorum de bono argento valentium denarios treginta duos Venecialium parvorum pro unoquoque grosso. Quod archetypum e parthenone S. Petri. Præter has, omnes hoc ævo chartæ quas vidi quas etiam teneo, Venetos grossos eodem precio semper exhibent.

Huic loco reservavi decretum quod erat apud Patavinos ante MCCXXXVI. Extat in

PATAVINORUM. 51

in antiquiore libro *Statutorum* rubr. XIV. quæ titulum præfert *sacramentum canipariorum*. Caniparii se canevarii nomen a canipa seu caneva ductum est; quæ vox Muratorium incitavit adversus Cangium. Cangii verba sunt hæc in glossario *Feudum camerae vel canevæ aut cavenæ dicitur* &c. velut hæc unum promiscue sint. At Muratorius Antiquit. dissertat. XI. Tom. I. pag. 638. *Ducangius*, inquit, *feudum canevæ idem fuisse censet atque feudum comereæ*. Cur hæc ille scripserit nondum intelligere potui. Dixerim ego, noluit. Hæc enim Ducangius ad vocem *canipa* constituerat. Primo canipæ nomine cellam venire vinariam: secundo publicos etiam thesauros. Eaque duo legitimis rationibus asserit. Deinde vocabulo *feudum* consequens erat ut hæc duo rursus adstrueret. primum sic habet *feudum camerae vel canevæ dicitur cum aliquid annuum ex camera vassallo solvitur*. Alterum sic habet, *feudum canevæ dicitur cum vassallo ex collario domini præbetur annona* scilicet nomine feudi; quæ pariter aptis exemplis explicat. Hæc itaque clara sunt, nec ullam Cangio conficere possunt invidiam. Mihi præterea feudum Canipæ ius est administrandi Canipam; ius inquam, quo quis ordine feudali vel cellæ vinariæ præest, vel domini

52 DE RE NUMMARIA

curat ærarium. Nam publicas eas functiones in feudum dari notum est mihi vel ex domesticis; ut ex archetypo Canoniorum. *Millesimo ducentesimo quartodecimo indictione secunda die quintodecimo intrante junio. Jordanus Patavinorum pontifex investivit Hengelerium de racione sui feudi. Feudum erat ambaxarie; quia debebat facere ambaxarias Paduani episcopatus per plebem Saci & ejus judicatum. Rursus investivit Ugonem de racione sui feudi. Feudum erat comandarie. ita quod debet facere comandariam Paduani episcopatus per Saccum & Paduam & Paduanam. Pariter investivit Martinum de racione sui feudi. Feudum erat, quod debet colligere affectus Paduani episcopatus in plebe, qui solvuntur festo S. Martini. Feudum hoc proximum est feudo canipæ quod ipsi delineare pergimus. Hæc itaque & alia talia vassalli curabant ex vi beneficiorum, quæ sub dominis hæreditaria vice tenebant. Erat Mita Canoniorum beneficiarius anno MCXCIIII. quod ex eorundem constat autographis. Hæc autem inde testes iactabant. Scio quod sedimen Mitte est feudum hereditarium domus. Et adhuc non sunt duo anni quod Canonici Padue eum placitavit de dicto sedimine dicentes, quod erat feudum coquine. Et Mitta respondit dicens, quod dimidiam par-*

RATAVINORUM. 53

partem coquine debebat eis facere, & non plus. Et obtinuit Mitta; quod medietas servicii coquine per tempora per istud feudum, & aliud quod a Canonica habet, debet facere. Testis alius addiderat. Quod vidit patrem Mitte esse coquum Canoniorum; & dicebatur quod dictum sedimen cum alia terra erat suum feudum coquine. Feudum coquinæ sic esset Ducangio, nempe cum vassallo ex coquina domini pararentur dapes nomine feudi. Nobis est ius in officium coquinæ, quod oritur ex iure fruendi sedimine prædioque, quod habet conditionem seu ministerium coquinæ. Sic erat ærarii feudum feudumque cellarii, seu canipæ feudum, quod iis idem est; nempe ius in servitium canipæ nexum beneficio. Ex. gr. mihi ope Vitaliani mei de Donatis autographum est, millesimo ducentesimo octuagesimo octavo indictione prima die quinto intrante decembri. Quo Canonici ad carceres, & communia Gazi & Vigizoli consenserunt in dominos Canamellem Ferrariensem decretorum doctorem, Petrum iudicem domini Belli de Est, Antonium filium domini Nasinbene de Canale caniparium potentissimi viri domini Obizionis marchionis Estensis in Este, tamquam in arbitros. Antonius iste caniparius Athestinæ canipæ præesse poterat aut ad salarium, quod aiebant, aut ad feudum.

54 DE RE NUMMARIA

Si præerat ad feudum, vides illud famulitium feudumque canipæ, de quo quæritur. At si canipæ præerat ad salarium, quod est non perpetuo iure tum servicii tum beneficii, sed temporariis hinc officio, inde stipendio; tunc ne cessabat quidem feudi vocabulum. Sic erant statuta Mutinensium lib. I. *Potestas recipiet pro suo feudo & salario sex mensium MCC. libras.* apud Muratorium Dissertat. XLVI. Nam de nostris afferre non est opus. Et Cangius ad *feudum annuum* redigit plures officiorum pensiones, easque feudi vocabulo traductas probat. Ergo canipæ feudum pariter hic habes, h. e. salarium ac mercedem iis debitam qui canipam curabant. Atque ita feudum canipæ vel hoc nomine pertinet ad ius in administrationem curamque canipæ. Curam hanc canipæ *Canipariam* vocabant, ut ex allato Statutorum libro rubricaque XIV. *Teneantur caniparii solvere salaria officialibus preconibus & capitibus centenariorum & aliis qui fuerint in officio, secundum quod eis in statuto concessum est tempore sue caniparie.* Sed quæ tandem canipa hæc? Utique cella condendis vinariis, & arca recipiendis pecuniis. At non satis. Erat aliarum quoque rerum congeries. Habe sacramentum canipariorum, quod est in eodem Statutorum

PATAVINORUM. 55

rum libro pariter ante millesimum ducent-
tesimum trigesimum sextum. Juro. Quod bo-
na fide salvabo & custodiam pignora pecu-
niam blavam & alia bona que mihi pro com-
muni Padue consignata fuerint. Eoque præ-
terea loco statutum est ante MCCXXXVI.
quo prohibitus est caniparius alteri reclu-
dere vinum blavam pannum equos vel ali-
qua alia mercimonia sive res. Ergo fere
omnes urbis opes, & ultra quam credi-
tur, erant apud caniparios, & hæc om-
nia condebantur in canipis. Aio canipas.
Erant quippe duæ; quod ex hac etiam
rubrica sic probò. Potestate domino Giber-
to de Gente millesimo ducentesimo sexag. ter-
cio. Denarii omnes qui recipiuntur occasione
tolloneorum seu datiorum debeant solvi tan-
tum ad unam de canipis communis. & con-
depnationes & affictus stationum & cetere so-
lutiones & receptiones fiant ad aliam cani-
pam. Securitates vero fieri possunt ad utram-
que canipam. Sic obiter executi sumus &
de canipis & de canipariis, hoc est, ag-
gressi nummarias res, etiam custodes num-
morum custodiasque descripsimus. Ipsum
modo decretum recolo, quod his occa-
sionem dederat. Sic habet. Statutum ve-
tus conditum ante millesimum ducentessim
trigesimum sextum. Caniparii teneantur & de-
beant pro communi & occasione communis

56 DE RE NUMMARIA

solutiones recipere & facere tantum in denariis Venetis grossis cum decem & octo denariis parvis pro libra. excepto quando numerus seu quantitas in grossis compleri non poterit, quod tunc liceat eis dare & complere in parvis usque ad vigintiseptem denarios parvos. Is tum quoque cultus apud nos Venetis numis & maxime grossis.

Age nunc parvos, quos & denarios & numos & menutos eodem vocabulo ferri vidimus, adde pizolos, & bagatinos. Eos Mussatus asses haud semel vocat. Hi numero duodecim valere solidum pergebant anno quoque millesimo ducentesimo octuagesimo nono indictione secunda die undecimo exeunte iunio Padue. Debeat solvere libras quingentas denariorum Venetorum parvorum in tribus pagis, scilicet libras centum & sexaginta sex & solidos tresdecim & denarios quatuor denariorum Venetorum parvorum pro qualibet paga seu termino. membrana est ex optimo codice marchionis Ubertini de Papafabis. Erantque ex argento vel anno millesimo trecentesimo trigesimo indict. XIII. die Veneris XXVI. mensis ianuarii Padue. Pro pretio librarum trium millium & centum denariorum Venetorum parvorum de bono argento quos &c. ex chartula eiusdem codicis. Anno quidem millesimo ducentesimo nonagesimo primo, die XV. octobris.
 aqui-

PATAVINORUM. 57

aquilinorum quatuor & medium vidisti denarios. Ergo in iis ad medium denarium deducta res erat, hoc est ad quartam & vicesimam solidi sectionem. Pariter & imperialium; loco scilicet eodem, quinque libras decem & septem solidos, & medium denarium imperialium. Clarius etiam millesimo ducentesimo nonagesimo secundo indictione quinta. Quingentas septuaginta novem libras, decem & novem solidos unum denarium & medium Imperialium Mediolanensium. Muratorius hos nummos ab imperiali Ticinensi moneta vocat imperiales. Ex hoc autem loco causa nominis alia est: ab imperiali quidem moneta, sed Mediolanensi. Legge statuta Pistoriensium quæ Muratorius ex Benvogliento dedit Antiquitat. Dissertat. L. tom. IV. pag. 538. §. 22. Statuimus &c. Si autem ferrarius fecerit ferrum non de suo ferro, tunc accipiat pro factura & ferratura unum denarium & dimidium & non plus. Ergo hæc medii denarii divisio non tantum in idea, sed & in manibus agentium erat. Apud Venetos adhuc secabantur in partes quatuor ex Dandulo ad annum forte MCCLXVII. tom. XII. rer. Italicar. pag. 372. Civitas, inquit, rivoltina quæ mediatione canalis hætenus divisâ fuerat, nunc ex lignei pontis constructione unita est, & appellatus est pons ille
de

58 DE RE NUMMARIA

de moneta ; quia prius quam factus esset , transeuntes monetam unam vocatam Quartarolus valoris quartæ partis unius denarii Veneti nautis exsoluebant . At ii quidem denarii fuerint ex grossis : ut proinde mirum non esset , eos in quatuor aut etiam quinas distrahi partes , ut capit . XII . palam est . Sed ea imperialium maxime gradatio in libras & solidos , & denarium ac deinde medium denarii , nonnullam mihi parvorum quoque suspicionem ingerit . Eaque multo magis invalescet ex monumentis quæ reservamus XI . capite . Nunc satis . Hactenus eos nummos expendi quos Patavina Civitas ex aliis hauserat . Momenta quæ Seculo decimo , vel sequente , quæque duodecimo posui , notabiliora sunt , quoniam vix alia præter hæc suppetunt , unde res eas ornes . Ævo decimo tertio multa collegi , plura dimisi lapsus in ea proxime tempora , quæ numos a Patavinis ipsis conditos dabant . Ratio quippe monebat , alienis sepositis domestica persequi .

CAPUT VII.

De numis Patavinæ monetæ . De falsariis .

„ P Otestate domino Jacopino Rubeo mil-
 „ lesimo ducentesimo septuagesimo
 „ quarto . Nulla moneta expendi debeat
 „ in civitate Padue exceptis monetis Ve-
 „ netis grossis, Veronensibus, Paduanis,
 „ & Tridentinis grossis; & exceptis de-
 „ nariis parvis Venetis, Paduanis & Ve-
 „ ronensibus, qui expendi possint ut est
 „ hætenus consuetum . & omnes alie mo-
 „ nete predictis exceptis forbanniantur de
 „ Padua & Paduano districtu: & exqui-
 „ ratur sacramento a gastaldionibus fra-
 „ tiliarum, campforibus, & mercatori-
 „ bus, quod non accipiant alias monetas
 „ preter predictas nisi pro argento rupto.
 „ Et denarii Venecialium grossi, acci-
 „ piantur & expendantur pro denariis vi-
 „ ginti octo parvis pro uno, secundum
 „ quod expenduntur Veneciis: & non cur-
 „ rant cum aliquo alio lazo. Et hoc ven-
 „ dicet sibi locum & observetur a pasca
 „ maiori in antea: & usque ad dictum ter-
 „ minum quilibet habens de dictis banni-
 „ tis monetis possit expendere & de eis
 „ exire. A dicto vero termino in antea si
 „ „ quis

60 DE RE NUMMARIA

„ quis dederit de ipsis monetis contra for-
 „ mam predictam, solvat pro banno libras
 „ decem denariorum parvorum. Et quili-
 „ bet possit accusare, & ei credatur cum
 „ duobus testibus bone fame & oppinio-
 „ nis : & accusator habeat medietatem
 „ banni. Et accipiantur securitates a cam-
 „ pssoribus de predictis servandis : & illi
 „ de frataliis iurare debeant observare pre-
 „ dicta ut dictum est „ . Hoc erat populi
 Patavini decretum, quod exacto iam ca-
 pite versabam. Non illud ex integro de-
 di; ne, dum peregrinos adorno, cogerer ur-
 banos quoque numos ingerere; quorum cu-
 riositas animum aliis intentum distraheret.
 Ergo Patavini suas hoc anno locoque mo-
 netas habent, parvas & grossas : parvas
 Veronensibus ac Venetis pares, Tridenti-
 nis dispares; has quippe reiiciunt: grossas
 Veronensibus ac Tridentinis similes, dissimiles
 Venetis; has quippe distinguunt. Addunt eas omnes ordine sic valituras, *ut
 hactenus* institutum est. His ergo pecuniis
 aliquas ætates adsignant. Et certe diu
 valuisse Venetam diu Veronensem proba-
 vimus. Hoc autem de Tridentina non
 liquet. De Patavina videndum est.

„ Anno millesimo ducentesimo septua-
 „ gesimo tertio indict. prima die X. exeun-
 „ te maio. In Ecclesia S. Pauli de Monte
 „ si.

PATAVINORUM. 61

„ filice Bonifacius Clericus “ Ecclesie sue
 „ nomine pepigit cum popularibus suis „ so-
 „ lidos XXVIII. denariorum parvulorum
 „ de Padua: “ quod ex archetypo Mon-
 „ filicanæ plebis est. „ Anno millesimo du-
 „ centesimo septuagesimo primo indictio-
 „ ne quartadecima die quartodecimo in-
 „ trante novembri. In Este. Primerius
 „ factor de Este pro libris octuaginta de-
 „ nariorum Paduanorum parvorum ven-
 „ didit “ quidquid iurium „ habebat in
 „ uno casamento super pratum mercati in
 „ Este. “ Quod est ex autographo matro-
 „ narum S. Stephani. Rursus eodem „ mil-
 „ lesimo ducentesimo septuagesimo primo
 „ indict. quartadecima die sabati nono in-
 „ trante madio. Padue in communi pala-
 „ cio. Cum ad instantiam creditorum bo-
 „ na Lanzaroti quondam Frugerii de pon-
 „ te corvo forent credita ad vendendum
 „ tribus vicibus in diebus lune in platea
 „ communis & in capite scalarum, & to-
 „ tidem vicibus ante domum habitationis
 „ supradicti Lanzaroti, secundum formam
 „ statuti communis Padue pro libris quin-
 „ quaginta quatuor denariorum Padue :
 „ quas dominus Marsilius filius olim do-
 „ mini Partinipei iudicis stipulatione pro-
 „ misit “ &c. quæ sunt ex autographo
 cœnobii ad D. Antonium. Probant hæc

nu-

62 DE RE NUMMARIA

numos Patavinæ monetæ iam patriis men-
 nibus & agris effusos, iam rebus æque pu-
 blicis ac privatis adhibitos, iam sacris ac
 profanis hominibus obvios ante Decretum
 quod extitit anno MCCLXXIV. Post ip-
 sum vero decretum sicerat,, millesimo du-
 ,, centesimo septuagesimo sexto indiēt. llll.
 ,, die VIII. exeunte novembri. Padue in
 ,, hora S. Urbani — Manelda uxor Alber-
 ,, tini &c. fuerunt confessi se emisse & ac-
 ,, cepisse mediam peciam optimi panni ver-
 ,, gati santellarii pro precio librarum trium
 ,, solidorum sex & dimidio denariorum
 ,, Padue parvorum a domino Philippo. “
 Quod autographum est ex Canonicorum
 scriniis. ,, Et millesimo ducentesimo septua-
 ,, gesimo octavo indiēt. sexta die nono in-
 ,, trante februario sub porticu venditri-
 ,, cis “ in Montefilice. ,, Justina quondam
 ,, Martini Capucii de Montefilice pro li-
 ,, bris centum denariorum parvorum de
 ,, Padua vendidit unam peciam sclavarum
 ,, vinearum circa medium campum posi-
 ,, tam in monte Richo ubi dicitur rivus
 ,, Freolfus. “ Id ex authentico S. Fran-
 cisci quod est apud Montemfilicem. De-
 nique ,, millesimo ducent. nonages. septi-
 ,, mo indiēt. decima die ultimo exeunte
 ,, ianuario in Montefilice. dominus Lan-
 ,, zarotus quondam domini Lambertini de
 ,, Mon-

PATAVINORUM. 63

„ Montefilice recepit a Bortholameo dicto
 „ Ximaio quondam Guidonis de Carlaxa-
 „ re de Montefilice partem sibi contingen-
 „ ti de uno debito librarum quinque & de-
 „ nariorum duodecim denariorum Padue,
 „ quos denarios dare tenebatur eidem “
 Lanzaroto. Quod ex autographo est. Id
 autem erui ex eodem tabulario. Chartas
 iis similes, quas habeo, reliquas omitto;
 quod nec lucem prioribus afferant, & idem
 legenti describentique fastidium creent.
 Malo quædam de falsis numis ac falsariis
 adiungere, quorum tractatio huic tempo-
 ri locoque apta est. Ex iis enim, ut ex-
 ternarum, ita monetæ quoque nostræ de-
 cus attentari mos erat. Hinc vel ante mil-
 lesimum ducentimum trigesium sextum sic
 iurabant Patavini prætoris officiales. Ju-
 ro. *Falsa pensa vel falsa moneta aut falsa
 mensura non utar, nec uti faciam. Et, si
 sciero aliquem falsa moneta vel falsa pensa
 uti vel uti velle prohibebo bona fide; & po-
 testati vel suo judici aut aliis ejus nuncio,
 quam cicius potero, manifestabo & dicam.
 Et juro. Omnem monetam falsam, & spe-
 cialiter denarios parvos, que ad manus meas
 pervenerit, bona fide & sine fraude destruiam
 & destrui faciam.* Id ex antiquiore Statu-
 torum codice lib. I. rubrica X. pag. 23.
 Quæ quidem ad falsas monetas pertinent;
 alte-

64 DE RE NUMMARIA

altera vero charta pertinet ad monetarios;
 eaque est ex autographo Canoniorum .
 „ millesimo ducentesimo sexagesimo primo
 „ indiſt. quarta die nono exeunte maio .
 „ Padue. Jacobus de Carturio Canonicus
 „ Paduanus appellavit & dixit in hunc mo-
 „ dum . Dicit & proponit & excipit Ja-
 „ cob. de Carturio. Quod littere que di-
 „ cuntur impetrare ad vos, domine Epi-
 „ ſcope Paduane, nomine Leonardi primi-
 „ cerii Caſtellani contra ipſum Jacobum
 „ ſuper canonicatu & prebenda olim Petri
 „ de Abbatiffa Canonici Paduani, ſunt
 „ obtente ſcienter per dolum. Preterea di-
 „ cit & excipit contra predictum Leonar-
 „ dum, qui eſt multis criminibus irretitus,
 „ & noviter fabricavit falſam monetam .
 „ & propter fabricationem falſe monete
 „ fugit de Veneciis; & per Ducem & com-
 „ mune Venetiarum eſt bannitus & poſitus
 „ in banno. Propter hoc tam de falſa mo-
 „ neta, quam de homicidiis ab ipſo perpe-
 „ tratis Veneciis & alibi publice eſt infa-
 „ matus. „ Et in ipſo quem dixi vetuſtio-
 „ re Statutorum codice ſcilicet ad calcem
 pag. 282. ruruſus antiquo ſtylo nempe Se-
 culi XIII. legere eſt *paſſa conditiones &
 ordinamenta inter commune Padue & commu-
 ne Tarviſii*. quo loco ſic eſt civitates utrin-
 que conveniunt. *Item ſi aliquis commiſerit*
 ho-

PATAVINORUM. 65

homicidium sive predam furtum vel prodicionem civitatis, seu castri, burgorum; vel falsitatem monete in civitate Tarvisii vel districtu ejus, & venerit in civitate Padue vel districtu ejus; potestas Padue ad requisitionem potestatis & communis Tarvisii ipsum malefactorem debeat facere detineri, si in civitate Padue vel districtu poterit inveniri; & ad civitatem Tarvisii sub fida custodia transmitti. Contra Tarvisini reponunt. Item si aliquis commiserit homicidium &c. vel falsitatem monete — potestas Tarvisii malefactorem debeat facere detineri; & ad civitatem Padue transmitti. Actum id viris nobb. domino Jacobino Rubeo potestate Padue, & domino Matheo de Corigia potestate Tarvisii, velut est in ipso titulo pactorum. Nobis authentica duo sunt, in quibus ex æquo prætores hos ire videas; alterum e chartario S. Stephani. millesimo ducentesimo sexagesimo sexto indictione nona die duodecimo intrante decembri. Ego Aleardus existens in officio communis Padue in secundis quatuor mensibus regiminis nob. viri domini Jacopini Rubei de Parma potestatis Padue. Alterum est ex publicis Tarvisinorum membranis anno millesimo ducentesimo sexagesimo sexto indict. nona die sabbati decimo tertio intrante novembri. presente viro nobili domino Matheo de Corigia potestate Tarvisii. Plura

E

præ-

66 DE RE NUMMARIA

præter hæc nobis urbis utriusque testimonia sunt, unde geminis viris alias epochas des. Sed nullibi tam bene cohærent. Alia pariter ostentationi serviunt, & negotium implicant. Non sic amamus eruditos haberi. Tarvisinorum chartas in promptu fecerunt viri Comites Henricus, & Victor e Scotis ambo fratres, ambo genere doctrina virtute nobiles. Henricus in hoc opere rursus audiet; Victor in aliis: utrique devotum ex merito sensum perpetuo deferam.

Tertium modo Statutorum volumen ad-
rexo, quod est chartaceum quod in bibliotheca S. Franc. Potestate domino Uberto de Cancellariis M. III. XVI. Si aliquis monetam falsam fabricaverit vel expendiderit aut receperit vel tenuerit in Padua vel Paduano districtu, condemnatur. Iteratæ leges crebra monetariorum flagitia indicant. Quid ex alio Statutorum codice? quem capite superiore diximus exaratum MCCCCXX. Sic habes lib. III. rubric. XVI. millesimo trecentesimo vigesimo nono de mense septembris. Nulla falsa moneta fabricari vel expendi debeat in Padua vel Paduano districtu. Et quicumque fabricari fecerit vel fabricaverit aut scienter ad civitatem Padue vel districtum Padue attulerit vel expendiderit vel expendi fecerit, & qui ejus mandato expendiderit falsam monetam,

PATAVINORUM. 67

netam, ultimo supplicio mortis per incendium puniatur; vel aliter etiam pecuniariter pro qualitate criminis, & persone. Quod est ad falsarios. Quoad falsos numos hæc adnotant: Omnes caniparii; massarii, collectores daciærum & daciærum communis, campsores, aurifices, & mercatores pannorum, & mutuatores ad thabulam jurare teneantur primo mense cujuslibet regiminis incidere per medium in duas partes omnem monetam falsam que ad eorum manus sive presentiam quocumque modo pervenerit, & cuiuscumque fuerit. Additum & de numis utiq; legitimis at minime receptis. Nulla moneta etiam bona & vera, que non sit & usualis bene expendibilis, expendatur vel detur aut recipiatur in Padua vel Paduano districtu pro aliqua re, salvo quod vendi possit pro metallo rupto, sub pena librarum decem parvorum cuiuslibet contrasacienti. Quæ sic reipublicæ intererant, ut omnes gastaldiones fratalearum & homines de frataleis primo mense cujuslibet regiminis tenerentur jurare observare predicta. Quod si quis ignoranter falsam monetam vel aliter non bonum expendiderit, si fuerit de fratalea campsores & aurificum vel de mutuatoribus predictis, condemnatur in quadruplum de bona moneta; & de ignorantia sit in determinatione domini Potestatis, & etiam de bonitate monete cum consilio peritorum circa bonitatem monete. Demum eo

68 DE RE NUMMARIA

decreto cautum est, ut si quis moneta *sbolzonaverit* abraderit turiserit vel tonsaverit vel aliter deterioraverit, condempnetur in lib. XXV. pro quolibet & qualibet vice & plus vel minus pecuniariter vel corporaliter pro qualitate criminis, & persone in arbitrio Domini, & domini Potestatis. Adeo erat rei monetariæ summa religio. Ne rideas ad verbum *sbolzonaverit*. Hæc ævi loquacitas. In alio codice Statutorum pariter eiusdem temporis ac tabularii alia est lectio. *Qui monetam sbolcionaverit abraferit tonsaverit vel aliter deterioraverit*: eaque melior est. Et adhuc *sbolzonare* nummos aiunt, quos in dorsum malleo tundunt antequam eudant. Sed eos ita post typum quatere nefas. Ergo numi vel in faciem, vel in gyrum devastari possunt. Hoc modo *sbolzonari*, altero dicuntur abradi. Tertio possunt & in orbem cedi, quod est tonsari; *strozare* iam dicunt, haud minus horrido vocabulo. De quo sic in eodem codice libr. III. rubric. XXXIX. *Potestate domino Marco Dandulo, & Capiteano domino Laurenc. Bragadeno MCCCCXX. Persona aliqua tenere non debeat aliquam monetam falsam aut tonsatam vel stazonciatam, etiam si esset de bona & usuali moneta, nisi in duas ad minus partes incisa sit. &c. moxque additum. Si vero essent ducati vel floreni vel alia moneta*

PATAVINORUM. 69

*meta de auro que esset falsa aut tonsata vel
staronciata vel ad aquam vel aliter malitiose
deteriorata, tunc & hoc casu incidantur. Ad
aquam scilicet fortem corrumpi moneta
potest. Alia petas ex monetariis. In utro-
que codice decretum verbis iis clauditur.
Et milites domini potestatis saltem omni men-
se de predictis inquirere teneantur. Eos ini-
tio vocavimus officiales; eosque iam iura-
tos vidimus in has leges ante MCCXXXVI.
Quid est autem quod Mussatus libr. XIV.
de gestis Henrici memorans factum, quo
Patavinæ cohortes Veronensium mœnibus
effusæ sunt anno MCCCXIII. sic fere dis-
ferit?*

„ Cumque ad suburbanum, ubi S. Michaelis
basilica erat, permeassent, fixis acie-
bus ante Veronæ conspectum, Vinci-
guerram S. Bonifacii Comitem cum sti-
pendiariorum cohorte ad portas urbis
currere permisero --- Penetralia civita-
tis plena timoris erant, vixque Federi-
cus della Scala qui Potestatis vices pro
Cane consanguineo gerebat, ad portas
claudendas instante metu suffecit. His
qui citra Aticem amnem, qui urbem in-
tersecat, ultra pontem diffugientibus the-
sauros charosque penates — vehentibus ad
salutemq; trahentibus... At Paduanorum

E 3. Pote-

70 DE RE NUMMARIA

„ Potestas, dum hora declinantis solis re-
 „ gressum appeteret, nec *Œ.* signum re-
 „ ceptui dari iussit.. Et qui prælia effla-
 „ gitabat Vinciguerra Comes cum Padua-
 „ norum juvenum certamini insistentem
 „ revocatus est ... VIII. Kal. Julias anni
 „ Domini XIII.CCC, milleni. Tunc...
 „ Paduanæ acies .. gemina dumtaxat arce
 „ dimissa, quæ in apicibus montium Sua-
 „ vii & Ilasii eminebat, igni populatio-
 „ nique consumpsere — diruptaque ac exu-
 „ ta altissima Canis Grandis palatia, quæ
 „ in Monte aureo, Calderio Suavio,
 „ & Ilasio erant“. Post idipsum recolens
 Epistola XVII. verbis iis usus est

*Ad vesper vergente die divellimur inde
 In medio pugnae atque inhonorem lin-
 quimus urbem*

*Fer lapidum jactus & adempto jure
 MONETÆ.*

*Findimur in reliquos agros & ditia
 regna —*

*Sternitur hic pulcher mons aureus al-
 taque Grandis*

*Aula Canis ; nostro succumbit Ilasius
 igni,*

Uritur & magni ditissima villa Suavj.

Si

PATAVINORUM. 71

Si verbis instas id obtines, ut eo die Patavini facultatem cudendæ pecuniæ Veronenſibus ademerint. Quod nescio qui fieri posset. Tamen hoc dissimulari non debuit.

Æreum hic nummulum dabo ex Arigonii cimelio, simul e scriniolo meo. Hinc PADUA litteræ sunt, inde CIVITAS. Apud Muratorium quoque primus in indice Patavinorum est. Ei vero stante Republica cusus habetur. Item mihi. Quæ autem Republica? Nempe quæ fuit ab anno MCCLVI. quo pulsus est Ezelinus, ad annum MCCCXVIII. quo sunt inducti Carrarienses. Et ipsa nummi species annos ejus æræ postremos indicat. Alios præterea quatuor eidem Reipublicæ Muratorius asserit. Id perperam. Quartus enim nihil nisi P. litteram præfert, quæ si Patavium, cur non & Parmam, Perusiam, Pisaurum, Placentiam, vel alias urbes? Ego ipsum penes Arigonium vidi, nec quidquam inde certum habui. De tertio & quarto alios. Nunc de secundo.

CAPUT VIII.

De numo PADUA REGIA CIVITAS.

Secundus ex argento Nummus est . Hinc *aquila* tenet , inde *crux* ; adde *clypeolum* fascia trajectum : titulus est PADUA REGIA CIVITAS. Hæc nummi descriptio , cuique facilis ; eadem foret explicatio , si provinciam hanc haberemus integram . Sed qui hæc antea voverunt , omnia commentis & anachronismis infuscant . Hinc alius intendenda res , ut præjudicia subsidant . Nam vulgo fabulæ quam veritas credibiliores sunt . Hunc itaque nummum primus edidit apud nos *Auria Zabarella* scriptor anno MDCLXX . Fecit hoc autem rudibus admodum typis , & qui non archetypi formam sed tractatoris incitiam probarent . Eos tamen & Ursatus in suam transtulit *Historiam* quæ prodiit anno MDCLXXVIII . Scriptor uterque nummum non tam edidit , quam prodidit . Editionem vero malam peior interpretatio secuta est . Uterque nummum sub Episcopo Bernardo constituunt . Hunc autem sub geminis Henricis Patre qui cessit , Filio qui cepit anno MLVI . sera res . At causas tantæ vetustatis has habent .

Pri-

Primam quod Bernardus ille pontifex e Maltraversis erat. Alteram, quod ipse clypeum sic zona diremptum ferebat. Tertiam quod ab Henrico monetæ ius hauserat. Hæc illi. Verba singulorum non addo, ne nimium nugas eas palpo. Mitto quoque de reliquis eorum vitiis ambagibus antilogiis ac nævis; ne, quæ nihil valent, etiam refellendo concelebrem. Quod caput est urgeo, nummumque Bernardo Pontifici detraho. Causæ mihi sunt eadem tres, quas isti contra prætendunt, nempe Diploma, Clypeus, ac Maltraversi nomen. Ad primum. Diploma datum MXLIX. sic habet. Ait Henricus Rex. *In una superficiae denariorum nostri nominis & imaginis impressionem, in altera vero ejusdem Civitatis figuram imprimi jussimus.* Ex. gr. Nummi Bergomenles hoc modo sunt. Ab una parte vultum Cæsaris habent, ac FEDERICUS IMPERATOR. ab alia typum civitatis, ac PERGAMUM. Muratorius eos affert. Ita si noster a Bernardo est, habet Henrici nomen ac faciem, præterea civitatis effigiem. Sic enim ab Henrico præscriptum est. At ipse nihil ex iis. Ergo a Bernardo non est. omnia ex ipso diplomate constant. Age de clypeo. Clypeum fasciola sectum, qualis in nummo est, dicunt esse Maltraversium.

74 DE RE NUMMARIA

fium. Non abnuo. Zambonus Andreæ de Favafuschis hæc de Maltraverfis habuit Anno MCCCXXX. *Signa ferebant videlicet scutum, in cujus plano aureo medebat ex transverso binda viridis.* Eum Codicem ex sua bibliotheca Facciolatus indulserat; unde manuscriptos & alios.

At clypeos hos, ut ajunt, gentilitios ætate Bernardi quærere puerilis inscitæ est. Ea quippe familiarum stemmata vel arma vel insignia quæcumque voces, tantum post Crucesignatorum motus invalescere cæperunt, hoc est post annum Christi M. C. Quod inter eruditos iam constat. Imo notandum est viros sacros etiam serius aliis hujusmodi familiæ symbolis usos. Causa patet, quod hæc iis commendarat occasio bellorum, quæ minus alteros urgebant. Hinc Mabillonius. De re diplomat. lib. II. cap. XV. num. II. *Quod, inquit, attinet ad scuta gentilitia Episcoporum, nullum vidimus qui ea adhibuerit antiquiorem Tboma Belvacensi qui in litteris pro Compendiensi monasterio datis, anno MCLXXXIX. in contrafigillo insignia sua exhibet.* Hanc vero consuetudinem vix ante quadraginta annos invec tam putat. *Sub medium, inquit, seculum XIII. Episcopi more Nobilium insignia sua contrafigillis opponere, cæperunt in recta suam ipsorum effi-*

PATAVINORUM. 75

effigiem retinueret. Nobis idipsum patet ex nostris. Habeo quippe sigillum. GERARDI DEI GRAC. Patavini præsulis anno Millesimo centesimo septuagesimo primo, indic. quarta die quinta intrante mense quod est nominatum iunii. Sigillum quoque IORDANI DEI GRACIA PADUANI EPISCOPI. millesimo ducentesimo vigesimo indictione octava die quarto exeunte aprili.

Rursus & S. JACOBI DEI GRA PADUANI EPI. millesimo ducentesimo trigesimo tercio. indictione sexta. die veneris sexto decimo decembris. Hæc infixa Canonorum chartis. Adde e S. Stephani chartario S. IOHIS DI GRA EPI PADUANI, quod est anno „ millesimo ducentesimo quinquagesimo sexto indict. quarta decima. die septimo exeunte novembri “. Nihil in iis præter Episcopi stantis effigiem. Ita Episcopi. Quid eorum Vicarii? E Monsilicano S. Francisci tabulario habes „ Domini Guilielmi Vifiani clerici Vicarii venerabilis patris „ Domini Bernardi Dei & Apostolica gratia Episcopi Paduani unam litteram sigillatam sigillo dicti domini Guilielmi. “ Præfert „ ymaginem Virginis Marie cum „ filio suo in brachio “. Charta est, millesimo duc. octuagesimo nono indictione

ne

76 DE RE NUMMARIA

„ ne secunda die septimo intrante au-
 „ gusto . “ Hoc vero sigillum reipsa pen-
 „ det ex charta S. Stephani data „ millesimo
 „ duc. octuagesimo octavo indictione pri-
 „ ma , die sabbati quarto septembris ; “
 in eo autem littere sunt S. VICARII EPI
 PADUAI. At sigillum prorsus idem Pa-
 tavini quoque Canonici tenebant ,

„ Millesimo ducentesimo . XXVIII. in-
 „ dictione secunda , mensis martii die XI. “
 Quo „ Jacobus de Corado Archipresbiter
 „ & totum Capitulum ecclesie Paduane
 „ procuracionem fecerunt sigillatam quo-
 „ dam sigillo cuiuscircumscriptio talis erat
 „ Sigillum Canonice Paduane . In quo et-
 „ iam erat insculpta imaginem genetricis
 „ Dei Marie retinens Filium in brachiis . “
 Extat in codice tabularii S. Justinæ . Non
 ergo aut Episcopus , aut Episcopi Vica-
 rius , aut Canonici Patavinæ sedis aliquid
 ex familia sua in publicum adhuc invexe-
 rant . At ex membranaceo , cuius initium
 est . *Liber Alberti de Sancta Sofia &c.*
 „ millesimo ducentesimo nonagesimo VI.
 „ indictione nona . die XX. intrante apri-
 „ li . Padue in monasterio S. Antonii con-
 „ fessoris — Ibiq̃ue dominus Petrus quon-
 „ dam domini Petri de Guitardo de con-
 „ trata pontis salaroti — presentavit re-
 ve-

PATAVINORUM. 77

„ verendo in Christo patri domino Hen-
 „ rico Dei & Appostolica gratia Episcopo
 „ Clugienſi infraſcriptas litteras ex parte
 „ discreti viri domini Johannis boni Cu-
 „ ſtodis & Vicarii Capituli Paduani Epi-
 „ ſcopali ſede vacante , que litere erant
 „ aperte ſigilate rubea cera, in quo ſigilo
 „ erat ſculpituſ quidam boſ cum quadam
 „ arbore ſupra literis dicentibus, que erant
 „ in dicto ſigilo, S. Johis boni de Bovis .
 „ Cum capite dictarum litterarum erat
 „ quedam balota in qua erat quedam aqui-
 „ la ſculpita. Quarum litterarum tenor ta-
 „ lis eſt. Venerabili in Chriſto Patri do-
 „ mino H. Dei & appoſtolica gratia Epi-
 „ ſcopo Clugienſi Joh. bonus Cuſtos & Vi-
 „ carius Capituli Paduani Episcopali ſede
 „ vacante reverenciam „ &c. Littere *Di-*
 „ *miſſoriales* erant , h. e. publicæ atque ex
 „ officio. Datæ Padue in Episcopatu die XX.
 „ aprilis nonæ indiſtionis. Hæc ex archivo Pa-
 „ paſavii mei de quo paſſim in ſequentibus
 „ agendum eſt. Ex iis omnibus habes quo
 „ tempore Patavini Præſules inſignia fami-
 „ liæ ſuis ſenſim monumentis induxerint: ac
 „ Mabillonium ex integro tenes . At noſtri
 „ iam ſentiunt ex eo ſtemmate quod in num-
 „ mo eſt ætatem Bernardi, quam ſub Hen-
 „ rico ſingebant , procul abſcedere . Sin &
 „ num-

78 DE RE NUMMARIA

nummum ex Patavini Pontificis officina volunt, cum in annos ævi XIII. postremos reiiicere debent. At iis adimemus hanc curam. Nunc restat de cognomine Maltraversio. Si nostros audis, ea Familiæ fors. Alberto comiti Patavino filii erant Engulfus, & Maltraversus. Ab Engulfo continuata comitum soboles; a Maltraverso Maltraversi cæperunt. Iidem sic signa mutarunt. Alberto cessit antiquum familiæ scutum fasciis ad perpendicularum rubeis albisque sex. Maltraversus aliud a fratre scutum voluit colore croceum fascia bifidum, quæ viridis erat, ab horizonte veniens. Hæc anno M. Venit autem filius a Maltraverso Bernardus anno MXLIX. Patavinorum Pontifex; venit & Albericus abnepos anno MCLIII. militum Dux. Huic filii duo Guizolus & Albertus erant. A Guizolo Lucii Comites, ab Alberto Comites de Montebello fluxerunt. Sic illi. Quot verba tot stultitias. Audi ex charta quam Vincentiæ apud S. Petrum habui.

„ Dum in Dei nomine in Civitate Vicen-
 „ cia in domo episcopio sancte Marie per
 „ data licencia domnus Litekerio episcopus
 „ in iudicio resideret domnus Hubertus
 „ Comes istius comitatu Vicentino “ Hæc
 quidem autographa est, scripta „ millesi-
 „ mo sexagesimo sexto octavo die mense
 „ no-

PATAVINORUM. 79

„ november indictione quinta. “ Pariter
 autographa est altera e S. Felicis archivo .
 „ Millesimo septuagesimo sexto , quinto
 „ Kalendas aprilis , indictione quintadeci-
 „ ma . Constat me Ugicion comes comita-
 „ tus Vicentino & filii quondam Uberto
 „ itemque comite abitor in loco & fun-
 „ do que vocatur Muntebello , qui profe-
 „ so sum ex natione mea lege vivere Lan-
 „ gobardorum , accepisse sicuti & in pre-
 „ sentia testium manifesto sum qui accepit
 „ ad te Uberti clerico sancte sedis Vicen-
 „ tine ecclesie germano meo , & est abita-
 „ tor in suprascripto loco Muntebello . “
 Nunc adde syngrapham ex Lyronense char-
 tario apud Bacchinum lib. IV. pag. 164.
 In ea est „ Ubertus comes qui Maltraver-
 „ sus vocor de Montebello filius quondam
 „ Uberti comitis : “ anno MCVII. Se-
 quitur ex archetypo majoris ecclesie Mon-
 tisilicis anno „ millesimo centesimo vie-
 „ simo secundo , duodecimo Kalendas au-
 „ gusti indictione quintadecima — Mal-
 „ traversus Vicentinus comes filius quon-
 „ dam Widonis comitis , qui professus sum
 „ ex natione mea lege vivere Longobar-
 „ dorum “ . Maltraversus anno quoque
 „ millesimo . C. tricesimo sexto VI. Kalen-
 „ das februarii indictione XIII. “ stabat ex
 autographis apud Canonicos . At ex iisdem
 cef-

80 DE RE NUMMARIA

cesserat anno „ MCXXX. octavo. III. Kal.
 „ iunii. indictione prima. die dominico „
 „ quo laudantur ii tres „ Guido , & Girar-
 „ dus, atque Albericus filii quondam Mal-
 „ traversi comitis. “ Ei præter hos Ubertus
 etiam filius extitit ex Prataliense chi-
 rographo. „ Ubertus clericus iam Male-
 „ transversii filius anno Millesimo . C.L.
 „ quarto. IIII. Kal. feb. indict. secunda. “
 Qui mox *Padue Canonicus* audit ex eo-
 rumdem Canonicorum tabulis anno Milleſ.
 C. XC. III. signandis. Ibi Petrus testis ait.
 „ Jam sunt XXXV. anni parum plus vel
 „ minus, & vidi Ubertum de Maltraver-
 „ sis Padue canonicum habitare in came-
 „ ra — “. Reliqua mitto. Tantum id no-
 to. Rolandinus initio operis hæc habet .
 „ Contingit autem tempore hoc in parti-
 „ bus Paduanis nominatim in villa de A-
 „ bano esse nobilem quemdam virum no-
 „ mine Manfredum Riccum qui erat al-
 „ tus & potens — . Hic filiam habuit uni-
 „ cam nomine Cæciliam. Quo defuncto “
 &c. Manfredus anno M.C.LX.VI. vivebat
 adhuc ex membrana Prataliensis asceterii.
 „ Millesimo centesimo LX. sexto, die no-
 „ no octubris, indictione XIII. constat
 „ me Mainfredum Apani accepisse a te
 „ domno Martino — Actum in Apano in
 „ domo domini Manfredi feliciter “ . Idem-
 que

PATAVINORUM. 81

que decesserat " ex autographo Canonico-
rum „ MCLXVIII. indict. prima, XIII.
„ die exeunte madio“. Quo lis erat „ de
„ feodo quod olim fuit Manfredi de Abba-
„ no“. Pergit Rolandinus, eam, quæ fue-
rat Manfredi conjux, nupsisse „ cuidam
„ Nobili unde postea prodiit proles de
„ Maltraversis in Padua“. Facile est has
nuptias in annum ferri M.CLXX. Nunc
singula relegam. Fuit ergo domus olim de
Montebello quæ Vincentinos comites dabat.
Hubertus anno MLXVI. genti dux. Huic
MLXXVI. filii duo Ubertus & Ugicion.
MCVII. fertur ex eadem familia Wido. Fi-
lius huic Ubertus. Hic autem se Maltraver-
sum notat eodem M.C.VII. Deinde Maltra-
versus apud omnes est. Eius etiam filii modo
Maltraversi, modo de Maltraversis: item
nepotes. Unus ex iis Vincentia Patavium
migrat anno MCLXX. Vide quot errorum
moles uno velut ictu concidant, & quo
vere statu Maltraversium stemma sit. Er-
go qui nummum derivant a Maltraversis,
cum volunt vel ab iis qui Vincentiam,
vel ab iis qui Patavium tenebant. Si pri-
mum, seculo saltem duodecimo cogendi
sunt: si secundum, decimotertio. Sic ex
diplomate Cæsaris, ex clypeo numismatis,
ex cognomine Maltraversi nummum revo-
camus ab ævo Bernardi.

F

CA-

82 DE RE NUMMARIA

C A P U T IX.

De eodem.

UT epocham huic aptem, tria noto. Primum sic est. Nummus ipse præfert annos ultimos ævi XIII. primosque XIII. Formæ, lineamenta, colores ipsi, characteres, & omnia spirant eam temporis indolem. Nec eruditis inexplorata res erit; etsi melius hæc sentias, quam probes. At certum est nummos qui vetustiores hoc sunt, esse rudioris operæ; qui recentiores, esse majoris industriæ. Scilicet is aquilæ typus in vetustioribus impositior est; ea litterarum species in recentioribus elaboratior est. Elaboratas ajo litteras, hoc est, corruptas; additis ad eas lineis & radicibus intortis, unde secuta est veteris orthographiæ clades, cui Gotico, cui Longobardo characteri nomen est. Ea primum codices tetigit; inde lapides: in numis ac sigillis hoc ordine grassata est. Ab anno MCCXL. circiter ad MCCCXXX. flexit aliquantum litteras, & calami quidem ductus at breviores egit: inde licentius usa calamistris, ipsas aliquando formas dum ornabat sustulit. Et quidem nec initio hujus ævi deerant corruptionis arti-

PATAVINORUM. 83

artifices, imo jam saxi omnibus ac membranis infederant. Hinc & in numo primo C. verterunt in D: T. mutarunt in M. Sed hoc inter initium finemque seculi differt, quod quæ primum leviora fuerant, inde tolerabilia vix esse ceperunt. Quis e. gr. vicimum sextum numum sine tædio legat? quis nonodecimum, atque in ea tabula reliquos? inde duodecimum ac decimum tertium? Quis in area noni crederet I.? I. rursus in octavo est. I. pariter in septimo. Sunt hæc ludibria sculptorum non litteræ. Cæpit hæc inverecundia medio circiter ævo. Nec silendum de Muratorio. Datis in Dissertat. XXXV. de *Sigillis* utique sigilla duo, nempe S. AZONIS DEI ET APLICA GRA ANCHONE ET ESTENSIS MARCHIONIS. Et S. ALBERTI MARCHIONIS ESTENSIS VICARII CIVITATIS FERRARIE PRO SCA ROMANA ECCLESIA AC MUTINE D. GENERALIS. Alberti sigillum statuit anno MCCCXC. quod bene habet. Azonis autem vel MCCVIII. vel MCCLX. vel MCCCVIII. quibus Azones eo titulo tres erant. Mihi nulla ex iis epochis placet, multoque minus priores duæ. Tertia non itidem. Quod in utroque sigillo fere similis est labor,

84 DE RE NUMMARIA

artificisque modus ac litterarum species. At certa dissimilitudo est operum quæ MCCC. circiter anno facta sunt, & quæ circiter anno MCCCC. Quod in primis hoc novæ sculpturæ vitium veluti nascens, in alteris adultum est. Ajo de sigilli ac numis. Præter eos tres Ajo est quartus æ authenticus quoque Papafavorum *millesimo trecentesimo nonagesimo, indictione decima tertia, die veneris ultimo mensis decembris—in villa Merlarie—cujus proprium est Azonis Marchionis Estensis vel magnifici domini Alberti Marchionis Estensis*. Huic potius Azoni sigillum censeas, & alteri, velut opificio est, ævo quoque par habeas. Hæcegeram; Botius autem meus municeps attulit sigillum, quod in agris Monsilicanis effoderat. Erat opere excavato seu diaglyphico, velut hæc fere monumenta sunt. Aream linea secuerat in duas partes; alteram circinus, alteram semiglobuli plures implebant. Erat inscriptio S. ALBERTI IUD. DE MANTELLA. Quæ quidem litteræ adeo erant similes iis quas in hoc numo vides, ut eandem seu manum, seu scholam referrent. Ego principiis meis hærens inspecto, statim sigillo chronologiam dedi, qualem numo dederam; nempe vel exitum seculi XIII. vel sequentis initium. Res ætate Alberti iudicis æstimanda erat. In eam ergo

ergo quæsi mei aduersaria excussi .
 Ceperam ab anno MCCCXXX. recurrens
 usquequo trahebat ea me characterum spe-
 cies . Anno tandem MCCLXXIII. hanc
 offendi notulam . Ea e Stephanensibus au-
 tographis est . *Ego Basilius — exemplavi ius-
 su domini Alberti iudicis a Mantella existens
 in officio communis Padue in secundis quatuor
 mensibus potestarie domini Michaelis de iu-
 ro de Venecia Padue potestatis millesimo du-
 centesimo septuagesimo tercio indictione pri-
 ma , die quartodecimo exeunte Januario ,
 quod est , octavodecimo . Tunc vidi con-
 jecturas meas in historiam verti . Jam certa
 est Alberti iudicis ætas ; ætas quoque cer-
 ta sigilli est . Ex iis autem certa pariter
 ætas est nummi : quod eadem utrinque ra-
 tionum momenta sunt . Eum ego nec ur-
 geam ante MCCL. nec post MCCCXL.
 Alterum quod noto sic est . Scutum zo-
 na sic ab horizonte traiectum Ducibus Au-
 striacis est symbolum . Patet id quidem
 spectantibus insignia gentis augustæ , quæ
 passim sunt . Charta vero est millesimo
 trecentesimo sexagesimo quinto indictione ter-
 tia mense decembri , quæ laudat quasdam
 litteras pergamenas in Theutonico scriptas il-
 lustrium principum Rudolphi Alberti & Leo-
 poldi ducum Austriæ Germanorum suis veris
 sigillis instructas . Hæc autem diu sigilla*

86 DE RE NUMMARIA

versat : sic de secundo memorat . *Octo* constabat hemicyclis . In primo *galeam cristā Austrie* ferebat , & *clypeum dicti Ducatus* . In altero *clypeum Ducatus Karinthie* in cuius una media parte tres leones : & alia pars medium *clypeum Austrie Ducatus* ostentabat . In tertio *Ducatus Carnolie* , qui *aquilam super alas* &c. Quarto *comitatus Ferretis* . Duorum piscium imagines habebat . Quinto dicto *clypeo Austrie occupato* . Sextus *semicirculus clypeum comitatus Habsburgk* , qui *leonis effigiem quasi ad cursum dispositi* reddebat . Septimus *comitatus Tyrolis* , quem *aquila quasi volans occupabat* . Octavus *clypeum Ducatus Styrie* , qui *Pantheram* præferebat . Hanc edidit chartam . Bernardus Pez Tom. V. Thesaur. Parte III. Quæ sequitur anecdota est ex chartario Perzini ; qualem , velut & alias , obtulit Simon de Bartholomæis . Ea est privilegium Leopoldi Ducis Austriæ . Datum in castro Tyrolis die jovis ante Sanctum Thomam . MCCCLXXVI. Sic ex Teutonico latine reddas . Et abest Indictio , quod ex populari Germanorum consuetudine est . Hæret autem chartæ sigillum , cui litteræ circum LEOPOLDUS DEI GRATIA DUX AUSTRI. ET H.... nempe HARINTIE. Quid in area ? Quinque sunt clypei ; quorum qui princeps eam nummi zonulam fert . Secundus habet

bet leonem. Tertius ad perpendicularum bifidus hinc leunculos tres, hinc eandem rursus exhibet zonam. Quartus aquilam dat, & quintus aquilam. Nunc, si monumentum monumento conferas, habes & eos Carnoliæ Tyrolis Habsburgi Charinthe clypeos, &, quem modo quærimus, Austriæ. Sic numo clypeum Austriæ concilias, & clypeo Austriæ seculum hoc, quo trahemus ipsum denique numum. Sed nondum finis. In Aula Zabarellæ, atque in Historia Ursati numus idem tres habet facies, mediam quæ crucem præfert; alteram quæ scutum, quale dedi, fasciolam trahens; tertiam quæ scutum liliis auctum sex. Putabam scriptoribus iis obvios fuisse geminos numos eo quidem clypeo distinctos, cetera similes. Ita de utroque quærebam. Quinque ad manus erant ex Vicodarzere Pivato Bosio Patavii, Arigonio Venetiis, Scoto Tervisii; sextus e penu meo: septimus a Muratorio vulgatur ex Dominico de Conradis; octavus e Papafavio scilicet Alexandro, nonus iterum e scriniolo meo, decimus e museo Lazara. Museum vero Lazara notatur in Aula quoque Zabarella. (pag. 113.) „cernitur, *inquit*, clypeolus cum „uno tantum traversio prout comites „Marforum gerunt, & aliæ familiæ no-

88 DE RE NUMMARIA

„ biles diversarum civitatum. Harum au-
 „ tem unam argenteam ipse servo in meo
 „ museo, & est ista; & in museo Laza-
 „ reo aliæ inveniuntur „. Ergo museum
 quoque Lazareum tentavi. Sed hoc iam-
 diu desiit. Ex eo tamen habui quasdam
 laminas æreis numorum typis insculptas
 ac velut editioni paratas. In iis & omnes
 fere Patavinos, & hunc quem maxime
 volebam. Sed & in hoc & aliis omnibus
 uno tantum *traversio* clypeus est. Lilia
 nullibi sunt. Quid putarem? Falsone ab
 iis invecum stemma cum liliis? At nec
 apud Zabarellam nec apud Ursatum locus
 indicatus est unde numus iste prodierit.
 Et aliunde vix dici potest quas ii tricas
 infarciant, fabulas nectant, ineptias inge-
 rant. Octavus autem numus e Veronen-
 sibus apud Muratorium præfert in area
 scutum hoc Austriæ, quod est aquila bici-
 pite clausum; de quo Muratorius idem,
Nisi, inquit, *percussus hic numus fuerit*
postquam Maximilianus I. Augustus secun-
dum Cameracensis fœderis pacta Veronensi
civitate potitus fuit, eruditus Veronensis
illius interpretationem commendo. Ego hoc
 onere Veronenses levabo. Ipse numus apud
 Arigonium est. Subter humeros episcopi
 S. Zenonis habet hanc epocham 1516. Sic
 ille Dux Austriæ revera Maximilianus est,
 qui

PATAVINORUM. 89

qui Verona cessit anno MDXVII. die XV. januarii; ex Guitiardino. Par eiusdem numi typus Arigonii dono meus est, ut alii plures.

Tertium quod noto sic est. Austriaci Duces Patavium tenebant anno MCCCXIX. Facti series apud Cortusios. Tom. XII. rer. Italicar. pag. 818. *Dominus Jacobus de Carraria* Patavinorum princeps *auxilio comitis Goritiae* Scaligeros inhiantes urbi submovere studuerat. Is a *Comite* responsum sic habuit. *Quod eum habere poterat defensores, si Paduam eidem consignabat recipienti nomine Ducis Austriae.* Nec ea Jacobo aut Patavinis ingrata res. Ergo legatus ab iis *Aleardus de Basiliis*, qui dedit *dominium Padue comiti de Goritia recipienti nomine Ducis Austriae MCCCXIX. IV. novembris.* Adi Mussatum quoque lib. IX. de Gest. Italicorum. Nunc id advertam. Quos huiusce numi laudabam typos ab Arigonio, Vicodarzere, Pivato, Bosio, Lazara, Muratorio, Scoto, scrinioque meo, licet eandem teneant faciem, non eundem referre malleum. Qui prostat in his tabulis e Vicodarzere est: eumque meus æquat. Huic ad clypeolum duo tanquam trifolia vides; apud Muratorium stellulas duas: apud Scotum stat hinc o, stat inde velut rosa foliis sex: eaque pariter in Papafavio, pari-

90 DE RE NUMMARIA

pariter in altero meo. Quid apud Bosium? plus etiam discriminis est. Si quæris, unde sic differant; obvia responsio est, typos hos iterum ac tertio quartumque repetitos. Si rursus instas, unde repetiti sic fuerint; id quoque videndum. Certe MCCCXIX. comes Goritiæ Patavio præerat; id constitit. Inde MCCCXX. Valsius excepit Goritium, velut ex iisdem Cortusiis est. *Et sic die V. Januarii in pleno arrenge dominus de Valse nomine Ducis Austriæ recepit civitatis dominium.*

Cæsaris ille quidem Federici nomine partes

Fidus agens Patavum sumpsit pro facere sceptrum.

Muffatus eodem libro. Rursum MCCCXXI. Dux Charinthiæ successit Valsio, pariter ex Cortusiis. *Dux Karinthiæ ductus precibus Paduanorum a Duce Austriæ Paduæ factus fuit Vicarius generalis.* Id autem *die sabbati V. septembris.* Ergo tres Federicus huic urbi Præfectos instituit, primo Goritium, deinde Valsium, tertio Charinthium. Charinthius etiam *Vicecapitaneos* habuit ac *Subvicarios* suos Conradum de Ovestagn, Hengelmariam de Villandres, Ulricum de Donnesdorf, Ulricum de Faninberch apud Mus-
fatum

PATAVINORUM. 91

fatum lib. XII. apud Cortusios, & alios. Hinc ergo typi multiplices, & ea nummorum sic iteratorum series. Non quod hæc alias non posset habere causas. At nihil tam verisimile est, quam Præsides eos ac Legatos, ut primum procederent, hos ordine percussisse numos; aut suis quosque cæptis auspicia quærentes, aut populum aucupantes, aut *maxime Domino*, quod Mussatus ait, *principali Federico* devotos. Huius initia recolens Mussatus idem lib. IX. sic ad Patavinos suos

— — *Veniunt, inquit, in bella Suevi,
Totaque præsidiis armatur Stiria ve-*
stris.

Urbs hæc Imperii dicetur REGIA ma-
gni,

Et secura suos servabit libera fines.

Age. Patavium hic *Urbs Regia*, quæ in nummo *Regia Civitas*. Id etiam indicare fuit; ne nostrates eo titulo præcipites irent, & annos æternos inveherent. Vide totum quantus est librum Mussati XII. de G. Italicorum. Sic stetit Patavina res usquequo *Marsilius*, ex lib. IV. Cortusior. cap. III. *iussit consilium Paduæ congregari, in quo omnibus alacriter annuentibus eidem datum fuit dominium Civitatis MCCCXXVIII. die III.*
se-

92 DE RE NUMMARIA

*septembris. Ea die Griffus frater Hengelmar-
ri Paduæ Potestas cum Theotonice depositis
armis claves Civitatis domino Marfilio resi-
gnavit. Ipse receptas ab Austriacis ad Sca-
ligeros transtulit. Tribus iis adnotatis epo-
cham numi diu quæstam hæcenus inex-
ploratam denique tenes, annum nempe
MCCCXIX. usque MCCCXXVIII. sub
Austriaco Duce Federico Rege Romano-
rum Tertio.*

C A P U T X.

Insignia Carrariensium.

ESt apud Papafavios inclyta spectacu-
logaza Carrariensium gemmæ tabu-
læ membranæ toreumata codices lapides,
& aurum argentumque signatum atque æs.
Hæc Albertinus ex ea gente vir ita servabat,
ut pro merito coleret; ita colebat, ut ad eru-
ditionem nemini subduceret. Hoc ei ex
indole nobilitatis, alterum ex acri iudi-
cio fuit. Nam de virtute ejus qua sem-
per domesticam gloriam tutatus est, dis-
simulandum puto. Is autem ea in me prorsus
effudit; bibliotheca museo tabulario
tamquam meis cessit; omnes conatus meos
æque ac suos habuit: nunquam mihi pa-
tientia consilio re defuit. Hæc & alia mo-
lien-

PATAVINORUM. 93

lientem sustulit mors. Et ipse velut e cœlo tactus inhorruï. Spero viri progeniem patriis, ut bonis, ita responsuram meritis. Namque parentum maxime talium benefacta æmulari solemnior hæreditas est.

In primis ille codicem dederat membrana-
ceum, chartis auro minioque decoris an-
nos vetustum ferme trecentos. Ipse num-
morum qui deinde sunt Carrariensium ve-
luti clavis. Ibi quippe Carrariensium stem-
mata sunt, eorum quatenus Patavium,
Jacobi Marsilii Ubertini Marsilietæ Jaco-
bi Jacobini Francisci Francisci. Stem-
mata vocavi; codex eos appellat *conos*.
Ita enim præfert

*Versus conorum Patavi sunt hic Do-
minorum*

Quos genuit clara soboles Carraria rara.

Conos ait; intelligit autem galeas & in-
signia galearum, quæ viris Carrariensibus
ulvi fuerant. Ea quidem persequuntur &
Garari Pater ac Filius a Muratorio vul-
gati. sed quæ sunt apud eos paucis indica-
ta verbis, hic & manu tenes & oculis
probas. Tamen & hunc & eos jungam,
quo sit amplior ipsis auctoritas, utrinque
commodata fide. Sic autem adhibeo Ga-
ratos. Andream ex editis fero, Galeatium
c ma-

94 DE RE NUMMARIA

e manuscripto chartaceo quem mihi describendum cessit Alexander Papafava sedis Patavinæ Canonicus. Initio sic habet. *In Christi nomine amen. Anno ab incarnat. D.N.I.C. M.CCCC.LXVI. adi XXV. de giugno. Ego Marcus Holiverio quondam magnifici domini Baldasaris nobilli & cives Venetiarum explevi & scripsi hunc librum gratia Dei ad contemplationem meam. amen.* Hanc vetustatem, credo, codices a Muratorio consulti non ferunt. Deinde placet ea mihi qualis hic est Galeatii Patavinitas. Ipsa vere Gatarum exhibet. Hunc qui sic mutarunt, ut in editis est, pro ingenuo historico adulteratum dederunt. Tertio tam sæpe noster aut supplet editos aut purgat, ut inde nova Gatarum senioris editio parari posset, additis quidem aliis & hinc & aliunde monumentis. Hinc ergo stemmata Carrariensium.

Prima ex eo codice Jacobi galea est. Habet in vertice binos currus velut stantes: aureæ litteræ sunt ad oras I. atque A. quæ IACOBUM reddunt. Inde versus

*En Jacobi insigne Patavi qui sceptrum
benigne*

*Carrigerum primus gessit non laudibus
imus.*

*Sponte semel cessit sceptris, mox inde
relictus*

Voco

PATAVINORUM. 95

*Voce fuit populi rursusque ad rostra
revelatus.*

Nunc ex Gataro. Portava costui per cimiero uno elmo coverto de una binda bianca piena di cari rossi. Et in pie de lelmo doi cari rossi. Et ne la targa un caro. Princeps MCCCXVIII. die XXIV. Julii. Cessit MCCCXIX. IV. novembris. apud Cortusios.

Altera ordine Principum galea est Marsilii. Stat in ea Pardus, adstant M. atque A. adsunt verficuli

Carrigera lectus Patavi de stirpe secundus

*Grandis se crista texit Marsilius ista
&c.*

Sequitur ex Gataro. Costui portò per cimiero una testa con tuto el peto de uno lionpardo. — In targa bianca un caro rosso. Princeps MCCCXXX. VII. die III. augusti; cessit MCCCXXXVIII. die X. martii. Vide Cortusios. Tertia est Ubertini. Maurum præfert alis aureis & cornibus aureis. item litteras U. ac B. verfus autem.

*Ternus Ubertinus Patavorum carriger
Heros*

*Cornigerum gessit Maurum trudendo
severos.*

Hinc

96 I I: RE NUMMARIA

Hinc ex Gataro . *El cimiero de costui fo una testa, el peto de uno Saracino . Et la testa del Saracino gera [cornuta di due corna d'oro]. Ne la targa bianca uno caro rosso . Quæ clausa sunt ansulis in manu sc. desunt . Princeps MCCCXXXVIII. die X. martii : cessit MCCCXLV. die XXVI. martii , pariter ex Cortusiis .*

Quarta Marsilieti . Leonem sustinet , ac notas habet M. atque AR , hosque versiculos

Quartus Herus Patavus Papasavus Marsilietus

Arriger ista conis portavit signa Leonis &c.

Ex Gataro quoque . *Portava el dito Signor mess. Marsilio Papasava da Chavara una stella nel petto de un lione azuro per cimiero , semenato tuto de peluzo doro . Et per lo simele seguiva tuta la banda de ielmo . Et ne la targa soa bianca portava una croce vermeja . Et ne le do parte de quella gera doi cari rossi . Et ne li altri doi leoni azuri ranpanti . Princeps MCCCXLV. die XXVII. martii . desit MCCCXLV. die VI. maj. Consule Cortusios .*

Quinta est galea Jacobi II. Serpentem gerit arrecto collo , cristatum , rictu patulo , linguis trifidulis , medium I. atque A. litteris .

ris. Ea apud Gatarum deest; ubi tamen
hi versus & codici nostro communes

*Qui tenuit gratum Patavi quintus do-
minatum*

*Crine tulit cristam Jacobus Dux plau-
strifer istam.*

Vide quam hic melius quam in editis
fluant. Optabat Muratorius in Præfatio-
ne ad Gataros Tom. XVII. rer. Italica-
rum singulis horum conorum versiculis ad-
hiberi medicas manus. Id ex parte facio,
alia reservo. Versus hi probant apud Ga-
tarum ne galeæ quidem seu coni defuisse
mentionem. Sed eam librarii non vide-
rint. Ceperat Jacobus anno MCCCXLV.
die VII. mai; desit MCCCL. mense de-
cembri. Lege Cortusios.

Sexta est Jacobini. Cristatus & ipsa dra-
co est. Hinc ad cervicem quatuor angui-
culi pullulant additis I. atque A. versibus
etiam

*Sextus in euganea lectus Dux plaustrif-
er istis*

*Se Jacobinus erat solitus componere
cristis.*

Et Gatarus. Costui portò per zimiero una
G testa

98 DE RE NUMMARIA

*testa con el colo de una serpa; & per la scbie-
na del colo de quella comenzando su la testa
& gera quatro teste de serpe pizole — ne la
targa gera un caro roso nel campo bianco.*
Princeps MCCCL. die XXII. decembris;
abiit MCCCLV. die XVIII. Julii. semper
ex Cortusiis.

Septima Francisci galea Maurum pari-
ter habet, ut Ubertini, cornibus atque
alis aureis, septemque litteras FFFFFFFF
demum versus

*Heros septenus Franciscus marte ge-
rebat*

*Carriger hunc conum Patavi dum sce-
ptra tenebat.*

Adhuc ex Gataro. *ordenò el Segniore a tu-
ta la fantaria da pie — soto doi penani. Nel
primo — era el zimiero del Sarazino in ne lo
chanpo verde. Soto quello lá targa bianca con
uno caro roso — mense mad. MCCCLXXIII.*
Princeps MCCCLV. die XVIII. Julii; ces-
sit MCCCLXXXVIII. mense Junio. Vi-
de Gataros.

Octava Francisci junioris est. Ipsa quo-
que portat alatum cornutumque Maurum.
Addas huic F. atque F. Ex Andrea quoque
Gataro die 15. augusti MCCCCIV. Fran-
cisci vexillum est. *Pennone tutto verde col
cimie-*

PATAVINORUM. 99

cimiere del Saracino, e la targa del carrò.
 Tom. XVII. rer. Italicar. pag. 897. Princeps MCCCLXXXVIII. mense Junio; defuit MCCCCV. At nulli versus ad hunc conum. Credo quia nulli post Franciscum ex ea domo Principes, a quibus Elogium. Charta mihi ex eodem Papafavio autentica est *millesimo quadringentesimo tertio indit. undecima die iouis undecimo mensis octobris. Padue in palatiis habitationum infrascripti magnifici & excelsi Domini in anticamera a Cimeriis prope cameram Lucretie presentibus &c.* Ex ea sic habeo, fuisse Cimmerios hos aut galeas sive conos de quibus res est, in aula Carrariensium loco quemque suo positos; unde nomen atque Insignia omnium ex ea stirpe Patavii Principum facile constarent. In eos intendere potuerat qui Codicem nostrum scripsit ac pinxit; aut ei certe Gatarus uterque non defuit. Hi vero iamdiu Carrariensibus assueti semper hæc in oculis habebant. Alia simul habere poterant. Ita Carrariensium galeæ sunt.

Adde nunc clypeos. Currum semper habent. Eaque iam probata res. Id passim hoc capite Gatari suadent. In Codice quoque Papafavio singulæ galeæ singulos habent clypeos ita positos ut in vigesimo primo nummo simul & in quarto vides, ubi supra Maurus, infra Currus

est. Ibi vero clypei semper albi purpureo
 plauistro. Quam Gatari quoque speciem de-
 linearant; ac vetustior iis Jambonus An-
 dreæ de Favafuschis illud *scutum in cuius*
plano albo pingitur currus non stallatus cum
remone prætenderat. Ergo Carrarienses in-
 signia duo prætulerunt, alterum in galeis,
 alterum in clypeis. Quod in iis personæ,
 quod in his familiæ. Quo titulo gemina
 quoque sigilla iactarunt, unum galeæ par,
 alterum clypeo. Primum Francisci II. si-
 gillum sic erat ex authentico S. Stephani
 „ millesimo trecentesimo octuagesimo octa-
 „ vo indictione undecima. die iovis pri-
 „ ma mensis octobris. Padue in palaciis
 „ habitationum infra scripti magnifici Do-
 „ mini in Camera a quadris &c. Magnifi-
 „ cus & potens dominus dominus Franci-
 „ scus iunior de Carraria civitatis & distri-
 „ ctus Padue &c. mandavit confici publicum
 „ documentum sui pendentis sigilli ad scul-
 „ pturam Saraceni cum simplici littera F.
 „ ab utroque latere munimine roboran-
 „ dum“. Hoc erat sigillum galeæ par;
 utrinque Ætiops. Id personæ. Sequitur ex
 autentico S. Petri. „ Millesimo quadring.
 „ secundo indictione decima. die sabbati
 „ septimo mensis Julii. In camera Lucre-
 „ cie — Idem excelsus Dominus mandavit
 „ publicum confici documentum sui pen-
 den-

PATAVINORUM. 101

„ dentis sigilli magni ad sculpturam Plauſtri
 „ cum duplici littera F a lateribus in mar-
 „ gine munimine roborandum“. Hoc alte-
 „ rum erat ſigillum ſimile clypeo. Currus
 „ utrobique eſt. Id familiæ. Franciſci vero
 „ primi primum dabo ſigillum ex authentico
 „ S. Petri „ Decreto ill. principis magnifi-
 „ cique & excelsi domini Franciſci ſe-
 „ nioris de Carraria civitatis Padue pro
 „ ſacro Romano Imperio Vicarii gene-
 „ ralis ſigillato ſigillo ipſius magnifici do-
 „ mini magno cere albe & rubee ad ci-
 „ merium Saraceni cum litteris circum
 „ circa dicentibus vel que ſic legeban-
 „ tur, Munerat hoc ſigno Franciſcus Car-
 „ riger omnes, pendente ad cordulam ſe-
 „ ricis rubei, ſcripto in milleſimo trecen-
 „ teſimo ſeptuageſimo ſexto indiſtione
 „ quartadecima die iovis vigefima nona
 „ menſis maj“. Saracenum galea gerebat,
 „ eundem ſigillo notabat. Hoc iterum perſo-
 „ næ. Sigillum ſecundum ſic erat ex auto-
 „ grapho Bradiolorum. „ Milleſimo trecen-
 „ teſimo octuageſimo tertio indiſtione ſex-
 „ ta. die mercurii quintadecima menſis
 „ aprilis. Padue in palaciis &c. magnifi-
 „ cus & potens Dominus dominus Fran-
 „ ciſcus de Carraria heroum domus ipſius
 „ Carrarienſis civitatis & diſtriſtus Padue
 „ ſeptimus Dominus & Capitaneus genera-

„ lis — mandavit — confici publicum do-
 „ cumentum sui pendentis sigilli magni ad
 „ sculpturam plaustrum cum F. simplici lit-
 „ tera ab utroque latere munimine roboran-
 „ dum „. Pendet e membrana sigillum pur-
 „ pureo plastro ; circum reliquis fractis ea
 sunt M.....HOC S.....FRANCISCUS
 CHARIGER.... Ea ex superiore suppleas.
 Ergo currum clypeo, currumque sigillo da-
 bat. Rursus id familiæ. Nunc ultra prove-
 hor ut sigilla cuique Carrariensi propria
 constituam Jacobino velut hydram ; Jacobo
 II. serpentem ; Marsiliato leonem ; Ubertino
 maurum ; Marsilio pardum ; Jacobo I. gemi-
 nos currus. Hæc singulorum ; præterea plu-
 strum quod esset omnium : velut in utroque
 Francisco sigillum galeæ sigillum scuto par-
 erat. Excipe de Marsiliato, cui clypeus
 erat non uno sed duplici curru ac leone
 gemino. Cuique simile proinde sigillum
 tribuere decet. Placuit hæc & de sigillis
 addere. Primum quod inde firmatur ipsa
 tractatio de galeis. Secundo quia sigillo-
 rum facies eadem plerumque nummorum
 est ; unde Gatarus anno MCCCLXXII.
 die XXX. novembris eos maxime laudat
 Ungaricos decem *X. ducati d' oro*. quo-
 niam *bollati del proprio sigillo del Re*.
 Tom. XVII. pag. 115. Ex quo principio
 magnos habent progressus & qui de si-
 gillis

gillis & qui de numis instituunt, alteris iuvantibus alteros, & contra. Nobis certum est sigilla Carrariensium quæ defuncti suppleri nummis, & nummos sigillis.



CAPUT XI.

*De nummis Marsilii Ubertini Jacobini
Francisci senioris.*

Signa Carrariensium dedi. Ex iis & nummos æstima. Quos habui singulos in tabulas intuli tres. Eas ad calcem vides. Aliquos ex iis & Muratorius exhibuit, iique numero 7.9.13.15.17.19. sunt apud nos. At nescio quo casu fere in singulis aliter a vero seu legit seu credidit. Ego hinc ei litem non amplius intento, ne tali viro crebrius allatrem. Sed ea certe tractatio non paucos habet naves. Hunc autem in iis volgandis modum tenui. Usus sum Petro Monacho æris incidendi solertia iam probato, de quo litteratorum gens accepit ex eo quoque libro *Novelle della Repub. delle lettere* MDCC.XXX.VIII. 21. Junii. Ad eum attuli plures cujusque numi typos, ut quod in uno deerat, peteretur ex aliis. Harum quippe rerum curiosi norunt ægre dari

104 DE RE NUMMARIA

barbaricos nummos, qui servant primas artificum manus; maxime quorum feculenta materies ætatem non fert. Ita pluribus ex formis unam cujusque typi faciem expressimus, eaque in æs translata est. Plures autem vel ex uno Papafavii museo duci poterant. Adde ex domestico; adde ex alio Papafavorum scilicet Alexandri ac fratrum; dehinc ex Pivato Busenellio Bosio Patavii; rursus ex Arigonio Zeno Gradenigo Venetiis; item ex aliis atque alibi. Quæ monui quo pateat, & mihi quæ cura fuerit, ut hæc ex integro constarent; & quæ legentibus esse debeat, ut eadem editis ineditisque componant. Hinc ad nummum numero tertium, qui primus e Carrariensibus est. In area serpens, habet ad collum litteras M. atque AR. ecce nodum. Si Papafavio codici stes, hæc MARsilietum reddunt. Sed ei symbolum non erat serpens. Ergo Marsilium. Sed nec ei serpens. Hæc unde concilies? De numo ne quæras; authenticus est. At dubitandumne de geminis iis galeis? Ad leonem Marsilieti versiculus est

Carriger ista conis portavit signa leonis.
Inscriptio signumque conveniunt. Ad par-
dam Marsilii titulus est

Grandis se crista texit Marsilius ista:
No-

PATAVINORUM. 105

Nomen ab re discors. Crista quippe non de feris, sed de serpentibus est. Hi versus autem licet inepti proprietatem servant in describendis quos aiunt conis. Ergo fueritne Marsilio serpens, ut nummus habet, ut vessus indicat? Sed ei demere pardum contra fidem tot, quos inspexi codicum, vix audeam. Et tamen quidquid præter hoc reponas, trahit negotium, non conficit. Tertium vero Marsilium Gatari Cortusique dant, eumque Francisco seniori fratrem. Dant & quartum Gatari, nempe iuniori Francisco filium. Sed nec iis quidquam est cur certo nummum hunc deputes. Marsilio magno *datum fuit dominium civitatis* anno MCCCXXVIII. die III. septembris, ut est apud Cortusios. Ac hoc in speciem. Tunc enim vere Patavium cesserat ad Scaligeros occultis utrorumque consiliis. Et *dominus Canis* utique novus Patavinorum princeps urbem hanc *die X. septembris ingressus est* ex iisdem Cortusiis, ac Mussato. Quia tamen intererat pauculos eos dies putari Marsilium revera principem, potuit aliis principatus indiciis addere monetam; potuitque tunc habere casidem non pardum, sed serpentem qui transferretur in numos. Hæc pono non ut quid statuam, sed ne quid sileam. Quod certum. Nummus eidem Marsilio *cozvus est*. Id præ-

præstare possum. Quartus est Ubertini cornuto atque alato Mauro. Cornuti causam Gatarus exprimit vitiatam a Scaligeris Ubertino conjugem. De qua pariter in *Fragmentis* apud Muratorium Tom. III. *Antiquitat.* pag. 287. Sub eo principe si non conditum certe renovatum est statutum, quale quidem exhibet statutorum codex e bibliotheca Sancti Francisci pagin. 312. M.III.XXXIX.

„Statutum conditum MCCCXXXVIII.
 „Statuimus & ordinamus quod pro quolibet pondere marchi, quod, sicut esse deberet, non reperietur ad punctum; quod evenit sepe propter operationem marchorum, hic modus & forma servetur. Videlicet quod si pondus medii quarterii uncie erit quarta pars unius denarii parvi minus in pondere, vel si pondus uncie integre erit unus denarius parvus minus in pondere, vel si pondus duarum unciarum erit unus denarius & medius parvus minus in pondere, vel si pondus quatuor unciarum erit duo denarii parvi minus in pondere, vel si pondus octo unciarum erit tres denarii parvi minus in pondere quam ad punctum deberet esse; tunc & quolibet istorum casuum ille vel illi cui vel quibus reperta fuerint dicta pondera minus, ut

PATAVINORUM. 107

„ ut dictum est , condemnetur in soldis
 „ viginti parvorum pro quolibet, & qua-
 „ libet vice; vel minus secundum qualita-
 „ tem facti & persone arbitrio domini Po-
 „ testatis „ & cetera . Notanda gradatio
 ponderum: magis autem *quarta pars unius*
denarii parvi; de cuius usu dictum cap. VI.
 dicendum infra. De pondere marchi recur-
 ret mentio cap. XV. Nummi quintus &
 sextus a Jacobino sunt. Ibi serpens additis
 serpentulis. hoc Jacobini symbolum . Se-
 ptimi formas habui duas ferme pares; at
 non easdem. Ex iis hanc vulgavi. Seden-
 tem præfert episcopum; dextraque gestat
 urbem, sinistra lituum. proxima P litte-
 rula est. In altero quem minime vulgo,
 stellula est. in ambitu S. PROSDOCI-
 MUS. ex alia parte CIVIT' PAD' Stat
 in area crux. Huic ad inferos angulos duo
 currus; ad superos I. A. Vidimus ex iis
 litteris in codice Papafavio signari Iacobos
 tres. Et mihi currus hi duo sic stantes diu
 de Iacobo I. suaserunt; cuius galeam duo
 currus urgebant. At in re dubia timui ne
 mihi blandirer, ut aut nummo plures an-
 nos, aut monetam pluribus inde princi-
 pibus darem. Quare ultimum ex iis vo-
 cavi; non tamen alios amovi. Sit ergo
 nummus iste Jacobini. De quo suspicio-
 nem fecit & I. littera, quam si iungas I.
 litte-

108 DE RE NUMMARIA

litteræ numi sequentis, eundem in alterutra sentis artificem. Quæ causa est, cur ipsum quoque nummum huic principi credam. Sed cur octavus idem nummus est Jacobini? Dicam. Primo quidem ex eo indicari & Jacobum I. & Jacobum II. & Jacobum III. Deinde, mihi placere III. ex coniectura rursus alia. Inspice sequentes nummos tres. Hi pares alteri sunt, ac tantum distant, quod in his est F. Hæc certe Franciscum dat. Hic autem Jacobino proximus imperio, quin ex Cortusiis etiam confors, licet *sub eius custodia*. Leg. lib. X. cap. V. & lib. XI. cap. IX. Gaturi consentiunt. Ut ergo pares imperio, sic pares haberi possunt iis nummorum typis. Eaque ratio est ut ex ea F. Franciscum non secundum sed primum legam. Diximus etiam cap. VIII. nimios I. litteræ cinnnos ole-re non initium seculi quo Jacobus I. sed medium, quo reliqui duo. Sic dum meliora succurrant, hi quinque nummi positas tenebunt sedes. Tres ultimos adhuc enarro. Qui primus, eorum maximus; alter huic medius; huic tertius. Quid si denarium in primo, medium in secundo, quartam denarii partem in ultimo supputes? hæc rursus ex coniecturis. At mihi singula manibus oculisque volventi probabiles sunt. Ergo nongenti sexaginta numi, qualis undeci-

decimus est, libram vel parvulorum vel æreorum facerent. Nummi quatuor 8. 9. 10. 11. a Papafavio absunt. Octavi typos duos obtulit Arigonius, alterum cessit. Nono, decimo, atque undecimo dedit utendum Com. Franciscus de campo S. Petri. Nec silendum decimi typum haberi argenteum quoque apud Arigonium. Præterea nonus & apud Monsilicanos istos est; nec meminisse iuvabat.

Est in duodecimo ac decimo tertio FRANCISCUS D. CARARIA, seu FRANCISSCHUS D. CARARIA SEPTIMUS DUX PADUE. Franciscum I. certo teneas. Hic *heros septenus* est e Codice Papafavio. Et chartam vidimus antea *milles. trecentef. octuagesim. tercio. indict. sexta, die lune decimo nono decembris*. Ex qua *Franciscus idem de Carraria Heroum domus ipsius Carrariensis civitatis & districtus Padue septimus dominus & capitaneus generalis* est. Utriusque nummi faciem par implet imago. Quæ passim credita sphinx. Ea vir Ætiops, item Saracenus, item Maurus. Hunc I. Francisci conum galeamque novimus ex Papafavio, ex Gataris, atque ex *decreto principis eiusdem Francisci senioris anno mill. trec. septuag. sexto indictione quartadec. die iovis viges. nona mensis maj*; addito sigillo ad cimerium Saraceni, quod

110 DE RE NUMMARIA

quod superiore capite vidimus. Eæ litteræ quæ Maurisadiacent, FF. sunt, non A.A. vel RR. ut nostri putant. Horum nummorum typi fere sunt ærei. Sed & plumbeus apud Papafavium est. Argenteum quoque Muratorius indicat ex Valesio. Eum propterea grossum Patavinum dicas, unde nescio quid ex autographo Prataliensis archivj *mill. trec. sexag. nono ind. septima. die lune quinto mensis febr. Padue* — dando pro qualibet renovatione grossos duodecim in moneta usuali Paduana, & non aliud. Ad nummum qui 22. in tabulis. In eo Saracenum pariter habes, ac circum septenas F. At & senior Franciscus ex codice Papafavio conum Saraceni septem litteris F. ornat. Ei nummum propterea deputes. Alios eodem fere typo præ manibus habeo, quos aut quatuor F. aut etiam sex obtinent. Eos ipsi Francisco censeas. Ad das iis ex occasione nummum quoque 21. qui Maurum duabus F. medium tenet. Huic autem ferme pares, etsi non prorsus iidem sex alii sunt, ubi duæ similiter F. unicus ubi sunt RR. Hos omnes ab eodem principe ducas. Est quidem Saracenus & in secundi Francisci cono. Sed causa senioris hic potior est. Ac demum volui nummos omnes eodem symbolo factos in unum cogere. Nunc id restat.

PATAVINORUM. I. I

stat. Nummum quartum Saraceno pariter ac alii notatum dedimus Ubertino. Causa fuit, quod & is ex Papafavio *cornigerum* gerebat *Maurum*. Sed nondum red-dita ratio, cur Franciscum legeremus in iis, in hoc Ubertinum. Modo sic habe. Unus hic fere ex auricalco est, alii ex ære: nullas hic F. habet, alii semper habent: hic ornatum, velut eas in ambitu palmas, a ceteris alienum præfert: item currus alio prorsus opere est: denique alii & sibi similes invicem sunt, & simul omnes ab hoc differunt. Ea nos inter hunc atque alios distinguere monebant. Huc & 18. nummum traho. Quem rursus e moneta primi Francisci quam secundi malim. Causa cur malim pariter ex insignibus est. Insignia Patavinorum primo regnante sic erant anno MCCCLXXXVII. mense martio *Bandiera del comun de Padova, zoè la croce vermeia, & nelli quatro campi bianchi gera uno caro roso e una croce rosa*. Gatarus apud nos, & in editis pag. 579. Sed regnante secundo, Patavinorum vexilla sic erant anno MCCCCIV. mense augusto. *La gran bandiera del popolo ch' è la croce rossa in campo bianco, e per ciasculun quarto l' arma del carro*. Gatarus Tom. XVII. pag. 897. Consule nummum res acta est. Eum, velut omnes alios a Papafa-

PATAVINORUM. 113

DOZIMUS. *e valeva soldi doi l'uno*. Mox adiicit, confectis integro mense nummis, a Principe iussu die XIII. *de setembre, chel sose fata una chrida sul palazzo, & su tutte quatro le scbale, che li soldi Veniziani no se spendese piu che per diexe dinari luno*. Idque actum. Diu sudavi hic dum laudatos a Gataro nummos editis comparo. Nec, puto, profeci. Certus error est in die seu XVI. seu XIV. septembris. Et tamen omnes a me consulti codices eo recidunt. Et in aliis ex integro concordant. Eos apud Papafavium legi numero quinos aut etiam plures. Et apud Marchion. pariter e Papafabis, apud Comit. de Leonissa; denique geminos apud Guill. de campo S. Petri: præter hunc nostrum qui reliquis antiquior est; ac vulgatos. Et in Additamentis ad chronicon Cortusiorum Tom. XII. rer. Italicar. pag. 985. ad annum hunc MCCCLXXVIII. *dì X. del mese di setembre el gran Conte — venne a Pava con V. cento homeni d' arme; e menò con se tre carrette cargade de piastre d' argento*. Vides quot varient in hoc uno frustulo. Sed non ei fidendum præ Gataro.

CAPUT XII.

De Ducatis.

TRes ait numos anno MCCCLXXVIII. cufos ; argenteos duos , aureum . Vide, si non ii tres uno continentur autographo quod est Marci de Guarnerinis; hoc autem in publicis tabulariis. *Die martis XXVIII. octobris 1398. Padue. Baldus de Bonafariis accepit in ducatis auri carrarinis argenti & carraresiis libras octuaginta denariorum. Damus in tabulis & nos aureum num. 14. cujus a Papafavio typos tres, alium a Comit. Ant. de Capite vaccaz. Sed hic obstant duo. Primum quod a Gataro laudatus habuit Protector Padue; noster habet civitas Padua. Deinde quod ille medio ducatu par erat ; noster integro ducatu sive zecchino par est; idque trutina probat. Utraque difficultas eludi potest. Quoad primam. Semper in hisce nummis est civitas Padua velut in primo secundo septimo nonodecimo vigesimo atque aliis. Ergo sic haberi potuit in nummo qui laudatur a Gataro. Sed hic, inlato nomine Sancti Prosdocimi, statim posuerit protector Padue, consuetudine quadam qua Sanctus Prosdocimus protector Padue*

PATAVINORUM. 115

due in ore Patavinorum est. Sic mutari potuit inscriptio. Quoad secundam. Fieri potuit ut quo tempore cudebantur alii medio ducatu pares, cuderentur & isti numero pauciores modulo maiores; idque velut ad pompam decusque monetæ. Quibus positis ipse numus in annum hunc 1378. ferri potest. Adde ex authentico Bradiolorum *mill. trec. octuages. septimo inditione decima die mercurii penultimo mensis ianuarii Padue. Pro precio ducatorum quinquaginta boni auri & iusti ponderis, & librarum trecentarum & vigintiquinque monete argenteæ Paduane. Si, ut argentea, sic aurea quoque Paduana est, habemus hic monetæ Patavinæ ducatus, hoc est, nummum hunc quartumdecimum. Melius etiam ex codice Marci de Guarnerinis MCCCLXXXVII. ind. X. die sabbati XXVI. ianuarii Padue. Precio librarum mille parvorum quos recepit — medietatem in ducatis auri boni & iusti ponderis, & medietatem in carrarinis argenti. Quod certum, Patavini vel anno MCCCLXXXVIII. numos aureos excuderant. Id factum libertate temporum, qua sibi principes ac populi fas esse putabant, ut aurum quoque suis ipsi monetis inveharent. Exculptam inde pecuniam alii alio titulo nuncupabant. Extremis autem barbariæ seculis invexere florenos, adhibuere*

116 DE RE NUMMARIA

ducatos. Florenos a lilio Florentinorum, ducatos ab Duce Venetiarum. Non quod hæ tantum monetæ numos huiusmodi facerent; sed hæc erat appellatio frequens, & ad populi genium. Benvenutus etiam de Imola in commentariis suis ad Dantem vulgatus a Muratorio Tom. I. antiquitat. pag. 1134. dum probare vult omnem esse pecuniam signo peculiari notandam, præfert harum tantummodo civitatum monetæ; *sicut*, inquit, *Baptista sculpitur inflorenno Florentinorum, & Sanctus Marcus in ducatu Venetorum*. Quæ reliquis fama præstabant, eas maxime celebrat. Aliorum vero locorum florenos, item ducatus ii memoravere, qui de utrisque commenti sunt; aliosque narrare poterant. Habes apud Muratorium quoque Tom. II. pag. 762. *florenum sive ducatum* notis his additis

R. DĪ. G. P. AVRA. De quo quis, inquit Muratorius, *hic princeps? Suspicio tamen pertinere posse ad aliquem ex principibus Arausionensibus*. Nam *Arausio* seculis barbaricis appellata fuit civitas *Aurafica* nunc indigenis *Aurange*, & Gallis *Oranges*. Adde & *Orengia* seu gallica pronuntiatione *ma-vis Orangiam*. De cuius aut ducatis aut florenis hæc apud nos extant ex allato codice Marci de Guarnerinis. *Notum sit quod ego*

PATAVINORUM. 117

ego *Amedeus de Cheynay* miles tradidi *Francisco de Curte* quandam corrigiam doratam argenti, & certam summam cutellarum & cuparum argenti, quas mutuavi a *Petro Gerlex. tesaurario domini Comitis Sabaudie* — Item tradidi sibi quatuor viginti (scilicet octuaginta) francos auri. Item quinquaginta florenos boni auri de *Orengia*. Nunc florenos AVR Angiæ certo tenes : & ille prænotatus R. littera Princeps, unus e Raymundis est Aurasicæ quondam dominatis, ut idem Muratorius adnotat. Ac floreni nomen inaudiit anno primum MCCLII. quod *Ricordanus* habet ; *menſe novembri*, quod *Villanius* adſtruit ; eratque precio viginti ſolidis ; octo ex iis unciam auri dabant. Tom. VIII. ac XIII. rer. Italicar. valuitque apud Venetos anno MCCLXXXIII. circiter octodecim groſſos, ex documento quod *Carlius* exhibet in exercitatione ſua de numis Aquileienſium, Tom. XXV. *Caloierianæ* collectionis. Ita enim habet. *Tempore ſereniſſimi ducis D. Jobannis Dandulo MCCLXXXIII. die ultima octobris capta fuit pars, quod debeat laborari moneta auri communis videlicet 67. pro marcha auri; tam bona & fina per aurum vel melior, ut florenus; accipiendo aurum pro illo pretio quod poſſit dari moneta per decem & octo groſſos.* Hæc auſpicia Venetæ monetæ cui iam

118 DE RE NUMMARIA

ducato nunc zecchino nomen est. Ex eo documento compertum est etiam Venetos ducatos æstimari grossos octodecim; grossos inquam Venetos quibus ab anno MCCXC. ad MCCC.XVIII. duos adstruximus ac triginta denarios. At eodem MCCXC. nonnihil auctum erat floreni precium, scilicet septem denariis, ac fortasse plus ex autographo Canoniorum *mill. ducent. nonag. indictione tertia die sabati quarto intrante februario Padue*—Rainucius accepit a Bernardo præfule Patavino trecentos florenos auri computato unoquoque floreno grossis decem & octo Venetis & denariis septem parvorum. Ex quo ducatus etiam Veneti precium æstimes aliquanto scilicet plus iisdem florenis.

Inde si ferimur in hæc tempora quæ Patavinis etiam florenis aut ducatis accommodata sunt, erit evidens anno MCCCLXXXVIII. sic & florenos & ducatus æstimari solitos, ut in assignandis rerum preciiis æquo censerentur exagio. Constat ex Chronico Placentino quod Muratorius edidit Italicor. Tom. XVI. pag. 579. & Tom. II. antiquitat. pag. 318. *Nunc*, inquit Chronici auctor, h. e. MCCCLXXXVIII. *sunt per homines & dominas Placentie sumptuosissima expensæ in victu & vestitu* — Qui drappi de

PATAVINORUM. 119

de grana vel de veluto vel de auro vel de aurato vel de serico constant pro uno Cabano vel barilloto vel pellarda a florenis XXV. auri usque in florenos sive ducatos LX. auri. Notat id etiam Victorius; ac non sine stomacho. Florenus, inquit, quandoque ducatus & scutum similiter nuncupatur. Inscite, ut assolet. Etenim pondus alterius ab altero valde discrepat. Apud Muratorium Tomo II. antiquit. pag. 694. Certe discrepabat apud Aquileienses. Id enim colligitur ex diariis Ambrosii de Turre Canonici Aquileiensis & Antonii Patriarchæ ab ærario; de quibus apud Carlium pag. 125. 127. 132. 141. Nam de florenis hæc habet anno forte MCCCXCIX. *Recepit florenos viginti unum in ratione LXIII. denariorum pro quolibet.* Hæc autem de ducatis. *Recepit, inquit, ducatos quinquaginta in ratione LXIII. denariorum pro quolibet.* Uno denario floreni distabant a ducatis. At aquileiense denario. Quod etiam adnotes. Aquileiensem quippe denarii non iidem Patavinis. Habe ex Fontanino de Masnatis eas litterulas, quas Nobili viro domino Jobanni de Rabatta honorabili capitaneo Goritiæ inscripsit Zenobius monetarius. *Noveritis, inquit, dominum meum dominum Antonium Patriarcham Aquileiensem modo noviter mutasse monetam videlicet singulum*

120 DE RE NUMMARIA

*denarium pro quattuordecim parvulis, & solidum pro duodecim parvulis. Datum Uti-
ni. 14. aprilis indiſt. 7.; quod eſt anno
MCCCLXXXIX. Nam toto eo ſeculo
Patriarcharum numos habuiſſe quattuor-
decim parvulos audiebam recitante Ber-
nardo de Rubeis. Ipſe novum opus in has
Aquileienſium monetas apparat. Et hoc
erat in eruditorum votis. Nam paucos
eo criterio doſtrinaque ſcriptores habemus
Itali. Nunc Aquileios iunge Patavinis,
erit evidens hic etiam diſtare florenos
a ducatis. Eſt in publicis ſcriniis
autographum Zilii de Calvis anno milleſi-
mo trec. octuageſimo octavo. indiſt. undeci-
ma. die dominico vigefimoquinto menſis octobris
Padue in Cancellaria Magnifici — Turchettus
dixit ſibi bene ſolutum a magiſtro Jacobo de du-
catis nonaginta auri & ſold. LX. parvorum
in quibus tenebatur eidem Turchetto pro
parte unius debiti, ſeu depoſito; in quo ma-
giſter Viſtor &c. erant obligati in libris ſex-
centis ſexaginta duabus ſoldis decem parvo-
rum, quas in ducatis auri eidem reſtituere
tenebantur ad rationem librarum trium ſol-
dorum tredecim pro quoque ducato, prout
in inſtrumento depoſiti ſuper inde conſecto
milleſimo trecentefimo octuageſimo ſeptimo die
veneris XIII. menſis iunii plenius continetur.
Hic ducatus apud nos exhibet ſol-
dos*

PATAVINORUM. 121

dos septuaginta tres. Et florenus Aquileiæ dederat denarios sexaginta tres. Ii solidi reddebant parvulos octingentos septuaginta sex; hi denarii conficiebant parvulos octingentos septuaginta duos. Ergo florenus a ducato sex distabat parvulis. h. e. maior erat ducato parvulis sex. Sed calculus hic mirum quas habeat salebras. Nam nec certum est Aquileiensium parvulos idem fuisse Patavinis. Deinde certum est anno MCCCCLXXXIX. Patavinorum ducatos alio fuisse precio, quam tribus & septuaginta solidis. Ex uno codice Marci de Guarnerinis aperta res erit. pag. 88. „ Die lune primo iulii
 „ 1398. Recepi per manus Florii de Bre-
 „ thenorio socii mei de massaria seu the-
 „ sauraria Lodoici a paghis & Ripran-
 „ dini a caligis ducatos duos auri in au-
 „ ro in ratione librarum-III. solidor. X.
 „ pro quoque, & solidos decem in carra-
 „ resis pro solutione paghe mee januarii
 „ proxime preteriti“. Deinde pag. 137.
 „ Die martis XIII. octobris 1399. indict.
 „ VII. Padue in curtivo curie magnifici
 „ Domini Padue. Pro precio ducatorum
 „ tercentorum auri quod precium & quos
 „ ducatos &c. Et dixerunt valere dictos
 „ ducatos in ratione librar. III. solidor.
 „ X. parvorum pro quoque ducato“. Tum
 pag.

122 DE RE NUMMARIA

pagin. 168. „ MCCCC. indiēt. VIII. die
 „ martis VI. iulii . Hic ad bancum can-
 „ cellarie . Precio librarum centum & qua-
 „ draginta parvorum quos vir nob. Johan-
 „ nes Henricus quondam Palamidexii de
 „ Vitalianis habuit in ducatis auri in au-
 „ ro in ratione lib. III. sol. VIII. pro
 „ quoque ducato, & libras III. sol. XII.
 „ parvorum in moneta “. Sequitur ordi-
 ne temporum „ Die sabbati primo ianua-
 „ rii MCCCC. primo ind. nona Padue .
 „ nobiles viri &c. confessi fuerunt accepif-
 „ se in dotem ducatos ducentos septuagin-
 „ ta auri in auro boni & iusti ponderis in
 „ ratione librar. III. solidor. X. pro quo-
 „ que ducato “. Mox pag. 185. „ Die do-
 „ minico primo mai indiēt. nona . Padue
 „ in camera stipendiarie magnifici domi-
 „ ni. Jacobus Lanarius accepit in depofi-
 „ to & salvamento ducatos sexaginta no-
 „ vem auri in auro boni & iusti ponderis
 „ in ratione librarum quatuor solid. XII.
 „ pro quoque ducato „ . Sic ergo pretia
 ducatum apud nos erant, unde nihil ad
 Aquileiensium calculos. Alia deinde du-
 catuum comparatio nobis est ad *marbifanos*
 solidos. Exhibet *marbifanos* & Cangius ad
 vocem *marca*, pariter ad vocem *marbifani*;
 sed alii erant a nostris. Hi cude-
 bantur apud Ferrariam in moneta Mar-
 chio-

chionum ; de quibus ex autographo ad D.
 Antonium. „ Mill. trec. nonages. quinto
 „ indict. tertia. Venetiis. Guillelmus de
 „ castro Barco fecit suum procuratorem
 „ ad exigendum a Jacobo de Padua libras
 „ septuaginta quatuor & solidos quinque
 „ marchiaforum monete Ferrariensis “. .
 Ergo Patavini sic exigebant ducatos suos
 ad marchisanos numos ex publicis scriniis
 „ milles. trecentesimo nonages. quarto in-
 „ dict. secunda die lune vigesimo nono
 „ mensis iunii. Padue in palatiis “. . Prin-
 cipes Atheftini debebant Carrariensi „ sum-
 „ mam ducatorum viginti trium millium
 „ quadringentorum triginta octo auri &
 „ soldorum viginti sex marchefanorum “. .
 Solverunt autem „ ducatos quatuor mil-
 „ lia sexcentos octuaginta septem auri &
 „ foldos viginti septem marchefanos &
 „ denarios octo & quintos duos unius
 „ denarii ad rationem solidorum triginta
 „ septem cum dimidio marchefanorum
 „ pro ducato “. . Factum id aiunt „ pro
 „ quinta parte totius superscripte summe
 „ ducatorum viginti trium millium qua-
 „ dringentorum triginta octo auri & so-
 „ lidorum viginti sex marchefanorum “. .
 Vidisti *quintos duos unius denarii*. Quos
 si non mente sed manu tractabant , ha-
 bes alias libræ denariorum sectiones mil-
 le .

le ducentas. Nam dictionis series eos ex parvulis esse docet. Sed modo nos tenet observatio *solidorum triginta septem cum dimidio marchefanorum pro ducato*. Cum tamen non liqueat de vero marchisanorum precio, nec ipsa ducatorum cum iis comparatio quidquam est. At eos rursus cum aliis conferre possumus ex tabulario castri de Alto quod est in Tridentinis montibus apud Telvum sub episcopatu Feltriæ . *mill. tricent. LXXXVII. indictione quinta die veneris XXI. mensis septembris. Ego presbiter Henselmus gratis mutuari Antonio dicto del Catelag de Telvo VII. ducatus auri scilicet V. ducatos in auro, & reliquos duos in moneta scilicet XXXVIII. grossos pro singulo ducato*. Ducatus ergo tricenis erat ac novem grossis. At horum quoque grossorum supputatio abdita est. Ac proinde nihil ex iis ad ipsos ducatos. Ea quidem notula est ex autographis Henselmi libellis. Eos autem totumque chartarium, præterea bibliothecæ codices, aliasque benevolentia dedit notas Eva Rosa *Baronissa vidua de Buffa nata Comitissa de Wicka domina castri Alti montisque Lilii atque Haidem &c.* præter hos aliis auctior ingenii morumque titulis. Hæc porro nos ex ineditis hæc ex finitimis in exemplum deduximus, ut certum sit huiusmodi ducatum supputationes

PATAVINORUM. 125

nes esse penitus incertas. Alia petas ex aliis. Id tamen attendens, quot monetæ sunt fere tot esse nummorum leges. Extrema Carrariensium re marcha quæ dicitur auri valebat octo ducatos: ut ex Polentono notabam „ millesimo quatricentesimo quinto indict. terciadec. die martis vigesimo mensis octobris Padue in „ aula excelsi domini Padue infrascripti „ ad officium factorie sue. Pro satisfatione & solutione dictarum quinquaginta & dimidie marcarum in ratione „ ducatorum octo auri pro quaque marca „ dedit „ & cetera; quæ scilicet e Xichonis autographo deprompta sunt.



CAPUT XIII.

De carraresiis, carravinis, aliis.

Sicco Polentonus haud vulgare nomen in litteris. Et ipse laudatores habet domi Scardeonium, Portenarium, Thomasinum, Pignorium, Ursatum, Papadopolum; foris Vossium, Morhofium, Rehnardum, lexicographos Lipsienses, alios; adde Muratorium. Præterea Kappius homo Germanus apud Lipsiam professor eloquen-

quentiæ scripsit anno MDCCXXXIII. dissertationem . *De Xiccone Polentono Cancellario Patavino historiæ litterariæ in Italia instauratore grandibus utique titulis.* In eam contulit & eorum curas qui de Siccone præscripserant, & addidit multa de suo : daturus & alia, si propius arcanas Patavinorum memorias inviseret. ex. gr. Kappius ortum Sicconis & domicilium sic enarrabat. Ortum pag. 8. verbis iis anno MCCCCV. *Xicco instrumentum notarius confecit ; quem titulum cum vix ante duodevicesimum aut vicesimum annum obtinuerit, necesse est ut eius nativitas in seculum XIII. vergens inciderit.* domicilium iis quoque verbis : *Habitavit Patavii apud pontem molinum, quam domum olim Albertinus Mussatus possederat, lege &c.* Sed nobis ea duo sic constant ex ipso Sicconis autographo quod est in publicis tabulariis hoc modo.

„ Primus liber magnus autenticus in
 „ quo ego Xicho natus Ser Bartholamei
 „ dicti Polentoni de Riciis de Levico ci-
 „ vis habitans Padue publicus imperiali
 „ auctoritate notarius descripsi & de ver-
 „ bo ad verbum in authentica & plena
 „ forma registravi & manu mea scripsi
 „ contractus pacta conventiones seu in-
 „ strumenta, de quibus fui & sum rogatus
 „ per partes millesimis indictionibus locis
 „ &

„ & testibus in eis late contentis & decla-
 „ ratis inchoando in millesimo trecentesi-
 „ mo nonagesimo sexto indictione quarta „
 Stat hoc loco signum Sicconis eiusdem
 notarii; mox eadem manu „ MCCCXCVI.
 „ habitavi cum patre meo Padue in castro
 „ in contrata serafinesche in centenario S.
 „ Egidii, & quarterio turrifellarum; quo
 „ anno rogatus primum confeci instru-
 „ mentum. MCCCXCVII. die primo sep-
 „ tembris recessi de contrata serafinesche
 „ & ivi habitare in contrata Sancti Pros-
 „ docimi centenario & quarterio Domi.
 „ MCCCLXXXVIII. die primo septem-
 „ bris recessi de contrata S. Prosdocimi &
 „ ivi habitare in contrata burgi novi Pa-
 „ triarchatus. MCCCC. die lune V. aprilis
 „ recessi de dicta contrata, & ivi habitare
 „ in contrata Capeelorum centenario ruthe-
 „ ne, quarterio turricellarum. MCCCCI.
 „ die XVI. martii recessi de dicta contra-
 „ ta, & ivi habitare in contrata S. Petri
 „ centenario & quarterio domi. MCCCCI.
 „ die vigesimo octavo septembris, recessi
 „ de dicta contrata, & ivi habitare in con-
 „ trata Concariole centenario & quarte-
 „ rio domi. MCCCCIV. die septima octo-
 „ bris recessi de dicta contrata & ivi ha-
 „ bitare in contrata S. Firmi, centenario
 „ eiusdem & quarterio pontis molendino-
 rum.

128 DE RE NUMMARIA

„ rum. MCCCXVI. die VI. octobris re-
 „ cessi de dicta contrata ; & ivi habitare
 „ in quarterio pontis molendinorum , in
 „ centenario & contrata S. Leonardi „.

Hic ea tandem Sicconis ædes unde apud Kappium. Plura de Polentono non addam, de quo vel isthæc nimia iam fuerint. At inspecto viri Chirographo, stylus in ea sponte delapsus est, dum miror hæc intacta nostris, qui passim de Polentono scripturiunt. Eum scilicet aulæ Patavinæ cancellarium prædicant. Ergo facile erat eiusex ipso palatio scripta reposcere. Sed ista non amant. Incerta temporum, falsa nominum, sribiligines ambages & apochryphorum quisquilias hæc in deliciis habent. His auspiciis hucusque tentata est apud nos ea historiæ pars, quæ est de literatis ac litteris. Age iam de numis. Post aureos quos vocat medios ducatos, ait Gatarus eo pariter anno percussos argenteos, id est Carraresios & Carrarinos. Addit Carraresios ab una parte prætulisse currum cum litteris *Franciscus de Chavarria*, ab alia Sanctum Danielem; valuisse solidos quatuor. At in nostris quoque tabulis numero decimoquinto numus est iisdem litteris ac signis. Eritne carraresius? Huic duplo minor est ille numero decimo septimo, cui currus ab una facie

facie cum nota *Francisci de Carraria*; D. Prosdocimus ab alia, cum titulo S. *Prosdocimus*. Hoc typo Gatarus ait fuisse carrarinos. Ergone carrarinus & hic apud nos, idemque solidos valebat duos? At in tabulis etiam numero sextodecimo numus habet currum ac *Francisci de Carraria*, divumque Danielem ac *Sanctus Daniel*. Hic & decimo septimo fere par est, & plus duplo minor est decimo quinto. Hiccine potius e carraresiis a Gataro notatis? Nam duplo minor huic est ille numero nonodecimo, cui currus ac *Francisci de Carraria*; cui crux ac *Clvitas Padua*. Non hic quidem, sed alius forte præter hunc erat eodem pondere, qui typum titulumque ferret S. *Prosdocimi* qualem Gatarus adnotat; ut hic carrarinus, alius esset numero sextodecimo carraresius; hic quatuor, ille solidis binis. Adde quod septimi decimi typus alicubi varius est. Noster hic litterulam *p* tenet ad episcopi levam, tenet ad currum *F.* atque *I.* Sed alius ad dexteram *p*, ad currum geminas *F.F.* Ad præfulem rursus in alio, & dexteram urget, *F.* atque *I.* currum; in alio, & levam, currumque *F.* atque *F.* In alio stat ad antistitem *N.* atque *I.* Stat in alio *B. Z.* nec idem pondus omnium est a maximo ad minimum plus *gravis* duobus distant. Qui minimus est omni-

130 DE RE NUMMARIA

no sextodecimo par; & ipse *caratis* est quatuor. Ergo quis hoc mense quis alio constitit? Auget dubium libellus apud Papafavium. *Recepi pagas meas mensis ianuarii proxime præteriti de milles. trecent. octuages. octavo indict. undecima die vigesimo februarii presentis de massaria domini Bonifacii Fantelli in quattrinis. Recepi pagam meam mensis februarii proxime præteriti pro soldis duo carraresium, quam non potui expendere nisi pro soldo uno, secundum formam cride eius facte in Kalendis martii presentis. Recepi pagam meam mensis iunii presentis de massaria Andree de Bazaleriis per manus dicti Bettini in quattrinis & carraresiis. Hic quattrinos distinguit a carraresiis. At hi quoque solidi erant quatuor. Et carraresios uno solidi dicit expensos. Id vero difficiliter adhuc, nisi mendum sit in apographo. Non est autem vel ex trutina vel aliis ex calculis emergendi spes. Mutatio monetarum, quæ tunc quoque solemniserat, omnem supputandi rationem fugit. Expende Cangium in voce *marca*, rursus in voce *moneta*, certus eris has res nullo iudicio, tantum libidine principum actas. In his autem coniectationibus argenteos hos aureosque numos Francisco Seniori tantum probabiliter adstruas. Et hoc satis est. At in decimonono coniecturæ nos ipsæ deficiunt; & in*

& in vigesimo. Eum sumptimus ex Muratorio, dehinc ex æreis apud Lazaram laminis. Adde nunc ex libello, quem noscere licet, dum operæ librariæ locum prorsus hunc tenent. Editum credas ante quinquaginta plus annos; habetque Sigillorum Numorum Numismatum medii, quæ vocant, ævi plus centum ac viginti species. Scatet autem Patavinis numis omnium fere modorum, quos heic vides. Et, si licet, eos Mediolanensium typis, quos Muratorius adhibuit, admodum præferas. At nos minime nostrorum pœnitet. Operis exemplar Apostolo Zeno perlatum recens. Ipse mihi reservabat humanitate quidem sua, quæ Viri famæ atque eruditioni par est. Nec de numo vigesimo tertio quidquam constat. Putetur ex iis de quibus apud Gatarum pag. 891. MCCCCIV. 23. iunii. *Questi sono mille ducati tutti d'oro, i quali io bramo piuttosto spendere, che voi vilmente un bezzo del vostro doniate a costoro.* Quod enim un bezzo nobis, huic fere æquum est. Adde quartum ac vice-simum. Pars una currus est, altera scutum quod ævo putruit. Eum, quod e plumbo est, alii sigillum putabant. Sed ibi nulla tubuli signa quem Chordulæ traicerent. Alii formam cudendis inde numis. Sed & hoc anceps. Quod si fuit sigillum, fuit

132 DE RE NUMMARIA

etiam forma numorum. Hinc iam cap. X. dictum est. Denique de vigesimo quinto. Pars una currus est, altera lilium. Quæ ratio lilium prætenderit, id quoque latet. Plura quidem huc congefferam, sed nihil supra coniecturas. Eas deinde reiecare placuit. Alium præterea vidi penes Alexandrum fratresque Papafabas, sed plumbeum, sed exactis iam tabulis: in quibus proinde locum non habet. Nec tanti est, nec ei tabulis opus est. Habet discum prorsus eundem quinto, caretque quolibet ornatu. Tantum una pars effert currum vigesimo tertio similem; temone recurvo, sed qualis in duodecimo est. Altera pars exhibet N. specie qualis in quintodecimo est ad lævam martyris; at spatio totam occupat aream. Si ex littera N. Nicolaum de Carraria cogitas, ipse MCCCXXVI. die II. iulii societatem fecit cum domino Cane contra Paduam, inquiunt Cortusii lib. III. cap. 12. facinorosorum vero coegit exercitum, tenuitque plus quatuordecim menses. Eo spatio monetam licet illegitimam facere potuit, ut de suo numos ederet. At hic ex plumbo est. Ita quidem tumultuario eius imperio congruens. Adde curvum plaustrum temonem, de quo Vergorius in Nicolao pag. 141. rer. Italicarum Tom. XVI. *primus hic curvo temone pingi*

CUR-

PATAVINORUM. 133

currum inter arma iussit, cum civili bello a suis maxime gentilibus diffidens infesta patriæ arma inferebat; unde signa discerni Carrariensium possent. Si nec satis ista sunt, non insto; nam nec mihi satisfaciunt. Quod si nummum hunc Nicolai crederem, pluris haberem; quippe qui Carrariensium reliquos anteverteret.

Addam quoque quod erit integrum cui-libet opinari. Francisco seniori filius extitit ex contubernio nomine Comes. Hic ille Comes de Carraria cujus egregie factis Italia omnis insonuit. ipse supererat exitio Carrariensium, stetitque vel anno MCCCCXX. De quo Cribellius in *vita Sfortiæ* Tom. XIX. rer. Italicar. pag. 707. *Per eam, inquit, byemem Comes Carrariensis sub spem ducendi in biberna militis sui ad oppidum Esculum in Picenis, quod ipsius juris erat, intra paucos dies febris correptus vita deseritur. At initio insequentis anni qui fuit primus supra mille quadringentos & viginti &c.* Constat Asculum urbem Comitatus imperio subditam. Quid si is illic mone-tam iure principatus instituit? Nam suos & Asculum numos habuit; horumque non-nullos apud Muratorium tenes. Mitto quippe diplomata Cæsarum Conradi MXXXVII. Henrici MLVI. Lotharii MCXXXVII. Fe-

derici MCLXXXV. quibus Asculano præfili *cadere monetam* fas erat. Ea recitat Andreantonellus Hist. Asculanæ pag. 237. ac reliquis. At nostris habemus in tabulis eos numos 23. 24. 25. numero positos, in quibus insigne Carrariensium currus est, at nomen ac titulus abest. Alios eodem signo proferet ætas aut nota principis, aut litterarum subsidio vacuos. Hinc si quis hos horumve similes ex Asculana Carrigerorum moneta velit; id & facile asseras, & facile neges, & alterutrum difficile probes. Ipse Comes de Carraria filios habuit duos Obitium, atque Arditionem. Sic enim Gatarus anno MCCCCV. mense aprili. *Francesco Patavinorum princeps mandò i suoi figliuoli a Fiorenza.* Nomen iis *Ubertino* ac *Marsilio*. Sequuntur *Obizo & Arditione figliuoli di mess. Conte da Carrara fratello naturale del Signore.* Autographam Opitionis epistolam habui dum viveret a Papafavio. Fert adhuc currum quo sigillo obsignata fuerat. Extra sic habet.

„ Magnificis & excelsis dominis Gubernatoribus communis & Capitaneo populi Civitatis Senarum honorabilibus patribus carissimis &c. „

Series intra sic erat.

„ Magnifici & potentes domini honoratissimi patres carissimi. recepimus vestras

„ stras graciosissimas litteras, ymo satis &
 „ non modice, e quibus vere colegimus,
 „ ut ad vestri communis magnifici com-
 „ placentiam, quemdam Jacobum Nannis
 „ de Sartiano vobis subditum, pro quibus-
 „ dam excessibus apud pretorium nostrum
 „ nexum, a suis eidem debite infligendis
 „ penis ex toto liberum redderemus. Et li-
 „ cet sui crimina & defectus penas exi-
 „ gant corporales, sicut nostre huius civi-
 „ tatis sancitum legibus aperte comperi-
 „ mus. Attamen nos leta mente & animo
 „ liberali, eundem reum ad complacen-
 „ ciam antedictam proprie reddimus li-
 „ bertati; eumque fecimus liberum a car-
 „ ceribus: ab eodem legalibus sedatis pe-
 „ nis & amotis. Et ad mayora subdito-
 „ rum vestrorum circa favores & gratias
 „ liberalles leto affectu vestra magnifica
 „ dominatio indubie promptos reperiet.
 „ Datum Esculi die VII. aprelis. III. in-
 „ dictionis. Obizo de Carraria Esculi &c.,
 „ Patri filius in principatu successerat, an-
 „ noque MCCCCXXVI. velut indictio est,
 „ adhuc Esculo in urbe clavum tenebat.
 „ Hoc quidem capite videor unus ex iis,
 „ qui quod in *Catilinar.* Crispus ait, *omni-*
 „ *bus modis pecuniam trahunt vexant.* Sed hæc
 „ argumenti series. Alia, quæ hic restant,
 „ explicatiora sunt. Ad primum certe Fran-

136 DE RE NUMMARIA

cilium spectat hoc e grammatophylacio
 castride Alto, „ milles. tricentessimo octua-
 „ gessim primo indict. quarta; die saba-
 „ ti XXIII. mensis augusti. In villa Tran-
 „ ceni“, quæ Teluo subest. „ Itaque nobilis
 „ vir dominus Franciscus quondam nob.
 „ viri domini Guilielmi de castro Alto
 „ investivit Ser Ancium de Roncegno de
 „ una sua pecia terre posita in regula Te-
 „ lui. solvendo dictus Ser. Ancius in festo
 „ S. Michaelis triginta duos solidos dena-
 „ riorum parvorum monete Paduane no-
 „ mine fictus perpetui“. Quod autogra-
 „ phum est. ut hoc etiam „ millesimo tre-
 „ centesimo LXXXIII. indictione VII.
 „ die Veneris XII. mensis februarii. In
 „ Teluo. Ibique Artonius. (&c.) vendidit
 „ unam suam peciam terre prative. iacet in
 „ regula Telui, in ipsa fundamentum unius
 „ felogni constructum in loco cui dicitur
 „ ad Ceium — pro precio & foro decem
 „ & octo librarum denariorum parvorum
 „ Paduane monete. Quod precium “ &c.
 Hæc indicio sunt Patavinorum nummos
 in Valsuganam quoque transductos; for-
 te cum Carrarienses iis insedere locis,
 unde post paulo cesserunt. Johannes
 Galeaz Mediolanensium princeps anno
 MCCCCLXXXVIII. mense novembri Car-
 rarienses submovit, ipse Patavium tenuit,
 ho-

PATAVINORUM. 137

honorem monetæ Patavinæ servavit ex
authenti. o Bradiolorum millesimo trecente-
simo octuagesimo nono. indictione duodecima,
die iovis ultimo mensis septembris. Padue in
communi palatio — Pro precio librarum sexa-
ginta parvorum bonæ & utilis monete Pa-
duane quod &c. Patavina. es annum septem-
que menses eo Domino stetit.



CAPUT XIII.

*De loco Præfæctisque monetæ. De numis-
mat: Francisci II.*

SEd antea dicendum erat de loco mo-
netæ. Nam plures adhuc Patavii fe-
runtur ædes, in quibus olim pecunia fie-
ret. Princeps earum notio est e tabulario
Papafavorum „ MCC octuagesimo nono.
„ indiēt. secunda. die XI. exeunte iunio. Pa-
„ due in contrata S. Martini in domo in-
„ frascriptorum dominorum Petri comitis,
„ Albertini, Marsilii, ac Bonifacii filio-
„ rum quondam domini Jacobini dicti Pa-
„ papave “ &c. Papafavii fratres bona sua
dividunt. In partem Marsilii cessit. „ In
„ primis una domus de muro. iacet in Pa-
„ dua in contrata S. Martini, que dicitur
„ do-

„ domus monete. cui coheret ab uno ca-
 „ pite & uno latere via communis. ab uno
 „ capite dominus Anthonius de capite va-
 „ ce “. Hæc e membranaceo codice, cui
 titulus est „ Liber Alberti notarii “ pag.
 47. Codex ipse primigenius est. Adde rur-
 sus ibidem : „ M. II. nonagesimo V. indi-
 „ ctione VIII. die XVI. intrante madio.
 „ Padue in contrata S. Martini — Domi-
 „ nus Marsilius prefato domino Petro co-
 „ miti — vendidit, ipsumque iure proprii
 „ investivit de uno sedimine cum domo
 „ murata, cupis cohopena superhedifica-
 „ ta, que domus appellatur domus mone-
 „ te. iacet in Padua in contrata S. Marti-
 „ ni. cui coheret ab uno capite versus
 „ mane dominus Anthonius de capite va-
 „ ce “. Verba si spectes, ea non erat do-
 mus monetæ, sed vocabatur; hoc est, opi-
 ficio in aliam translato, nomen adhuc te-
 nebat. „ Eodem “ vero „ die dictus do-
 „ minus Petrus — possessionem appren-
 „ didit unius sediminis cum domo murata
 „ cupis cohopena que dicitur domus mo-
 „ nete. iacet in contrata S. Martini “. .
 Pariter habet titulum, licet non rem.
 Quod maxime constat ex ipso Codice pag.
 48. „ M. II. nonagesimo septimo indictione
 „ X. die penultimo setenbris. Padue in
 „ contrata S. Martini in domo que dicitur
 „ do-

„ domus monete, que est domini Viviani
 „ de Castro novo“. Ea ergo iam in usum
 inquilinorum cesserat. Ex alio autem Co-
 dice qui pariter autographus est æque mem-
 branaceus atque in eodem tabulario, fa-
 ctus anno „ milesimo trecentesimo sexa-
 „ gessimo quarto indictione secunda die
 „ lune octavo mense novembris“ hæc habet.
 „ Infra scripta sunt caxamenta ultrascripti
 „ domini Albertini in contrata S. Mar-
 „ tini“. Reliquis missis hæc scribo. „ Item
 „ una domus in predicta contrata, in qua
 „ habitabat Campagna, & nunc habitat
 „ dictus dominus Albertinus. Coheret ab
 „ una parte via communis a duabus domi-
 „ nus Albertinus: & ab una parte mastel-
 „ larias S. Canziani; ab alia Joh. mona-
 „ rius. Blaxinus Lanarius de Florentia
 „ tenet unam domum ad affictum in pre-
 „ dicta contrata a dicto domino Alberti-
 „ no. Coheret ab una parte Fruxerinus
 „ de Capite vace, a duabus partibus di-
 „ ctus Dominus, ab alia parte via com-
 „ munis. Blaxius predictus tenet unam
 „ alliam domum in dicta contrata a dicto
 „ domino Albertino. Coheret ab una par-
 „ te dominus Fruzerinus antedictus, ab
 „ alia parte mastelarii S. Canciani, ab al-
 „ lia via communis, ab alia dictus domi-
 „ nus Albertinus „. Hic eadem sunt do-
 mus,

140 DE RE NUMMARIA

mus, iidemque confines; at monetæ nulla mentio, forte quod longa defuetudine ministerii nomen ipsum recesserat. Sed ex archetypis eiusdem chartarii tabulis anno „ millesimo quadringentesimo quinto, in „ diſtione tertiadecima, die vigesimo se- „ primo mensis novembris “ institutum est „ Inventarium de bonis “ Papafabarum. No- tantur „ in primis duo palatia cuppata mu- „ rata & sollerata cum curtilli & putheo „ posita in civitate Padue in contrata S. „ Martini iuxta hos confines, videlicet „ iuxta vias publicas, iuxta domum a ze- „ cha, & iuxta mastellarios „. En ite- rum monetaria domus, at nova phrasi. Prius habebas domum quæ dicitur domus monetæ, nunc domum a moneta, vel a ze- cha, quod idem est. Huc fortasse postre- mi Carrariensium principes opificium, seu, quod aiebant, *artem* revocaverant. Age rursus ex authenticis eiusdem Papafavii *millesimo trecentesimo nonagesimo quarto, in- diſtione secunda, die mercurii septimo men- sis octubris Padue*. memoratur *una domus de muro solariata & de cupis coboperta nunc di- cta domus a moneta, & olim domus rubea, cum curte orto & putheo posita Padue in con- trata S. Margarite. Cui coberet a duabus partibus via publica, ab uno latere magister Carolus aurifex de Janua, & a parte poste- riori*

PATAVINORUM. 141

riori heredes Brocardi campforis. Erat ergo domus altera Patavii dicta domus a moneta, quæ quondam vocaretur & domus rubea. Ex iis verbis duo colligas. Id primum est. Ea domus hoc anno iam desierat ab opificio monetæ, quoniam non scribitur esse monetæ domus, sed tantum vocari. Præterea iam Collegio Sclarium destinata fuerat, ut in ipsis est tabulis. Alterum sic est. Ea quidem domus habuerat officinam monetæ, sed paucis annis, quoniam servabat adhuc primævum nomen, hoc est, rubeæ. Confines huic erant hæredes Brocardi campforis. Ipse contratam Fallaroti tenebat millesimo trecentesimo sexagesimo nono indictione septima die lune quinto mensis februarii. Padue in contrata fallaroti in domo habitationis Brochardi campforis filii Ser Petri boni de Plebe sacci. Pariter eius hæredes millesimo trecent. nonagesimo tercio indictione prima die sabati quartodecimo mensis junii. Padue in contrata fallaroti in domo heredum quondam Brocardi campfforis. Ex Prætalienfibus autographis. Ex iis hanc a moneta domum sive rubeam locamus ubi contratæ seu regiones duæ Fallaroti sanctæque Margaritæ cohibant. Proximas namque probat membranaceus apud Fatiolatum codex, in quo describitur ævo quartodecimo Patavina civitas. Inter alia porte quinde-

142 DE RE NUMMARIA

decim minores hoc ordine sunt . Porta S. Leonardi . porta B. Petri . porta Tadorum . porta B. Thome , &c. Porta S. Stephani . Porta Fallaroti . Porta braidi— Vides ut Fallaroti regio ad S. Margaritam decurreret . Ex archetypis etiam geminis apud cœnobium D. Antonii , quorum est unum millesimo trecentesimo sexagesimo sexto indictione quarta die dominico ultimo mensis mai Padue . presentibus — Brocardo campfore filio Ser Petri boni Scofcati de plebe de contrata Falaroti de Padua , Alterum est eodem millesimo &c. presentibus — Brocardo campfore filio ser Petri boni Scofcati de contrata Braidi sive Falaroti de Padua , vides quo loco statuenda sit ædes Brocardi . Nam quæ quondam contrata Braidi , nunc S. Bernardini est . Hæc notiora nostris . Idem Brocardus anno MCCCCLXXVIII. mense septembris monetæ magister erat , ut XI. capite dictum est . Ipse rubeam domum vicinæ gratia monetam fecerit . Inde locum tenemus , in quo sub seniore Francisco publica Patavinorum moneta constitit . Anno deinde MCCCCLXXXVII. magister erat monetæ Bonromæus de Bonromæis ex Gataro pag. 786. & 615. Ipse alio fortasse monetam dovexerit : unde rubeæ domui sublata re titulus hæserit . Anno quoque MCCCXCVI. Petrus ab oleo magi-

gister est ex Papafaviis „ milles. trecente-
 „ simo nonagesimo sexto, indict. quarta ,
 „ die sabbati vigesimo quarto iunii. Cum
 „ per Rolandum a Curtivo campforem, &
 „ Manfredum eius fratrem Consilio ma-
 „ gnifici domini nostri exposita fuerit que-
 „ rela, quod Petrus ab oleo magister Ce-
 „ che debeat eis certam pecunie quantita-
 „ tem & argenti, quam in cecha predicta
 „ ipse Petrus deberet habere, & quod ip-
 „ se Petrus quantitatem ipsam pecunie &
 „ argenti in ipsa cecha non habet: cum-
 „ que fuerit ipsum Consilium informatum
 „ sic esse, ut dicebant dicti fratres. Idcir-
 „ co dictum Consilium in quo fuerunt do-
 „ minus Johannes de Porcellinis, dominus
 „ Guilielmus de Curtarodulo, dominus
 „ Baldus, dominus Daniel de Rido, do-
 „ minus Simon de Noenta, Paganus de
 „ Capitevace, & Guilielmus de Hungarel-
 „ lis factores deliberaverunt & preceperunt
 „ dicto Petro ab oleo presenti, quatenus
 „ usque ad decem dies proxime futuros
 „ debeat securitatem idoneam prestitisse
 „ eisdem Rolando & Manfredo fratribus,
 „ de solvendo & dando sibi omne id &
 „ quicquid constiterit ipsum Petrum sibi
 „ teneri occasione dicte Cechæ in termi-
 „ nis quibus tenetur. Ego — notarius &c. „
 Eo magistro moneta rursus in alias ædes
 con-

144 DE RE NUMMARIA

concefferit. Anno demum MCCCXCVIII. Johannes ab argento de Bononia magister extitit monetæ, velut ex tabulis apud Papafavium, scilicet Ubertinum, quæ proximum Caput erunt. Ex iis hæc modo ponam *Millesimo trecentesimo nonagesimo octavo. indictione sexta, die mercûrii quinto Junii Padue* — Item quod dictus magister Johannes habere debeat, & quod supradicti factores dare teneantur usque ad dictum terminum duorum annorum unam domum habitabilem & sufficientem pro laborando & faciundo artem predictam (*Cecbe*) pro qua dictus magister Johannes nullum affictum nec solutionem solvere teneatur. Ex iis omnibus habes ædem monetæ non fixam loco, sed aut Principis aut opificum voluntate mutabilem. Ego nullum vidi præfectum sive magistrum post Johannem. Qui certe monetam curare debuit annos saltem duos, *incipiendo die prima augusti*. Quare si is postremus est, opus nummarium fortasse revexerit in antiquas ædes, hoc est Papafabarum, de quibus extremo dictum est MCCCCV.

Ultimus ordine Principum Franciscus erat Francisci filius. Excultos ab eo nummos certum est ex editis edendisque chartis. Eos autem vix indices. Et eorum nonnullos qui supra positi sunt maxime Fran-

Francisci nomine vix ei detraham. Sed in vigesimo sexto qui postremus est, haud dubiam Junioris epocham tenes. Hic quidem nullo pretio est si spurius est; multo autem, si legitimus est. Non enim nummus, ut reliqui, sed numisma est ex iis quas *medaglie* vocant. Hæc quippe distinguunt; nummum commercio populorum, numisma decori Principum. Porro sic creditum est, ut numismata hæc ævo tantum quintodecimo cæperint; hoc autem quartodecimo est. Ego nihil hinc præceps egi. Typos eius habui plures unum domi, geminos e Papafavio, penes Arigonium Gradenigum Zenum singulos, utique æreos; argenteum rursus ab Arigonio, cavum postica, vacuum; quod ei cudendo deerat matrix: incusum vocant; utique non ex ea parte cusum. Tamen ipse, velut & reliqui, fusus est. Eos autem hoc est quisque suum ac suos fœtibus accensebamus ingenuis. Et ipse Zenus in hoc velut pertinax. Adii quoque Mapheium litteris ac dono numismatis. Ipse in ambiguo est. Rescriptit alia Venetiis edita iam numismata Carrariensium, quæ sequioris ævi credita sunt: ita hoc videri. *Ne fu già stampato in Venezia un gran foglio, ma non si credono del tempo loro, bensì fatte nel susseguente: così probabilmente sarà questa.* Jam vides ut ni-

K

hil

146 DE RE NUMMARIA

hil a me dissimulatum sit. Nunc quo se quisque velit suffragio teneat. Mihi certe magna est huius auctoritas. Eorum vero quæ vulgata sunt ab Iosepho scilicet Smith archetypa vidi iactavique pluries, omnia enim apud Papafavios; & alia similis ingenii. Nec ea multum nos tenent. Alterum mihi nunc indicat libellus ex eodem Zeno laudatus etiam Capit. XIII. Sphæra quidem in antica est, & inscriptio FRANCISCI DE CARARIA. Dei Patris imaginem postica fert; litteras autem REX REGUM ET DOMINUS DOMINANTIUM. Sic autem hæc sic alia typis iis expressa sunt, ut certam vetusti numismatis ideam ingerant. At causa difficili laboramus: adeoque nihil audendum sine ipsis archetypis. Archetypum tamen aliud numisma præter hæc innotuerat nobis adnitente Scoto per litteras. Habet Epigrammæ stylo, *che chiamano*, ait ipse, *gotico*. FRANCISCUS CARRIGERUS HEROS PATAVUS. Ibique *testa d' uomo barbato, d' età assai avanzata, coperta d' una specie di capuccio, non molto diverso da quello dei frati Capuccini*. Sic ad faciem. Sic ad posticam est HAC ALMA IN URBE MODERANTUR IMPERIUM. *Il carro &c. Pergit. Il pezzo è della grandezza d' uno de' nostri ducati. Il metallo*

tallo è bello, la testa è ben fatta, non infelici le lettere; ma con tutto questo ho le mie grandi dubbietà: e'l Signor Abate Arigoni pure ne dubita. Tuttavia non si può condannarlo. Dein & videndum misit usque Venetias. Inspectu, fateor; aucta dubitatio. Ibi vix erat mihi quidpiam ex eo seculo. Nam litteræ non tam erant; quam affectabant videri goticæ. Adde mixtas his & romuleas; id enim præter ævi consuetudinem est. Quid de viro senē rugoso barbato firmoque naso qui spectabatur in numo? Nasus ille Francisco nempe seniori non convenit. Nam de ipso numus censetur. Et Carrariensium vultus habes in ædícula Baptisterii quæ proxima est episcopio; sic enim putant: habes in codice Papafavio quem diximus annorum ferme trecentum. Barba quoque vix habet locum apud nos in monumentis aut picturarum aut signorum quæ per eos annos expressa sunt ex archetypis. Et quidem nec Marsilii facies insculpta mausoleo, quod est apud Carrariam ad Divi Stephani; nec simulacrum Jacobi, nec Ubertini quæ Patavii sunt ad divi Augustini, barbam præferunt: eaque & Carrariensia certò sunt, & coævæ sunt, & integra sunt. mitto de reliquis. Ipsa quoque numi species æconomia genius, omnia demum mihi fraus erant. Hæc causa

148 DE RE NUMMARIA

est, ipsum ne veris Carrariensium numis adiungam. Scotus autem ne damnaretur obstitit. Hæc iterum causa est, ipsum ne falsis Carrariensium toreumatis addam. Sed hoc num. 26. nostrum procul ab omnibus iis. Alius color, alia materies, aliud opus. Eæque per orbem litteræ sic ævo suo consonant, ut reliquæ quorumcumque nummorum, de quibus in iis passim tabulis. Nam quæ vulgantur a Smith omnia Romanas habent notas. Id quidem inter isthæc determinat, & nostro vetustatis adstruit fidem. Franciscus hic colludus atque humeris, & in lævum nexu fibula pallio: capilli breves auribus cedunt: ipse decora facie, validis membris. At hæc Gataro concinunt. Ipse Franciscum dat non molto grande, ma di statura comune, grosso e ben formato, pag. 940. Nec repugnat ornatus ille vestium. Quid enim Senior apud Gatarum MCCCLXXXVI. mense Junio? *Si rivestì d'un panno d'oro con un mantello affibbiato sopra la spalla longo fino allipiedi, abito proprio Cesariale*; qualis in nummo penitus est. Hæc autem inscriptio est. 1390. die 19. iunii recuperavit Paduam &c. Pariter hæc tempori congruunt, velut apud Gatarum est; & apud Muratorium Tom. III. Antiquitat. Italicar. pag. 1165. ex Patavino chronico ad annum

PATAVINORUM. 149

annum 1390. *Hoc anno & die XIX. iunii dominus Franciscus iunior de Carraria viriliter recuperavit Paduam cum toto Paduano districtu excepto Bassiano.* Concinit specimen *Historiæ Sozomeni* Tom. XVI. rer. Italicar. pag. 1143. *D. dominus Franciscus &c. die XIX. dicti mensis receptus fuit Padue in dominum.* Mordebat me potius is artifex & elegantior ætate sua res. At alia pariter eius ævi feruntur opera, quæ similes manus æquamque produnt industriam. Lege vel ipsum Maphæium Veron. *Illustr. part. III. cap. VI.* Ait autem ipse laudatis ad me litteris, adhuc sibi nullum numisma visum quod huic seculo fidas. *Del 1300. non ne ho veduto ancora, che con sicurezza si possa giudicare di esso.* Nostrum vero hoc & adeo nullas habet difficultates, & sic omnes authenticæ notas, ut eam poscat ætatem vel cum paucis, si qua præter hoc sunt; vel & solum, si nulla sunt.

CAPUT XV.

*Franciscus II. an. 1398. monetam publicam
locat. Inde syngrapha hæc,*

„ IN Christi nomine amen. Anno a na-
 „ tivitatem eiusdem millesimo trecen-
 „ tesimo nonagesimo octavo, indictione
 „ sexta, die mercurii quinto iunii. Padue
 „ in palatiis habitationum infra scripti ma-
 „ gnifici Domini, & eius factoria, pre-
 „ sentibus egregiis & honorabilibus viris
 „ domino Michele de Rabbata milite quon-
 „ dam domini Antonii de contrata S. Ni-
 „ colai, domino Henrico de Gallis filio
 „ ser Uliverii de Gallis licentiatum in iure
 „ civili de contrata Domi, Paulo de Leo-
 „ ne quondam nobilis viri domini Che-
 „ chi de Leone de contrata S. Lucie, &
 „ Matheo de Ferrara quondam domini
 „ Jacobi de Prioribus de contrata S. Agne-
 „ tis civibus & habitatoribus Padue testi-
 „ bus rogatis & ad hæc specialiter con-
 „ vocatis & aliis. Ibique nobiles & pru-
 „ dentes viri Gulielmus de Ungarelis quon-
 „ dam nobilis viri Traversii de contrata S.
 „ Margarite, & Nasimbene quondam Zam-
 „ boni de contrata S. Agnetis in simul fa-
 „ ctiores & generales administratores fa-
 „ ctio-

„ Etorum & negotiorum magnifici & il-
 „ lustris Domini domini Francisci de Car-
 „ raria Padue &c. domini generalis, & fi-
 „ lli recolendissime memorie magnifici &
 „ illustris principis & Domini domini Fran-
 „ cisci senioris de Carraria Padue olim
 „ domini generalis, nomine & vice pre-
 „ fati Domini, & Communis Padue de-
 „ derunt locaverunt & affictaverunt ho-
 „ norabili viro magistro Johanni quondam
 „ magistri Simonis ab argento de Bono-
 „ nia qui ad presens habitat Ferrariam
 „ in contrata S. Romani, pro bono uti-
 „ li & commoditate prefati Domini, &
 „ communis Padue, omni modo via &
 „ forma quibus melius potuerunt, us-
 „ que ad duos annos proxime futuros in-
 „ cipiendi die prima mensis augusti pro-
 „ xime futuri, Cecham & laborerium mo-
 „ nete ipsius Domini & communis Padue
 „ pactis & conventionibus infrascriptis;
 „ videlicet in fabricando & cudendo libras
 „ viginti milia sextinorum nigrorum & ad
 „ ligam oncie unius & quartorum duorum
 „ argenti fini, & ad contum seu numerum
 „ librarum sex pro qualibet marca Paduana:
 „ habendo remedium in dicta liga dena-
 „ rium unum argenti fini in pluri, & de-
 „ narium unum argenti fini in minori; & in
 „ numero soldos duos in pluri, & soldos duos

152 DE RE NUMMARIA

„ in minori, quibus reperiretur dicta mone-
 „ ta : & libras decem milia pizolorum ad
 „ ligam quattorum trium argenti fini, & ad
 „ contum sive numerum librarum tres sol-
 „ dorum duodecim pro qualibet marca Pa-
 „ duana, & liga de argento & ramo prefati
 „ Domini; habendo in liga denarium unum
 „ argenti fini in pluri, & denarium unum
 „ argenti fini in minori, & in pondere
 „ soldos duos in pluri, & soldos duos in
 „ minori : & omnem quantitatem Carra-
 „ rinorum qui exient sive extrahentur de
 „ argento quod ponetur in dicta zecha per
 „ quamcumque personam ad ligam uncia-
 „ rum septem & carraintorum octuaginta
 „ pro marca, & ad contum sive numerum
 „ librarum viginti sex pro qualibet mar-
 „ ca Paduana, habendo remedium in di-
 „ cta liga caratorum quatuor argenti fini
 „ pro qualibet marca in pluri, & in mino-
 „ ri: & in pondere carrarinum unum pro
 „ qualibet marca in pluri, & in minori,
 „ quibus reperirentur dicte monete om-
 „ nibus calis & expensis dicti magistri
 „ Johannis. Item quod illud plus vel mi-
 „ nus quod reperiretur dicta liga supra-
 „ scriptarum monetarum intra suprascri-
 „ pta remedia in damnum vel in utile
 „ dicti magistri Johannis per superstitem
 „ vel custodem dicte ceche, non debeat
 „ con-

PATAVINORUM. 153

„ contari nec poni per aliquam personam,
 „ sed solummodo monete suprascripte de-
 „ beant computari & poni ad rationem su-
 „ prascriptarum ligarum dictarum mone-
 „ tarum ; videlicet quod sextini sint ad
 „ ligam oncie unius & quartorum duo-
 „ rum argenti fini pro qualibet marchia
 „ dictorum sextinorum ; & pizoli sint ad
 „ ligam quartorum trium argenti fini pro
 „ qualibet marca dictorum pizolorum ;
 „ & Carrarini sint ad ligam unciarum se-
 „ ptem & caratorum octuaginta argenti
 „ fini pro qualibet marca dictorum car-
 „ rarinorum : & illud plus & minus quod
 „ reperirentur dicte monete in numero
 „ in capite dictorum duorum annorum,
 „ computato illo pluri quod reperiretur
 „ pro minori, & illo minori quod repe-
 „ riretur pro maiori. & si reperiretur in
 „ pluri, quod illud plus teneatur dictus
 „ magister Johannes dicto Domino resti-
 „ tuere. Item quod prefatus Dominus seu
 „ sui officiales dent & dare teneantur di-
 „ cto magistro Johanni omni mense di-
 „ ctorum duorum annorum totum argen-
 „ tum & totum ramum habile ad labo-
 „ randum pro laborando ratam dictarum
 „ librarum viginti milium sextinorum,
 „ & librarum decem milium pizolorum
 „ ita & taliter quod dictus magister Jo-
 „ han-

154 DE RE NUMMARIA

„ hannes possit fabricare, & fabricari fa-
 „ cere dictam ratam dictarum moneta-
 „ rum; & in casu quo per dictum magi-
 „ strum Johannem non fabricaretur, seu
 „ fabricari fieret dictam ratam primo men-
 „ se, sit ei licitum fabricare & fabricari
 „ facere in secundo mense; si non in se-
 „ cundo mense, in tertio: & sic in sequen-
 „ tibus mensibus; dummodo dictus magi-
 „ ster Johannes in capite dictorum duo-
 „ rum annorum expleverit fabricasse to-
 „ tam quantitatem dictarum monetarum
 „ superscriptarum. Item quod prefatus
 „ Dominus seu sui officiales dent & dare
 „ teneantur dicto magistro Johanni pro
 „ manufactura expensis & calis argenti &
 „ rami pro qualibet marca dictarum mo-
 „ netarum superscriptarum soldos duode-
 „ cim. Item quod prefatus Dominus seu
 „ sui officiales teneantur prestare & con-
 „ cedere dicto magistro Johanni cum ince-
 „ pit fabricare & fabricari facere aliquam
 „ quantitatem dictarum monetarum, libras
 „ mille soldorum ad rationem soldorum
 „ duodecim pro marca predictorum sexti-
 „ norum & pizolorum, ut superscriptum
 „ est. Item quod dictus magister Johan-
 „ nes teneatur facere solutiones omnibus
 „ personis, que ponent argentum in zecha,
 „ de carrarinis superscriptis, ut premissi-
 „ tur,

PATAVINORUM. 155

„ tur, pro eis fiendis usque ad quindecim
 „ dies proxime futuros a die qua ponent
 „ argentum in zecha in antea dando de
 „ dictis carrarinis sic per eum fiendis li-
 „ bras viginti quinque soldos octo dicto-
 „ rum denariorum pro unciis septem &
 „ caratis octuaginta argenti fini. Item si
 „ alique persone ponent argentum in ze-
 „ cha predicta, quod non esset ad ligam
 „ unciarum septem & caratorum octua-
 „ ginta pro marca, quod ipsis personis fa-
 „ cto facio dicti sui argenti, dictus ma-
 „ gister Johannes dare & reddere teneatur
 „ pro quaque marca argenti sui quod re-
 „ periretur in dicto argento quod non es-
 „ set, ut premittitur, ad dictam ligam ad
 „ rationem suprascriptarum videlicet li-
 „ brarum viginti quinque & soldorum octo
 „ de dictis monetis sic per eum fiendis;
 „ videlicet pro unciis septem & caratis
 „ octuaginta argenti fini, ut superius di-
 „ ctum est; ita tamen quod ipse persone
 „ que ponent argentum in cecha quod non
 „ esset ad dictam ligam unciarum septem
 „ & caratorum octuaginta pro qualibet
 „ marca, dare teneantur & debeant dicto
 „ magistro Johanni de dicto argento sic
 „ per eos posito in dicta cecha pro eius
 „ asinatura magisterio expensis & calo ca-
 „ „ ratos

156 DE RE NUMMARIA

„ ratos sex argenti fini pro qualibet marca
 „ argenti lordi sic per eos in dicta cecha
 „ positi, intelligendo a dicta liga inferius
 „ usque ad unciam unam argenti fini &
 „ caratos tres ab uncia una inferius pro
 „ quaque marca argenti sic per eos posi-
 „ ti in cecha predicta. Et quod de dicto
 „ argento sic in dicta cecha posito dictus
 „ magister Johannes facere teneatur solu-
 „ tiones dictis personis ad terminum de-
 „ cem septem dierum tunc proxime fu-
 „ turorum a die qua ponent in cecha in
 „ antea computandorum; & hoc propter
 „ presens quod dispensatur in aficiendo
 „ dictum argentum. Item si aliqua per-
 „ sona poneret argentum deauratum in
 „ dicta cecha, quod terminus solutionis
 „ fiende per dictum magistrum Johannem
 „ dicte persone de dicto argento, vide-
 „ licet quindecim dierum, non incipiat
 „ nec inceptum intelligatur nisi ea die
 „ quadietum argentum fuerit partitum :
 „ & quod de dicta partitura dicta talis
 „ persona debeat esse in concordia cum
 „ dicto magistro Johanne. Item quod di-
 „ ctis monetis sic ut premittitur fiendis
 „ non debeat fieri sazius de minori quan-
 „ titate marcarum quingentarum dicta-
 „ rum monetarum ; sed ut dictus magi-
 „ ster

PATAVINORUM. 157

„ ster Johannes facere possit solutiones
 „ personis que ponent argentum in ce-
 „ cha pro faciendo dictos carrarinos ad
 „ terminos suprascriptos modis & ordi-
 „ nibus infra scriptis debeant observari vi-
 „ delicet quod ad omnem instantiam &
 „ requisitionem dicti magistri Johannis offi-
 „ ciales super hoc deputati seu deputandi de-
 „ beant ire ad cecham predictam, & de car-
 „ rarinis supradictis levare & accipere de-
 „ beant pro quaque marca carrarinum me-
 „ dium : & quod carrarini sic levati & ac-
 „ cepti debeant poni in uno sacchetto qui
 „ debeat bullari bullo sive sigillo dicti ma-
 „ gistri Johannis, quo bullato debeat po-
 „ ni penes personam ydoneam eligendo per
 „ dictos officiales & per dictum magistrum
 „ Johannem . Et cum facte fuerint mar-
 „ che quingente dictorum Carrarinorum,
 „ quod tunc de dictis carrarinis sic acce-
 „ ptis & bullatis debeat fieri facius ad con-
 „ tum & ad ligam per hunc modum ; vi-
 „ delicet quod dicti officiales debeant per
 „ quamcumque personam eis placibilem,
 „ dum tamen sit bonus asazator, fieri fa-
 „ cere unum fazium qui sit unius quarti
 „ quarti uncie & non minor ; & similiter di-
 „ ctus magister Johannes facere debeat
 „ unum alium fazium de predictis Carra-
 „ ri-

158 DE RE NUMMARIA

„ rinis sic bullatis tanti ponderis videlicet
 „ quarti unius uncie, quibus factis in pre-
 „ sentia dictorum officialium videatur si
 „ dictus magister Johannes & dictus asa-
 „ zator erunt concordēs : & in casu quo
 „ non essent concordēs, ipsi magister Jo-
 „ hannes & asazator predictus facere de-
 „ beant tot saziōs donec erunt in concor-
 „ dia : Et similiter debeat observari mo-
 „ dus suprascriptus in dictis monetis dicto-
 „ rum sextinorum & pizolorum ; salvo
 „ quod cum fabricate fuerint usque ad quan-
 „ titatem quingentarum marcarum dicto-
 „ rum sextinorum & pizolorum, per offi-
 „ ciales super hoc deputatos debeant dicte
 „ quingente marche valde bene misceri,
 „ & de dictis marchis quingentis solemniter
 „ saziū debeat elevari & fieri facere
 „ modo suprascripto Carrarinorum. Item
 „ quod dictus magister Johannes dare &
 „ solvere teneatur asazatori predicto de
 „ quaque deliurancia marcharum quingen-
 „ tarum soldos quadraginta & non plus,
 „ & quod ad maiorem solutionem minime
 „ teneatur. Item quod dictus magister Jo-
 „ hannes habere debeat salem sibi necessa-
 „ rium pro laborando ad rationem libra-
 „ rum trium parvorum pro quoque sta-
 „ rio, ad mensuram starii bladorum sol-
 „ ven-

PATAVINORUM. 159

„ vendum tamen per dictum magistrum
 „ Johannem . Item quod dictus magister
 „ Johannes possit conducere seu pro eo
 „ conduci facere, & extrahere & extra-
 „ hi facere omnem quantitatem argenti
 „ & rami ac cuiuslibet alterius rei sibi
 „ necessarie pro suprascriptis & infra-scri-
 „ ptis sine solutione alicuius dacia vel ga-
 „ belle . Item quod quilibet alia persona
 „ possit conducere argentum in Paduam
 „ sine solutione alicuius dacia vel gabelle .
 „ Item quod aliqua persona terrigena vel
 „ forensis non audeat vel presumat tenere
 „ nec expendere in Padua vel eius distri-
 „ ctu palam vel occulte aliquam monetam
 „ falsam vel tonsatam vel retonditam .
 „ Item quod dictus magister Johannes da-
 „ re & solvere teneatur taiatori qui inci-
 „ det seu signabit ferros de quoque mil-
 „ liario dictarum marcarum suprascripta-
 „ rum libras duodecim parvorum & non
 „ plus, & quod ad maiorem solutionem
 „ minime teneatur . Item quod dictus ma-
 „ gister Johannes habere debeat & quod
 „ supradicti factores nominibus suprascri-
 „ ptis dare teneantur usque ad dictum ter-
 „ minum duorum annorum unam domum
 „abilem & sufficientem pro laboran-
 „ do & faciendo artem predictam , pro
 „ qua

160 DE RE NUMMARIA

„ qua dictus magister Johannes nullum af-
 „ fictum nec solutionem solvere teneatur.
 „ Item quod dictus magister Johannes de-
 „ beat esse exemptus & immunis cum to-
 „ ta sua familia ac omnibus suis officiali-
 „ bus familiaribus & laboratoribus ab om-
 „ nibus & singulis oneribus & factioni-
 „ bus realibus & personalibus civitatis Pa-
 „ due & eius districtus. Item quod ad om-
 „ nem instantiam & requisitionem dicti
 „ magistri Johannis omnes & singuli eius
 „ officiales & laboratores & familiares qui
 „ si sibi tenerentur & obligati essent in
 „ aliquo quoque tempore, pro quo appare-
 „ rent scripti debitores super libris dicti
 „ magistri Johannis scripti manu sua vel
 „ suorum officialium; debeant per quos-
 „ cumque officiales & rectores prefati Do-
 „ mini, & domini Potestatis Padue astringi
 „ & compelli realiter & personaliter
 „ ad dandum & solvendum omne id quid-
 „ quid dare tenerentur & apparerent scri-
 „ pti debitores super dictis libris dicto
 „ magistro Johanni summarie & eiectis
 „ cavillationibus quibuscumque. Item quod
 „ dictus magister Johannes non teneatur
 „ nec sit in aliquo obligatus pro aliqua
 „ moneta que ullo tempore reperiretur
 „ falsa vel non bona extra dictam ce-
 „ cham,

„ cham, sed solummodo obligatus sit &
 „ teneatur pro illa moneta que erit sub
 „ custodia & clavi officialis ad dictam
 „ cecham specialiter deputati. Item quod
 „ de liga nec de pondere alicuius mone-
 „ te reperte expendite per aliquod tem-
 „ pus extra dictam cecham contra dictum
 „ magistrum Johannem per aliquam per-
 „ sonam non fiat nec moveri possit ali-
 „ qua lis vel controversia. Item quod
 „ dictus magister Johannes possit extra-
 „ here vel extrahi facere omnem quan-
 „ titatem argenti batuti in foliis extra
 „ civitatem Padue & eius districtum abs-
 „ que aliqua solutione dacia vel gabelle.
 „ Item quod dictus magister Johannes
 „ possit extrahere vel extrahi facere ex-
 „ tra civitatem Padue & districtum om-
 „ nes bombardas & omne aliud laborerium
 „ de ramo bronzio vel de cupro vel de alio
 „ metallo, que essent necessaria illustri
 „ domino marchioni Ferrarie; & simili-
 „ ter omnem quantitatem pulveris a bom-
 „ barda: & similiter conducere vel con-
 „ duci facere in Padua & in districtu om-
 „ ne metallum & res que prodictis bom-
 „ bardis vel aliis laboreriis vel pulvere a
 „ bombardis essent necessaria, absque so-
 „ lutione dacia vel gabelle: & quod pos-
 „ sit

L . „ sit

162 DE RE NUMMARIA

„ sit ire Ferrariam ad probandum dictas
 „ bombardas sine aliquo impedimento, pro-
 „ ut tenetur prefato domino Marchioni
 „ vigore pactorum suorum. Item quod
 „ si dictus magnificus Dominus dicto tem-
 „ pore duorum annorum vellet aliquam
 „ aliam monetam argenti quam superius
 „ dictas facere fabricari, idem magister
 „ Johannes eam & eas ad libitum dicti
 „ Domini fabricare & cudere teneatur
 „ pro dicta solutione soldorum duode-
 „ cim pro qualibet marca, ut superius
 „ dictum est. Item quod aliquis forensis
 „ vel mercator qui ad presens non ha-
 „ bitaret Padue, non possit ponere ali-
 „ quam quantitatem argenti in cecha,
 „ nisi prius sit in concordia cum dicto
 „ magistro Johanne de termino solutio-
 „ nis. Item quod dictus magister Johan-
 „ nes debeat tenere dictam cecham & in
 „ ea laborare, & dicti factores eam sibi
 „ relaxare teneantur pactis & conditio-
 „ nibus suprascriptis sine alicuius obsta-
 „ culo & contradictione usque ad dictum
 „ terminum dictorum duorum annorum
 „ incipiendorum die prima mensis augu-
 „ sti proxime venturi; & si casus con-
 „ tingeret, quod in capite dictorum duo-
 „ rum annorum dictus magister Johan-

„ nes

„ nes esset in concordia cum prefato Do-
 „ mino, & commune Padue amplius la-
 „ borandi in dicta cecha, quod tunc &
 „ eo casu idem magister Joannes sine ali-
 „ qua lite & controversia sibi per ali-
 „ quem movendis tam pro dicto quam
 „ temporibus retroactis & non obstanti-
 „ bus aliquibus per ipsum actis tempori-
 „ bus elapsis quoquo modo per ipsum
 „ tantum observatis pactis & conditio-
 „ nibus suprascriptis debeat libere licen-
 „ tiari, & sibi fieri unam litteram fa-
 „ miliaritatis prefati Domini, & bulle-
 „ ta libera eundi extra Paduam & distri-
 „ ctum cum tota sua familia, & portan-
 „ do omnes suas massaricias libere & ex-
 „ pedite sine solutione alicuius datii pe-
 „ dagii vel gabelle. Quam locationem
 „ & pacta & omnia & singula suprascri-
 „ pta in presenti contractu contenta pro-
 „ miserunt dicte partes attendere obser-
 „ vare & adimplere sub pena ducatorum
 „ ducentorum auri, hinc inde stipulatio-
 „ ne promissa (&c.) De quibus omni-
 „ bus & singulis requisiverunt & rogá-
 „ verunt dicte partes me Zilium nota-
 „ rium infra scriptum ut deberem confi-
 „ cere & tradere utrique parti publicum
 „ instrumentum. Ego--- &c.

A Berlin le 5. Maj 1711.

MONSIEUR

— — — M. Schott. Vous verrez dans nos *Miscellanea*, une Dissertation par laquelle il prouve que nôtre Roi possède dans son Cabinet, dont il est Gardien, la plus ancienne Medaille qui ait été frappée parmi les Grecs. Il prepare un autre dissertation, pour nôtre Second Volume, par laquelle il prouvera que le Roi possède aussi la plus ancienne Medaille des modernes. Elle est de *François Carraria*, que (&c.) & elle fu frappée lors qu'il se rendit maitre de la ville de Padoüe.

Des Vignoles M.

Hæc ad Cap. XIV. Pars est litterarum quas ante triginta tres annos dederat Vignolius ad Bern. Zendrinum modo Reip. V. Mathematicum. Nec dubium quin de numismate nostro. Eas ipse Zendrinus obtulit ex autographis.

AD-



ADNOTATIO

De annulo Marfilii.



A Udieram extare Venetiis apud Sanutos annulum Marfilii de Carraria, qui secundus ex ea gente Princeps. Idque memoriæ mandaveram. Sed alia ex aliis indaginem diu trahebant. Expleto nunc opere signatisque jam tabulis, eo animum verti. Adii Aloysium Zenum veteri iure famulitii. Ipse rem facile ab Sanutis impetrabat. Adeo viri proceres in meos conatus ierunt.

Annulus ex auro est, habetque gemmæ loco discum pariter ex auro, qui volvitur in facies duas. Altera currus est,

L 3 de

de quo vere Poeta caneret . *Aureus axis erat, temo aureus, aurea summæ Curvatura rotæ, radiorum quoque aureus ordo.* Altera facies habet galeam, subiecto plaustris clypeolo . Rota in casside est, eamque circum brachia duo veluti cornua tenent, quæ palmis utrinque reductis in arcum desinunt . Additas brachiis manichas ii globuli probant a cubitis ad manus : & hæ nescio quid chirothecarum præferunt . Ea viri militaris ornatum produnt ; nam togatus amictum præterea laxiorem desuper indueret, ut ævi picturæ statutzque docent aliæque memoriæ . Juxta sunt S. atque M. Ea Sigillum Marsilii explices . Ita famæ res ipsa congruit, annulumque Marsilii non indubium obtines .

Habuit ea quidem ætas & Marsilietum qui de sanguine Carrigero, qui Patavinorum quoque princeps ; unde *Sigillum Marsilieti* legendum hoc crederes . At Marsilieto clypeus erat gemino curru ac leone gemino ; quod Gatarus ait, quod capite X. probatum est . Is etiam *brevi fuit atque exili corpore, minuta facie* : teste Vergerio rer. Italicarum pag. 176. Tom. XVI. Contra annuli species hominem probat lacertosum, plenisque membris, ut æream vides imaginem,

Habuit ea quoque ætas Michaelēm
de

de Rabata *fide consilio militarique gloria* probatum Vergerio pag. 191. ac reliquis. Hunc Junior utique de Carraria *tam bene de se deque genitore suo meritum signis armis cognomine familiæ donavit, ac deinceps Carrariensem appellari posse dedit* anno MCCCXCIII. die XX. novembris. Ex quo *Sigillum Michaelis* hoc interpretandum contenderes. At non is erat sculpturæ mos anno MCCCXCIII. ac deinceps. Adderent flosculos flosculis, & lineas implicarent lineis; adulterarent litteras, augerentque phaleras, aliasque sculptorum technas. Hæc etiam clarius ex ipsis archetypis noscas. Eaque iam Capite IX. perspecta sunt.

Contra nihil horum Marsilio repugnat, alia consentiunt. Non repugnat annuli materies, auro scilicet obrizo, quæ deceat principem. Non annuli moles quæ deceat Marsilium, *procera nempe statura*, qualem Vergerius ait, pag. 158. Non annuli modus & ars ei non tantum seculo, sed temporis congruens. Adde locum; quippe constat annulum emeruisse primum apud Carrariam, quo Marsilii corpus elatum est. Ego hac occasione viri arcam atque epitaphium spectavi. Spectarunt & alii; postremos elogii versus ita legerunt.

Annis millenis tercentum terque decenis.

Bisque quater Christi benedicti luce peracta.

Sed in mausoleo est. *Benedicti luce sacra-*
ta ; quod historiæ congruit. Nam *die*
XXI. mensis martii in festo Sancti Benedicti
dominus Marsilius de Carraria migravit ad
dominum ; vélut in additamentis ad Ro-
 landinum pag. 142. Venetis typis. Con-
 sentiunt Gatari , Cortusius , alii . Hæc
 minuta res ; ex qua tamen intelligas in-
 scriptionibus etiam Patavinis haud cessisse
 feliciter apud nostros. Ego quas in arche-
 typis inspicio semper in editis emendandas
 agnosco . Marsilii testamentum est mille-
 simo trecentesimo trigesimo octavo indictio-
 ne sexta die dominico octavo mensis mar-
 tii , quo corpus efferri suum iubet apud lo-
 cum Carrarie . Causam habet , ubi inquit ,
 maiorum suorum corpora sunt . Ex auto-
 graphis apud Papafavios . At maiores suos
 apud Carrariam ceteri quoque Carrarien-
 ses habebant . Et tamen Jacobus , & Mar-
 filietus ad D. Antonium delati sunt ; U-
 bertinus , & Jacobus alter ad D. Augusti-
 num , Franciscus ad D. Baptistam : alii
 alio .

alio . Itaque Marfilius aliis etiam caufis
 apud Carrariam condi fe iufferit . Una
 forte eft , quod vellet eo loco quiefcere
 moriens , in quem velaugendum vel ornan-
 dum vivens intenderat . Ibi enim fcilicet
 ad D. Stephanum nescio quid mihi animad-
 vertere videbar , unde munificentiam Mar-
 filii coniicerem . Erat hoc antiquum putei
 labellum . Saxi quidem moles exefa nonni-
 hil ævo manueque . Sed has tamen exhibet
 adhuc celatorum notas . Exagonum pu-
 teal eft habetque totidem facies . Habet
 una galeam serpentis , adiectamque parmu-
 lam , fed abrafis hanc fignis . Altera curu-
 lem fert rotam . Tertia pariter habet ro-
 tam . Quarta galeam serpentis alteri ge-
 minam , fcutulo rurfus appofito , fractis-
 que fymbolis . Quinta clypeum dat , ipfe
 crucem . Sexta denique rotam . Species
 operis æquæva Marfilio eft . Marfilium vix
 ifthic non fentias . Crucem Patavii sym-
 bolum novimus ; in nummo , qui tertius
 in tabulis erat , serpentem vidimus ; in an-
 nulo rotam tenemus , omnia Marfilii .
 Quam itaque habes in annulo , habes & in
 puteo rotam ad galeam Marfilii ; quodque
 postulabatur , hic iam tenes . Nam memi-
 ni me capite XI. diu anxium , quo Gata-
 rum numo tertio conciliarem , Gataro leo-
 par-

pardum, numo serpentem ferentibus in casside Marsilii. Res eo steterat, ut ipsi adstrueremus alterutrum, licet ex coniecturis. Hic ea fidentius exequimur, addimusque tertium Marsilio *cimmerium*, sic enim vocabant; leopardum Gatari, serpentem numi, rotam sigilli.

Nam tres etiam Francisco galeas assignant Gatari. Prima est Æthiops, de qua læpius in hoc opere memoratum est. Altera est ala, de qua MCCCCIV. mense augusto; pag. 896. *bandiera rossa col cimiere dall' ala con la targa del carro*. Tertia est non una sed ala duplex. anno MCCCLXXXVII. mense martio. *Se mise in testa el suo bazzinetto, sopra lo quale si era uno cimiero con doe ale doro*. Hæc de iuniore Francisco. Quid senior? Age funus eiusdem quale Vergerius exhibet etiam Tom. XVI. rer. Italicar. pag. 191. *pendentia*, inquit, *ab humeris eversa scuta ferebant. aderant tecti undique sonipedes. Alii sanguineam rotam, alii eiusdem coloris currum, alii pendentes retro galeas illis, quibus uti solebant, chimeriis ornatas utpote rota, ala, atque Ætiopæ*. Legi hæc expressius in alio codice *illis quibus uti solebat chimeriis*, ut omnino Franciscum poscant. Dedit codicem Guillelmus e campo S. Petri. Tres etiam Senior Æthiopem,

pem, rotam, alam cassides habet. Alii autem Carrariensibus idem cessisse credimus, ut galeas plures ac cimmeros & conos haberent, quam de quibus est apud Gataros. Ea nunc invidet ætas. Hæc etiam decora galearum puto adventasse nostris ex dominatione locorum. Nam MCCCXCVII mense augusto, quo Junior apud Gatarum lustrabat urbis & agri copias, ita procedere videas oppida Carrariensium.

Primum est Miranum. Huic *testa d' aquila* vexillum est.

Alterum est Oriacum. Huic *rota rossa* vexillum est.

Tertium est Carraria. Huic *carro rosso* vexillum est.

Quartum Caput sylvæ. Huic *testa di serpente bianca* vexillum est.

Quintum est Arquada. Huic *ala d' un' aquila nera* vexillum est.

Sextum est Titulus. Huic *colomba bianca* vexillum est.

Septimum est Plebs. Huic *ale due rosse* vexillum est.

Alia prætereo. Rota est in vexillo Oriaci, quæ in vertice Marsilii, primique Francisci. Currus in vexillo Carrariæ, qui duplex in vertice primi Jacobi. Serpens in vexillo Capitisylvæ, qui rursus in ver-

vertice Marfilii, ac secundi Jacobi. Ala est in vexillo Arquadæ, quæ pariter in galeis utriusque Francisci. Geminæ quoque alæ in vexillo Plebis, & hæ rursus in vertice novelli Francisci. Tot vexillorum tesseræ affines Carrigeris haud quidem fortuito, sed causa dominorum putamus inductas. Movet me magis Montagnanæ vexillum, quod *un carro bianco e per cadauna ruota una stella d'oro* Gatarus ait. Illud enim non aliunde quam de Carrariensibus est. Eas ergo Signorum notas aut loca a dominis, aut domini a locis habebant. Ut etiamnum principes ac toparchæ symbola vel urbium vel arcium, quas habent, inferunt suis clypeis, si volunt. Hæc quia nummis quoque communia sunt attingere placuit. Viam quippe sternunt undecumque noscendis & iis quos habemus, & iis quos aliquando proferet ætas. Nec omnia collegi, quoniam non eorum præfens usus est.

Si quid hæc etiam merito sui placent, maxime Patavinis debeas; quorum gratia sedulitate studiis ea mihi tabularia præsto sunt, musæa prostant, bibliothecæ patent, alia suppetunt. Ii quippe non degenerem patriæ animum ferunt; eaque benevolentia factum est, ut & ista
nunc

173
nunc de re numaria constarent, & in posterum ad maiora spes sit.

*Perge igitur, ut facis; & victis ævo
redde novitatem.*

Symmach. lib. VII. epist. XX.

F I N I S.





Errata.**Corrige.**


Pag. 51	lin. 24	collario	cellario
71	25	alios	alias
83	16	Datis	Dat is

Reliqua sensum non mutant.


Pag. 110 lin. 7 Eum &c. dele eam pe-
riodum chartamque veterem.











7











005654535

68

